

JEAN BARRAL

NOVA HORIZONTI

ITINERARIO
dil
Historio Universal



VERLAG UNESMA G. M. B. H.
LEIPZIG

ITINERARIO

dil

Historio Universal.

Broshita: 2.— M.

Bindita: 2.70 M.

On recevas la katalogo dil lernolibri di la Linguo Internaciona (gramatiko, lexiki edc., en omna nacionala lingui), che la central editerio internaciona:

Sioro F. SCHNEEBERGER,
(Ido-Internaciona-Editerio)

Lüsslingen-Solothurn, SUISIA (HELVETIA).

Central revuo di la Linguo Internaciona editesas dal eminenta profes. Dr. L. Couturat. Ita maxim interesiva e grava jurnal redaktesas tote en linguo internaciona, e sua redakteri o koresponderi apartenas a la maxim diversa landi e lingui di la mondo. On abonas:

„PROGRESO„

Oficiala Organo dil UNIÓN POR LA LINGUO INTERNACIONA konsakrata ad la propagado, libera diskutado e konstanta perfektigado di la linguo internaciona. Abono: Francs 7.—

Librairie Ch. Delagrave, Paris, 15 Rue Soufflot.

OMNA YURI ESAS REZERVITA

A NIA LEKTERI!

Skisita da Zamenhof ante 30 yari la linguo internaciona atingis recente per la ecelanta e ciencala labori dil Akademio dil Uniono, tanta perfekteso, ke ni ne renkontris irga desfacileso por expresar omna historial koncepti, e tanta simpleso, ke multa lekteri povas komprenar preske omno pos nur lektir la elementi di la gramatiko. La hodiea formo di la linguo internaciona esas definitiva, e lua stabilesa esas tante plu sekura, ke ol ne rezultas de irga libro o dekreto. Nam, quale asertis la eminenta linguisto prof. Jespersen, la fundamento di la linguo artificala esas nur la racionoza e logikala motivi qui direktas lua autori e l'Akademio; ed ita motivi esas nechanjebla. Ube ula autori ne sequis la logikala motivi la linguo evolucis tote naturale a la formi vere internaciona.

To eventis por la geograflala nomi.

Zamenhof adoptabis uniforma finali artificala en „uyo“ por la nomi dil landi, senegarde a la formi internacione uzata. Ma esas evidente nepraktikala desfaciligar la linguo per nova ed artificala shokanta formi apud la formi dil sama vorti ja existanta en la internaciona trafiko: nam linguo internaciona devas evidente selektar la internaciona formi, ed esar la maxim facila por la maxim multa homi. Uniformeso artificala esas do nur adoptinda ube ol havas analogeso a la finali internaciona. Or la finala formo maxim internaciona esas „-ia“, de qua rezultas „-iano“ por la nomi dil habitanti. Ni adoptis do ita formo en omna nomi qui havas ja simila formo internaciona e nacionala samtempe, ex: Azia, Australia, India, Mezopotamia. Asyria edc.; ed anke por la nomi qui esas diversa en la lingui internacione uzata, ex: Francia, Germania, Egyptia, Grekia, Tripolitania edc. Ulte, segun l'exemplu di la linguo Rusa, on regulizus mem Finland(ia, Holand(ia, Portugal(ia, Brazil(ia, Japon(ia, Specala serio de nomi landal o regional havas finali en -ea, ex.: Kaldea, Korea, Mediteranea, Judea, Eritrea, Guinea edc. Ma existas anke serio de nomi kun finali diversa tote internaciona e do nechanjebla, ex.: Amerika, Kongo, Madagaskar, Siam, China, Elam, Israel edc., di qua la finali apartenas quaze ad historial nomenklafuro ed esas ne oportune modifikebla.

Analoge, on havas tre diversa ma tote internaciona nomi dil habitanti: dum ke kelka nomi finas naturale per -iano, -eano, -ano, derivante del

nomi dil landi en -ia, -ea od -o, ex: Indiano, Italiano, Kaldeano, Amerikano; plu granda serio formacas finali per simpla chanjo di -ia en -o, ex.: Germano, Anglo, Rumano, Turko, Bulgaro, Arabo, Mongolo, Franco, Ruso, Greko, Suiso, Liguro edc.; e kelka nomi havas, quale to eventas analoge por la nomi di landi, anke singla tote specala finali internacione uzata, ex.: la serio Aziana: Siamezi, Chinezi, Japonezi; Europeana nomi, ex.: Savoyardi, Provencali, Sardi (de Sardinia), Espanioli (de Espania), Portugezi, Byzantini, Cyprioti, (Cypriana indikus, quae on vidas ek l'Angla, nur adjektivo, ma ne indijeni de Cypro), Elamiti, Karthaginezi, Europeani, Semidi o Semiti, Kristiani, Israelidi o Israeliti, Albigezi (hereziani), Kurdi (de Kurdistan) edc.

La linguala formo en -ano esus ya linguale reguloza e admisebla en omna kazi; ma ol havas anke senco komuna di „membro adheranta“ en stato, societo o partiso, ed en ula kazi ol mem povas employesar en senco nuance diversa; dum ke la altra formi esas la formi specala dil nomi internaciona ed historial dil habitanti: ex. Savoyano povas distingiar, se on bezonas lo, anke „adheranto“ dil Dinastio di Savoya, dum ke Savoyardo indikas speciale habitanto dil lando Savoya. Anke la finali en -al povas employesar reguloze por analoga senci. E ta diverseso ipsa dil formi richigas evidente la linguo internaciona. Ma ni opinionis preferenda ne adoptar en nia stilo sistemale formi, advere reguloza ya linguale, ma apta enduktar konflikti kun formi nationale ed internationale ja uzata en la nacionala lingui. Ni preferis do uzar la finali sub lia formi tradicionala, nam ista finali ofte esas mem identa ad nacionala formi e konseque rikonocebla sen desfacilesado da omna lektero anke ne-Idista, por qua ni specale deziris igar la linguo maxim posible naturala e minimi posible artificala.

Ni adoptis por la linguo historial la regulo da prof. Lorenz pri la linguo ciencala, ke nultempe on povas aceptar kom linguo internaciona irga linguo qua koruptas la ja atingita internacioneso di la vort-trezoro. Ex., omni parolas pri linguo „Provencala“ ed astonesus audar „Provencano“, vorto tote reguloza ma stranja nam ol mem ne existas. Ni selektis do prefere ne la formi rezultanta de reguloza derivado segun linguala reguli, ma la formi uzata da omna lingui dil internaciona trafiko.

Regulizado perfekta esos nultempe adoptebla sen defrimenti, nam on dicus nek Franciano quale Italiano (preske omna Europeana lingui — inkluzite la Franca! — havas „Francez“), nek Italezi quale Portugezi, nek Anglardo (quankam la Angli havas la formo Spaniard), nek Asyrido quale Israelido; e la linguo plezos tante plu, ke ol esos plu naturala e plu konforma al kustumi internaciona ed universala.

Simila motivi direktis ni en la ortografio dil nomi stranjera. Sub ortografio Italiana (Asiria, Siria, Egiptia) la nomi esas multe min uzata, e do semblas shokar; inverse on rikonocas sen misplezo la ortografio kustumal:

Asyria, Babylon, Syria, Egypta edc. Ni opinjonas mem, ke esus neoporfuna alterar la internacinala ortografio di ta nomi, nam le analoga ek la moderna tempi ne darfas chanjesar, segunquale on deziras ne shokar per stranjesi la nacionala uzadi, ex.: Ceylon, Hyères, Lyon, Yokohama, Uru-guay, Yemen, New-York.

To valoras anke pri la nomi posedanta formo tradicionala historiale uzita da omna autori nacional: Tyrus, Cyrus, Jesus.

Ni konsideras do sempre amba formi, la linguala e la internacinal kom egale legitima; ma pro la plu granda rikonocebleso sive praktikeso en la trafikado inter stranjeri ni preferas la ortografio internacina, ex.: „Asyria“, nam ta nomi esas, quale agnoskas anke la Akademio dil Uniono, stranjera en la linguo.

Quante omna ta selekto importas on vidas lo de la fakto, ke ex. la vorto „Espaniolo“ mustas lernesar da omna exporteri di la mondo, ed esas la nomo nacionala ipsa quan parolas omna Latina populi e tota Sud-Amerikā, ultre Mexiko, dum ke irga nova formo dil nomo obligus omna ta diversa homi desfaciligar lia parolado per endukto di diferanta ed apuda tote superflua nomo! Nia maniero esas do esayo, quan ni submisas a la exameneno dil Akademio e dil publiko, sen irga pretendo trovir definitiva solvo. Lo sama valoras pri kelka specala vorti o formi gramatikala, quin ni enduktis probe, por expresar per aparta vorto aparta idei, quin omna linguo expresas per ula specala vorto: ex. „meliora“ por expresar plu-bona.

En ta questioni, qui ne dependas sole de ula konvenciono o preskripturi, ma precipue del variema uzi internacina, on darfas apene asertar deskovrir sempre ula sola legitima formo. Samo valoras por detali di omna linguo generale. Nam, quale remarkigis prof. Jespersen: „esas en la naturo di linguo, sive naturala sive artificala, ke ol existas nur per e por la homi qui uzas ol por komunikar lia pensi ad altra personi. Omna individuo povas enduktar en ol chanji sive koncie sive nekoncie. Se il trovas nulu qua imitas lu, sua novajo esas per to ipsa mortinta. Se kontre, il trovas imitanti, o se la sama novajo esas uzata sendepende da pluri, ol divenas regulo tante plu ke ol uzesas plu ofte. Esus stonigar linguo se on volus fixigar ula libro sola kom regulo nechanjebla por omni o por sempre. Same sola persono od Akademio, mem se lu esus elektita da omna guvernerii di la mondo civilizita, nultempe povus ediktar legi absoluta e netuchebla en temo di linguo, irgequal autoritaton ol posedas por donar konsili por la plu bona uzado“.

Ni do esforcis atingar unaparte la uzado quan ni opinionis plu bona e sequar la konsili dil Akademio segun posibleso en omna formi linguala, ed altraparte selektar la maxim difuzita Internacina uzado koncerne la nomi geografiala. Ni esperas do atingir stilo vere internacina e klara,

tale ke „Nova Horizonti” ezez ne nur interesiva per sua tote nova vid-punti, ma anke plu agreable en la lektado.

Konerne la kelka dialektal diferi inter la linguo internaciona primitiva da Zamenhof e la sama linguo ciencale perfektigita da la Delegitaro e dal Akademio dil Uniono, ni opinionas ke esus tote superflua enduktar hike irgo pri konflikto: sub dialekti diferanta en perfekteso, existas nur un linguo internaciona, e la bezoni ipsa di la praktiklo duktos nerezisteble ad uniformeso di stilo e simileso di formo en la sinso di la linguo min desfacila e maxim perfekta. Nia personala e chefa skopo nule esas linguala. Nam ni esforcis explorar la maxim grava questionl historial en la relati quin li havas a nia moderna homal societo. Ni do ne luktas pri vorti, ma pri grava kozi dil homal vivo, e la linguo esas do por ni nur instrumento, quan ni manuagis segun nia temperamento e nia bezono, quale omna autoro darfas lo en omna linguo.

Nur un averton hike ni deziras expresar: nulu supozez, ke ni irge atakas enemike irgequala religial kredo. Ma on reflektez, ke ni simple rakontas ed interpretas historiala fakti ed eventl. Ne atako esas nia entraprezo; ma, inverse, esforcio deskovrar irga min desfacila voyo transirar a nova mentaleso, e solvar la versimila konflikti di la menti e dil koncienci prefere mem ante ke li naskas, do preventar li, ed helpar segun posibleso la rekonsiliado inter omna diferanta religial o politikl ideari, it. es., unionar la homl nun enemika. Nam sincera e loyala homl mustas deskovrar sempre lia tranquila voyo. Quale la moderna internaciona relati nule destruktas la nacionala stati, ma inverse perfektigas e plugrandigas la nacionala ideali, tale anke inter-religiala relati nule minvalorigos religiala ideari ma inverse plugrandigos li. Quale on transiras de stato a stato, de lando a lando, admisante omnaloke la nacionala mori e submisante su a lokala legi, tale on transiros de religio a religio sen ofenso nek domajo, kande on lernabos komprenar la relativa vereso di omna simbolismo diversa, e kande on savos, ke sub la diverseso dil simboli on havas omnaloke nur identa grandioza ideari dil acensanta homal civilizeso ed universala kulturo.

J. B.

ASPEKTI DIL PREHISTORIO.

La moderna deskovri dil astronomio necesigis adopto di nova e plu ampla mezuri por expresar la dimensiononi inter la distanta regioni de la cielo. Hike on neplus kalkulas per simpla metraji. Ma la tota longeso di la voyo quan la lumo dum un yaro parkuras (kun rapideso de tri-cent-mil kilometri po sekundo) mustis adoptesar kom mezur-unajo di la spaci interstelara.

Segun tala metodo on kalkulas, ke inter la fixa steli nia maxim vicina distas de 4,3 lum-yari; ed un ek la maxim fora distas de 191,2 lum-yari, preske 2 lum-yarcenti! Segun Herschel la extrema steli dil Laktea-Voyo distas inter su de 14 000 lum-yari! E la disto di la steli dissemita en nebulosi trans la profundaji dil cielo esas nekalkulebla. Tanta esas ya la infiniteso dil universo!

Ne min grava deskovri pri la durado dil developo di la mondi necesigas adopto de analoga mezuri por la tempo. Nam nekalkulebla milioni de yari e de yarmili duris la developado di irga stelo. Nia Tero mem, nura satelito dil suno, parvenis a la nuna stando erste tra longa kosmal periodi, de qui la recenta importas en nia historial kronologio. Mem por expresar la periodi dil homal prehistorio konforme a la geologial periodi, on mustas do rekursar ad ula nova sistemo historial ed astronomial samtempe, naturala e nevarienda. Ita sistemo deduktesas de la movadi dil astri, per ampligado dil kalendarial indiki ad astronomiala o kosmala periodi.

Segun nia moderna koncepto la universo esas senfina en extenseso o spaco, e senfina en la durado o tempo. Interne lua infinita profundaji marveloza stelara-sistemi dum nekalkulebla tempi naskas e developesas, disfalas, desaparas e rinaskas sen interrupto. Nokte sur la cielo milioni de steli, quaze fari de stranjera rivi, revelas distanta mondi. Ante ke lia lumo parvenis til nia tero lu mustis do parkurar, rapida quale fulnino, voyi longa de yarcenti. E kande lu atingis ni, forsan intertempe uli ja desaparis e ne plus existas inter ta splendida mondi de qui oli departis, dum ke ja nova sferi por nova mondi itere naskis, de qui ni til nun ne savas irgo.

Omna steli developesas en sferala formi. Omna mondi semblas ĵirante flugar eterne sur uniforma voyi. Un inter li esas nia stelo-sistemo. Che lu iteresas la historio dil universo tota. Nam nia suno esas stelo. Familio de planeti, quaze sekundara mondi qui naskis de ol dum la nebulosala periodo, voyajas kun ol tra la eterna spaci. Un inter ta planeti esas la tero sur qua ni habitas; e lunar mon-deto, mikra satelito, naskinta del sama nebulosal dissolvo, marchas apud ni tra la solitaraji dil universo.

Ye la komenco la tero esis, quale ankore nun la suno, tre granda gasa globo. A ta gasal periodo sucedis periodo di fluideskanta fairo. Desvarmeskante la tero solideskis en extera strato de sua sfero. Ita periodi duris nekalkulebla yarmilioni, nam evo di mondo ne mem esas komparebla a nia homal evo efemera. E kande sur la solideskinta strato de la tero la varmeso ne plus esis tanta, aparis vapori, de qui kelkope naskis aquo, e balde strato de maro extensesis sur la tota surfaco di la tero. Anke ta strato de aquo nun desvarmeskis, e kande lua temperaturo atingis la grado favoroza la unesma fenomeni dil vivo aparis, per influo di eterna energio, la materio organizante su. Ta fenomeni di vivo esis la „protisti,, o prim-enti, simpla embrioni di

organizuri, qui ja esis nek animala nek planti, ma ulo ankore neutra, de quo balde diferenciesis la prim-animala e la prim-planti.

Dum sequanta periodo nova di desvarmesko, la strato solida di la sfero sempre plu koldeska en la infra regiono, la sulo ipsa kontraktas, e la supera krusto disfendas en sulkoza falduri. Balde skarsa somito aparas sur la surfaco dil aqui kom unesma insulo, e grandeska devenas mikra kontinento. Sur ta insulo la vivanta entoj dil maro adaptis su a nova kondicio de vivo. De fisko li devenis reptiloj. Kelki retroiris plu tarde ed itere vivis en la oceano, ma la maxim multo developesis en nova rika formoj, de qui la mamiferoj esas la maxim perfekta.

Sencece duris la desvarmesko di la tero kun olua fenomenoj e rezultoj. Sub la oceano, vasta e sinuifanta elevado alternas kun profundesko. La kontinentoj emersas reliefizita per montoj, e la maro sinkas ad abismo profunda. Nun paleozoala periodo aperas. Stranga e grandega plantoj kreskas. Mondo de simpla bestioj naskas sur fangoza litoj. La fisko, qui en antea periodo developesis a supera e perfekta formoj, naskas apud la bordoj dil maro; ed amfibioj monstroj reptas dum ero de jarmiloj tra sunoza planoj sur la rivoj di verda kontinentoj.

Omna ta marveloj vivis, reproduktis su, velkis e peris, formacante quaze montoj de mortinta individuoj e rasoj. Poste li disparas, dum ke sempre nova e plu perfekta individuoj e rasoj naskis, vivis, kreskis, reproduktis su, luktis, e mortis. Nur per lia fosila tracoj oluj ankore naracas a ni lia splendo e monotona historio. Or interne la profundaj dil Karbonostratoj la plantoj stonkas. Ma la marveloza fenomenoj dil vivo aparas sempre plu grandioza sur la tero: en nova epoko dil mondo naskas itere nova formoj dil vivo. Giganta bestioj brilas sub la ondoj dil maro, tumultas en la valo, e bruigas sur la montoj: grandega rasoj qui ne plus existas

nun; dum ke la unesma e skarsa mamifera bestiaro anuncas la sequanta ero, en qua aperis la supera organismoj. Manerare eventis, ke splendida kontinentoj itere desaperis sinkante sub la mari kun liaj mondoj de vivantaj entoj dum ke alialoke nova kontinentoj emeris ad montarojn, de kiuj la sulo konservas ĝis en niaj tempoj la mortintaj olimaj habitantoj de la tero, kaj ni kolektas nun liajn restaĵojn fosilajn por niaj muzeoj. Tamen oni vidas ke la diversaj stratoj de la sulo devenas ĉefe de la mara organismoj, en kiuj ni povas nun ankoraŭ legi la historion de la olimaj yar-milonoj: nam de la unesma apero de la vivo sur la tero ĝis la epoko pri kiu ni havigas parolasojn okazis ĉirkaŭ 100-milonoj jaroj. La fino de tiu periodo estas tiu, kiu nomigas la trian periodon.

Tia lasta periodo ekzistas precipe la tero de la mamiferoj, kaj de la maksimume perfektaj plantoj: inter la maksimume perfektaj animaloj ja aperis la diversaj simioj, de kiuj la supera serio ekzistas ĝis la homo-simio.

La tuta longa periodo de la komenco de la vivo ĝis nun estas la tero zoologia de la tero.

Nun eventis grava kosma fenomeno per kiu la tero ricevis tute novan aspekton, kaj de kiu ni povas regule kalkular ĉirkaŭ la tempoj: tiu nova grava fenomeno estas la unesma apero de la nivelo kaj la intensa koldeso, ĝis la neposibla. Je tiu epoko la tero ricevis oluon 4 diversaj fazoj aŭ sezonoj. Kio estas kaj per kiu okazis ita tiel grava ŝanĝo en la vivo de la tero?

PREHISTORIAL EPOKI.

Naturale mustis eventar ula tempo-punto, en qua la interna e propra varmeso di la tero desvarmeskanta atingis grado ne suficanta por luktar vinkoze kontre la frigorizanta influo dil interplaneta spaci. Ye ta punto la nivo mustis aparar. Til ta epoko la klimati di la tero esis egale tropikal e varma. Nun la klimati mustis diferenciesar, nam la varmeso di la suno ne suficis por varmigar egale omna loki de la tero, pos ke la interna varmeso desaparís. Dika strati de nivo kovris la surfaco dil kontinenti e ne fuzante pro manko de varmeso balde landi tota parkovresis per glaciéri senfina. Ube antee kreskabis la palmieri, quale ex. ni ritrovas li en la strati del brunkarboneyi ye la norda regioní, nun omna vejetivaro mortis. Ma remarkinda esas, ke dum sequanta periodo ita niva mantelo desaparís e la tero rivenís a sua varma stando antea. On havis do sucedanta epoki alternante kolda e varma, nam pos la nivo sucedís epoki interglaciala, dum qui la vejetado dil planti itere prosperadis, rivenante ad la maxim norda e suda regioní.

Segun hipotezo da prof. Dr. H. Pohlig ita periodi de koldeso e di varmeso sucedís tote reguloze, nam li genitesis da tote normala astronomial evento, nome da ula reguloza translaco dil central punto di la orbito di la tero. La orbito di la tero esas ya preske tote ronda, ma ol ne esas tote permananta e nevariebla relate a la suno ipsa. De la translaco dil central punto dil orbito rezultas, ke la suno iras en la orbito di la tero quale de un fokal punto al altra di ula elipsoida figuro. Kande per la translaco dil central punto dil orbito teral la suno iras ad un fokal punto, la tero esas advere en sa yarala voyo multe plu proxim la suno, ma nur

dum tre kurta tempo, e sur la maxima parto de la voyo ol esas multe plu distanta: de to rezultas tre longa vintri e tre kurta someri. Ita translaco di la suno de un fokal punto al altra eventas en periodo de cirke 100 000 yari. Se do che singla fokal punto eventas desvarmesko plu intensa di la tero, markizata per extensesko dil nivo e glacial mantelo, esas evidenta ke singla nivo-epoko atingas sua extrema etapo segun intervali de cent-mil yari. Meze inter la du extrema punti di ta periodo la suno mustas ritrovar unfoye la normala situeso central e koincidar kun la central punto dil orbito teral. Ita punto di central situeso esas extrema etapo dil varma epoko, pos qua la tero itere descentraligas sua situeso egarde a la suno. On havos do la maxima varmeso 50 yarmili pos la maxima koldeso, ed inverse.

Segun la deskovro en Anglia, an la Norfolk-rivo, proxim urbo Mundesley, di reguloza strati dil sulo, en qui la marki dil interglacia periodi esas tote evidenta, rezultas ke existis til nun entote tri glacial epoki, de qui la maxim recenta atingis lua maxim intensa punto di koldeso ante 30 000 yari. Ni do nun iras itere ad nova epoko di intensa varmeso, la suno retroirante nun a la periodo en qua lu ritrovesos exakte en la central punto dil orbito teral. Ita etapo atingesos en cirke 20 000 yari.

Ni havas talmaniere sekura etapi en qui nia prehistorio nun povas fixigesar. Historio autentika existas erste admaxime de 10 yarmili ante ni. Ma la prehistorio disfalas en diversa epoki: la maxim recenta, de la lasta nival-punto til historio autentika, extensesas en 20 000 yari. E la du antea extrema glacial punti ye intervalo de 100 000 yari single retroportas ni a cirke 230 000 yari, e tale ni atingas en cirke 300 000 yari la epoko en qua ni arivis en la fino dil zoologiala periodo, ante irga aparado di nivo sur la tero.

Singla de ta epoki recevis specala nomo: la unesma glacial epoko (prim-diluvial) havas la nomo „Skanium”. Ol

sucedis nemediate a la periodo terciara. La sequanta epoko esas la unesma interglacia, e nomizesas „Norfolkium”. La sequanta epoko o duesma glacial periodo (ancien-diluvial) esas versimile ta en qua la glacieri esis maxim developita inter la tri epoki de koldeso: la glacieri dil Nordo atingis til en la valo dil Thames e de la litori di Anglia unionis su kun la glacieri venanta de Norvegia, la mantelo de glacio kovris omna landi dil kontinenti vicina al poli, specale Nord-Europa e same omna somiti dil montari, mem en Afrika. Tanta esis la aquo transformita en nivo, ke omnube la mari sinkis, Anglia atingis la kontinento. Mediteranea desaparitis parte ed per to plura bendi de tereno sikeskis, tra qui la Europeana bestiaro e la olima prehomaro migradis ad-en Afrika. La duesma interglacial epoko sucedanta pos la anciena-diluvial nomizesas la „Helvetium”. De omna ta periodi la triesma glaciale esas ta quan ni povas studiar kun plu granda facil-eso, nam la marki di ta epoko nomizita yuna-diluvial, ne-plus destruktosis da nova supervenanta glacier-amasi: de la moreni di ta epoko quin on observas proxim la chef-urbo Germana on nomizas la strati de ta epoko la „Berolinium”. Ni esas nun en la moderna interglacial epoko, e Grenlando esas en nia epoko exemplo di lando kontinental kovrita tote per kilometro-dika glaciera strati.

On agnoskas per la fosila restaji del plantaro platigita sub la recenta strati dil diluvial tereni, ke la tero havis ante la diluviale epoki klimato omnaloke tropikal. Kande lore arivis la epoko di koldeso omna supera animali ed homosimial rasi mustis abandonar la regioni dil Nordo e migrar ad landi min desfavoroza. Multa hordi tamen serchis luktar kontre la naturo, ed en la regioni ne tote invadita dal nivo li duris, instigata dal bezono nutrar su, ingenioze plubonigar la kondicioni di lia existado: tale naskis de hungro la instinto inventar moyeni nova di sekurigar la alimenti, di protektar su per vesti, e di refujar e habitar en sekura

kaverni. Esis do la bezono, qua exakte quale nun incitis la prehomi developar lia inteligenteso, e se li ne konocabus la hungro dum la mizerosa epoki dil nivo, li forsan nultempe parvenabus a la civilizeso; nam quale ni vidas ankore nun che la Afrikani, ube la suno tro favoroze benedikas la landi ed ube de la arbori o per la chaso la sovaji recevas omno e ne bezonas penadar por saciesar, ibe la hordi manjas e dormas, joyas bestiale e kruele, ma nule pensas perfektigar lia inteligenteso kulturala: bezoni che li ne mem existas! Ma pro la hungro e la bezono, pro la doloro e la penoza laboro omna prehomal ed homal rasi acensas a plu alta standi de perfekteso.

Dum la maxim recenta epoko glacial, kande la mantelo de nivo kovris la tota nordal parto de Europa, la rasi lore vivanta en la zoni nun temperata, mustis migrar ad la regioni plu varma dil equatorial landi, ed invadis destruktante la hemi dil ibea plu sovaja hordi, di qui la membri manjesis kom chasajo en la regioni ube la animali esis tro skarsa. E kande nun rikomencis la nova epoko interglacia ante 30 000 yari, li rikomencis retroirar lente ad-en la regioni quin la nivo abandonis. Ma la regioni plu varma dil equatoro e dil sunoza landi esis sempre plu favoroza a la developo dil kultural esforci, nam ube la nivo apene abandonabis la vali, nur izolita individui e hordi povis riskar lia ekskursadi kom pioniri. Ed itere, kande la tero ridivenis tro varma, la kulturo retroiris ad la plu temperata landi: de to forsan on havas la expliko, ke la origino di nia moderna civilizeso naskis ne en Europa, ma en landi plu varma di Sud-Azia, e di Afrika, quale Arabia, India, od Egyptia, ed erste dum nia lasta yarmili ol transiris ad la Europeana regioni. Dum la venonta 40 000 yari preske la tota tero itere esos en stando favoroza, e la homal kulturo ne impedesos extensar sua konquesti sur omna kontinenti.

En la tereno di Süssenbor apud Weimar deskovresis

traco dil homo aparteninta a la preiranta tempi di la duesma interglacial epoko. Same en Taubach anke apud Weimar on ritrovis multa traci dil homo paleolita. Versimile la klimato di ta duesma interglacial epoko divenis kelkope mem plu favoroza kam la nia nuna, quankam min varma kam dum la epoko terciara. La famoza kaverno di Krapina en Kroatia, ube on ritrovis cirke 100 skeleti dil homo de la Helvetial epoko interglacia (cirke 100 yarmili ante nia ero) apartenas a la sama tempo kam la strati di Taubach. Ita prehomi esis de la raso nomizita „Neandertala”. Inter la restaji di ta kaverno on ritrovis restaji dil repasti di ta prehomi, de qui rezultas evidente ke li esis kanibala.

Quale to esas evidenta, anke grandega volkani mustis apertar su dum la violentoza fenduri, quin genitis la kontraktado di la tera strati dum la diversa glacial epoki. Anke lore sempre plu elevis su la somiti dil grandega montari qui reliefizas la kontinenti. Ube la lavao dil volkani mixis su kun la aqui dil maro, eventis teroriva explozi. Volkani esis dum ta periodi plu multa kam nun. Interne la stonigita cindri dil Volcano Kendeng, apud Trinil en Java, Dubois deskovris restaji di la maxim anciena reprezentero dil prehomal rasi, quan on posedas til nun. Ta specimeno vivis versimile dum la prim-glacial epoko (250 000 yari ante ni), nam ol deskovresis meze la restaji di animalo ek ta epoko.

Retroirante on vidas ek la progresanta developado dil diversa animal rasi, ke on povus dividir la diversa fazi dil prehomal developado en tri epoki ja de la terciara periodo. De la mamifera rasi qui aparabis ja dum la sekundara epoko naskis la mi-simia rasi en la anciena epoko dil terciara. Dum la mez-epoko terciara prosperis precipue la simia rasi pura. E ye la recenta o supera terciara aparis ja la homosimia rasi. Dum la prim-epoko diluvial od anciena quaternara vivis la *pitekantropi o simio-homi. Ed erste dum

la yuna-quaternara komencas la ero dil prehomal ed homal rasi. Olim nulu kredis, ke homi fosila existas. Ma exakte quale Le Verrier deskovris per nura kalkulo la nova planeto Neptuno, tale ja en 1868 Haeckel enuncabis (ante irga deskovro!) la karakteriziva signi dil simia-homo, tala quala Dubois deskovris ol pose, dum la yaro 1891.

On retrovabis restaji dil homo neandertala en la yaro 1857, en Neandertal (apud Düsseldorf), plu tarde en 1887 a Spy (Belgia), e plu recente eventis la deskovro di 100 Neandertalani en Krapina, kun multa altri en diversa landi.

Remarkinda esas che ta prehomi la osti en reliefo di la suba fronto o supraorbito dil okuli; ma precipue to quo maxim interesas la historio dil developado, esas ke a ta prehomi mankas la reliefo dil mentono: ol developesas erste kelkope e lente, dum ke developesas interne dil mentono la osto an qua fixigesas la muskolo dil organo di la parolo! Nam ita reliefizita mentono existas nur che la enti posedanta perfekta parolo-kapableso. Same, mem ankore a la homo „Heidelbergensis” ipsa preske tote mankas ita interna osteto en reliefo, sur qua fixigesas la muskolo di la parolo: ol esas ankore febla che la Neandertalani de Krapina e de Spy. Ita homi do havis nur neperfekta parolado e nur embrionala lingui. Tamen li konocis ja la uzo dil fairo, nam che lia repasto-rezidui on trovis bruligita peci de ligno e de osti. Lia utensili esis nur grosiera stoneti, nomizita eoliti, en qui on agnoskas evidente la formi di kulteli, skrapili, o pinti. Ita homi esis versimile la decendenti de ta homosimial rasi, qui pos la Saxona epoko di la duesma glacial periodo rikomencabis enmigrar ad Europa e developesis ad la rasi Neandertala. Semblas ke la prehomi de Taubach, havante plu favoroza chasi, renunciis la kanibalismo. Nam en ta regioni existis populoza bestiaro diversaspeca, de elefanti, de sovaja bovi e kavali, porki e cervi.

Multa rasi developesas de la formi min perfekta ad formi sempre plu nobla. Adaptante su a la naturo oli acensas la variema voyi dil vivo, developas per uzado organi plu perfekta, diferenciante transmisas nova qualesi per heredado a nova generacioni. En la varma landi di Afrika e di Azia misterioza influi forsan sunal de ul obskura origino markizis li per nigra pelo; ma altra hordi, naskinta de plu norda rasi en Azia ed en Europa esis bruna o mem reda pala, quale se nur sango e nivo kolorizabus lia pelo senpila.

Dum la mez-epoko diluvial Helvetiala aparis nova rasi plu inteligenta e plu developita („Aurignacana”), qui versimile exterminis per violentoza lukti la rasi Neandertala. De la Aurignacan prehomal rasi (enmigrita versimile de Azia) semblas naskir la moderna Europeani, e de la Neandertala naskis versimile moderna Afrikana rasi. Cetere dum ta fora epoki la tero esis populizata da tam multa e diversa rasi kam ol esas nun. Singla raso naskabis de diversa antropoida pretipi, ed ofte mixadis su kun altri ad nova metisa rasi (rasi de Cro-Magnon).

Che la Aurignacan rasi komencas aparar ula arto, en pikturi desegnuri, e versimile mem en religial skulturi por kulto. La habitanti dil kaverni Magdalenian, plu recenta, esis quaze artisti: en la desegnuri di mamuti o la pikturi di bufalo eminente realesala, per qui li dekoris lia kaverni, li atingis ja astoniva perfektoso. Lia armi esas teknikale ecelanta: plu frue hakili, e to indikas apteso a luktar de proxime; plu tarde flechi, e to indikas dispozo al kombatar de fore. Del aguli ritrovita on konjektas lia sorgema preparo di fela vestaro. La diversa figureti per qui la raso de „Cro-Magnon” (por signo di posedajo) markizis lua utensili indikas unesma origino di nomizado, di linguo, e quaze di skribado. Nam parola nomizado naskis naturale sive de onomatopeo, sive de la krio ipsa dil animal, ex. quale la mikra infanti ankore nun nomizas la hundo „vau-vau,” o la

kato „miau“, o quale moderna lingui nomizas ucelo „kuku!“, e la internaciona expresas „pafar“. Ed omna antiqua skribaji derivis origine de figureti od hieroglifi, vera desegnureti di la kozi ipsa.

Ye la retroiro dil glacieri ta rasi versimile migris ad Nord-Europeana regioni. Ma inter la mamuti e samperioda bestiaro kun qui la homo vivadis en kaverni, lua mento developesis ad inteligenteso. Lu inventis terorigar la timida e grandega bestii. Lu persequis li sistematre til ad ula bordo di granda rokajo, de ube oli falis en abismo, ruptis lia pezoza membri e divenis nutritivo dil ruzoza chasero. Se tigri o leoni guatis lu desub irga alta rokajo ube de la pordo dil kaverno lu vigilante observas la vasta pejzaji, la prehomi ja lernis lansar stoni, e la leoni fugis. On chasis anke per fosi ad-en qui on faligis la animali.

Nova yarmili pasas pos yarmili. La glacieri dil yunadiluviäl epoko anke itere desaparas. Plu varma suno brilas itere sur verdeskanta landi. Ma dum singla yaro sezoni varias.

Dum kolda sezoni, dorminte kun bovini e mutoni, la prehomi lerneskis varmigar su per lanoza peli, e drinkar stranjera fresha lakto. Ja de longe li amansabis kavali. Sequante la bovini tra la foresti e la herbeyi min skarsa, li lernis duktar ta docila bestiaro, prizar la fertila regioni e fixigar en li sua refujeyo por la nokto. Lore li piskis fishi de la riveri, lore li duris chasar la sovaja bestiaro. Nepoka hordi chasis mem sam-homa hordi.

Dum ke la rasi di Cro-Magnon ed Aurignac semblas esar plu recenta e plu perfekta, restaji de Neandertali (neander-taloidi) vivadis en Europa ja dum la lasta yun-diluvial epoko, qui esis sur la sama grado di perfekteso kam la nuna Australian negri. Itere pasas la yarmili. Sovaja e sendependa tra la foresti la homal rasi qui lore aparis, esis alerta, robusta, e sana. Nerare tamen senremedia epidemio

exterminis subite populi tota. On atingas la fino dil maxim recenta diluvial periodo.

Rezumante, la epoko dil simio-homi, kun la embrionala kapableso di parolo, duris de la yaro 250 000 til 150 000 ante la fino dil duesma diluvial glaciero-periodo (eolitala); la epoko dil Europeana simia-homi (Neandertala-Krapinal-Heidelbergan) kun ankore neperfekta parolokapableso (eolital e komenco dil paleolital) de 150 000 til 50 000 ante la fino dil glacial tempo; la Neandertaloidi (paleolital) cirke 50 000 yari; fino dil glacial tempo (Magdalenian) kun komenco dil mestieri. Ye ta epoko versimile on inventis l'arto dil poti. Ol naskis de to, ke on kovris per argilo sheli en qui on varmigis likvidi sur fairo. Anke run-graburin on havas de ta tempo: e to semblas indikar ke ye ta epoko naskis embriona literaturo, quale la epoko dil pitekantropi indikas la komenco dil embriona parolado. La deskovraji dil homo „Mousteriensis” (Neandertaloida) montras ke la prehomio komencis sepultar la mortinti.

Ni arivas nun ad la epoko neolitala. Neandertaloidi transiras de la kontinenti Europeo-Aziana tra la mari dil Nordo ad Amerika, e de Nord-Amerika, qua esabis anke granda parte kovrita per la mantelo de nivo, li populizis la nova kontinenti, til a la landi di Sud-Amerika. En Azia la manko de pluvo semblas impedir la extensado dil glacieri, nam tre poka traci de li existas sur la Aziana montari. Tra la fertila bordi dil mari Aziana e sur la rivi dil granda fluvii komencis lore kreskar plu densa hordi. Skarsa grupi habitas tra monti e foresti, dum ke altra tribui inteligenta, vagante tra la dezerti, iras de oaziso ad oaziso, praktikas la raptado e la komerco, e manjas la dateli. Diversa rasi adaptas su a diversa landi, e de la diversa sistemi e manieri di vivado naskas la plutarda temperamenta dil rasi. Ma til hodie mem, se ulu deziras verifikar la mori e vivo dil prehistorial rasi, lu bezonas nur parkurar la moderna kontinenti: de la neoli-

tala grado dil kulturi til la rafineso dil moderna civilizado, singla sorti existas samtempe sur la tero, en la natural muzeo dil tribui e nazioni.

Dum la florifado dil neolital epoko la nova rasi, lore atinginta vera homeso, semblas abandonar la kaverni, e precipue serchas habitar lagala domi. Ita maniero de lojado existis ankore til tre recenta tempi en Suisia, ed existas nun ankore che multa sovaji di diversa kontinenti. Dum ta epoko la homi lernis amansar reguloze e sistemale la diversa animala quin ni konocas, precipue anke la kavali e la bovi, skarsa en antea epoki. Injenioza prekurseri dil plutarda civilizesi inventis utensili, deskovris la sekreti di la naturo, ed uzante ta nova savo, sive por submisar samlandani, sive por direktar li ad plu alta grado di kulturo, li divenis o tirani o sacerdoti, segun lia temperamenti ed instinti. On iris adorar sur la monti od interne la profundaji dil foresti la suno, fairo splendida qua guvernas la mondo e donas vivo a la naturo. Agnoskante kom misterioza e stranjera aparaji la grandega rokaji, quin la retroirinta glaciери abandonabis fuzinte, on kolektas li, on dispozas li en dolmeni ed en vasta aranjeri, ube la sacerdotari komencis sakrifikar a la „dei,, misterioza, qui semblis governar la elementi e la naturo.

Ista esas la prehistoriala epoko, preirinta nia autentika historio. Ol duris do dum epoko tre interesanta di preparo e di intensa progresado, dum forsan 25 000 yari, un tota zodiako.

Nun la eventi multeskas. Splendida inventuri donis a la plu progresinta hordi e landi la sekreto parlaborar la metali. E dum ke nova sistemo di armizado aparas, sempre plu inteligenta e plu violentoza despoti o sacerdoti unionis o vinkis plu ampla landi e guverneskis plu granda tribui. La dokumenti autentika de ta epoki abundas ed ritrovesas omnayare sempre plu multa. On bezonas do nova exakta

mezuro dil tempi diveninta plu intensa e plu richa de vivo e de agado.

Ita naturala mezuro dil nova tempi esas la divido dil movado dil astri en plu kurta periodi. Anke sen komprenir, ja dum anciena ed obskura epoki prehistorial, la homi observadis la astral fenomeni, e la parkuri dil steli. Ye la komenco di omna historial epigrafi e dokumenti, ja la tempo semblas dividesir en granda eri, qui korespondis ad ula astral aparato. Inter ta sistemi ni ritrovas precipue la divido plu tarde indikita per la Signi dil Zodiako. La nombro di ta Signi augmentis e fixigesis pose a dek-e-du. Omni kune li formacas la periodo de 26 000 yari, dum qua la suno per la „precesiono,, parkuras unfoye la tota cirkuito dil eklip-tiko o zodiako. Se on admisas (H. Winckler) autentikeso dil ordino di la signi en la famoza zodiako de Denderah, nia autentika historio retroirus tra 4 Signi od Eri, til la signo dil Jemeli (ero di Saturno di la Romani). A la ero di Saturno e dil Jemeli (mito dil Dioskuri) sucedis la ero dil Tauro, e pose la ero dil Arieto. Dum nia ero la Suno esas nun printempe sub la stelaro dil Fishi, en qua ol advenis ye la I. yarcento di nia ero. La 12 signi dil zodiako dividante la zodiakal periodo de 26 000 yari en 12 secioni de 30 gradi, rezultas 12 eri de cirke 2150 yari single. Ita dividuri del tempo esas suficanta en la historio. On subdividas la eri en yarcenti.

Se on dividas la tempi ante-historial en centmili de yari, on vidas ke singla centmil-yara epoko havis cirke 4 zodiaki. Ita zodiaki, kun lia transiri de varma ad kolda periodi ed inverse, aparas quale grandega sezoni kosmal di la tero. Ito plufaciligas la datizo dil fosila dokumenti quin on ritrovas de la singla epoki dil diluviala tempi.

On posedas epigrafa dokumenti autentika erste de la ero dil Tauro. Quik on vidas per li, ke diversa rasi atingabis intertempe ja supera stando di perfekteso, en societi statale organizita. Nam ne omna rasi avancas kun egala rapideso. Multa landi de Afrika, di Australiana insuli, e di Amerika habit-esas aukore nun da hordi sovaja, di qui la stando de civilizeso ne ja mem atingis la etapo en qua la fokal punti dil homal kulturo marchabis ja ante sis o dek milyari en la vali dil Nilo, dil Euphrat, o dil Indus. Ma de la nuna primitiva stando dil kulturo che la sovaja hordi ni povas ipsa vidar ed observar, quale la rasi kelkope acensis antike la voyi penoza dil progreso. Por simpla perspektival exkurso tra la historial epoki on ne bezonas egardar la detaloza developado di cunna landi. Nam hike nur la chefa voyi, e fakti, movadi e fenomeni dil acensanta kulturo importas.

Dum ke la Egyptiana civilizeso ante 7000 yari supozas preirinta grava teknikal progresi, esas remarkinda ke la stono-periodo manifestas sua persistema durado, exemple en Suisia til aden relative recenta tempi inter la yari 4000 til 2500 ante nia ero.

Versimila ultre esas, ke la civilizeso ja enportesabis aden Egyptia da invadinta stranjeri de Sud-Azia, ube anke, quale ni vidis, la kosmal vintro ne esis tante severa. En Mezopotamia developis su anke ye ta sama epoko prosperoza regni, plutarde nomizita la „Imperio di Sumer ed Akkad“. En ta landi regnis lore la periodo dil bronzo, olqua duris til yaro 1000 ante nia ero. Ye ta lasta epoko enduktesis en Italia la periodo dil fero. En Oriento til lore la fero restabis skarsa e precoza metalo. Por Est-Azia, Japonia

e China, la bronzo duris esar la maxim importanta metalo til la recenta yarcenti. To ne astonas, se on memoras la historio di Amerika, di Sud-Afrika, o di Siberia dum nia dek-e-sepesma yarcento. Ma China e Japonia esas plu progresema kam la Europeani en la arto parlaborar la fero e la metali.

To pruvas la variado di la stando dil industrial progresi che la diversa landi tra la yarcenti. Cetere ya l'industrio progresis che la homal rasi en un sola yarcento (dum nia dek-e-nonesma) plu multe kam en la precedinta yarmilo tota, e dum ta recenta yarmilo ol progresis plumulte kam dum dek yarmili antea; analoge esas versimila ke ol progresabis plumulte dum ita lasta periodo kam dum un tota kosmal sezono precedinta. Mem dum la 20 000 yari pos la desaparo dil kosmal vintro la prehomal rasi permanabis en monotona e nur lenta developo di sua kapablesi. Nam esas vera ke la parolo faciligis la transmiso dil aquirita talenti; ma erste la skribo posibligis ad la nova homi rapida aquiri di la transmisaji, ed erste la imprimado ya tote recente igis la skribaji posedajo di omni.

Anke segun la diferanta sistemi di skribado la progreso eventis en diferanta rapideso. La *Chinezi ankore nun bezonas perdar la maxima parto de sua vivo por lernar lia ideogramal alfabeto de 10 000 til 40 000 vorti, dum ke la Europeani per literal alfabeto bezonas nur kelka yari. Ed itere tale nia yunaro mustas perdar un triimo de sua yuneso por aquirar nur la savo dil reguloza parolo en lingui stranje nereguloza e desfacila, dum ke plu tarde apene un mi-yaro suficos por lernar la reguloze simpla linguo internaciona, per qua on relatos omna landi di la tero. Advere kelka monati suficos lore por tasko qua prenas nun granda parto del adoleco, same kam nun on produktas ya per mashino maestro-verki di qui la realigo olim duris un tota vivo.

Advere ankore nia patri, savante nulo pri la prehomal epoki dil zoological periodi, opinionis ke la homal raso ne evis plu kam kelka yarmili admaxime; li nomizis mem naive per nomo „Adam,, la unesma homo, e datizis la „Kreado di la mondo,, per cirke sis yarmili! Ma nun moderna exploreri deskovris monumenti di homal civilizado di longa yarmili ante „Adam”. De to la historio subite chanjis, same kam malgre omna opozado la astronomial opinioni chanjabis pos la deskovri per la teleskopo: nam ita anciena homi poslasis ipsa en stonal epigrafi atesti autentika di lia historio vera.

LA DECHIFRADO DIL KUNEIFORMI ED OLIA LEKTADO.

La famoza voyajero Pietro della Valle mencionis ja en 1621 stranja skribo-signi ek epigrafi di la antiqua rejal rezideyo Persepolis. Komto Caylus deskovris epigrafo en 4 lingui, de qui la lasta esis en hieroglifi. Intertempe dum la kampanio di Napoleon ad Egyptia ne nur on enportis ad Europa hieroglifa epigrafi, ma mem on deskovris ula en tri lingui, de qui un esis la greka. Ta deskovro posibligis la studio dil hieroglifa signi, e kelkope, di la tota gramatiko e di omna epigrafi, qui dekoras la Egyptiana monumenti.

On mustis expectar, ke eventez analoga fortuneza deskovro di plur-lingua epigrafo en kuneiformi. Ma regretinde to ne sucesis, e konseque olia lektado esis multe plu desfacila kam ita dil hieroglifi. Friedrich Grotefend, gimnazial

docero en Göttingen, sucesis en 1802 proba interpreto. Il studiadis la epigrafi, serchante en li ula ja konocata nomi dil Persa reji, e sucesis konjektar nomi di tituli, qui oftege ritrovesas en ta skriburi. Per ta nomi on lerneskis kelka literi, quin on povis aplikar a plura texti. Talmaniere on advenis a nova vorti ed on povis deskovrar, ke ta vorti similesis a vorti di la Indiana linguo „Zend”. Ye la fino di la mi-yarcento quan duris ta serchado en Europa, komencis (1835) laborar por la sama skopo en Azia Henry Rawlinson, Angla oficero en la Persa armeo, ilqua havis okaziono studiar la kuneiformi en la lando ipsa. Maxim remarkinda esas, ke il separate nur per hazardo parvenis ad la sama rezultaji kam ta di la sercheri en Europa.

Inter altrai lu deskovris epigrafo trilingua sur rokajo nomi-zita „Behistun,, en la monti Zagros sudweste de Teheran. Ta rokajo esas alta de 540 m, e ye 100 m de lua infro, sur tote planigita parto en neabordebla alteso, trovesas la epigrafo kun reliefi ube representesas rejo Darius, ed avan il katenizita enemiki. La epigrafo naracas lia revolto e sub-miso. Per la Zend-linguo Rawlinson sucesis dechifrar la senco di la unesma texto en anciena Persa linguo. La skribajo konsistas ek alfabeto de 40 literi e silabal signi.

Per la konocata person-nomi ek la unesma texto, on deskovris kelkope la signi, plugrandaparte silabal, dil duesma texto, qua esas en la linguo dil Persa provinco Susiana. La triesma texto esis en linguo semida, nome la Babylo-ni-Asyriana, olqua havis preske sis cent signi diversa: de ica signi, multi, quankam simpla, signifikas tota idei o vorti ed esas ideogrami, le altra esas silabal signi ed kunpozita formacas vorti. La verko da Rawlinson publikigesis en 1851. Fine eventis la deskovro di multa argila tabeli en Niniva, qui esis restajo dil olima biblioteko di Asurbanipal, ed inter qui on trovis vortara listi di la ideogrami e di la signi. Per ista e per plu recenta simila deskovraji en Suza, Nippur, Babylon,

Tel-Amarna e mult altri konfirmesis autentike ed nediskuteble la til-lora deskovri e dechifrado dil exploreri.

Se on deziras komprenar quanta esis la desfacilesa di tal entraprezo, suficas imaginar ke ul moderno neinstruktita pri stenografado deskovrus neprevidite stenografala texto en tri diferanta lingui ed en tri diferanta sistemi, sen savar en qua lingui esas la vorti. On reflektez, ed on vidos ke lu mustas studiar la signi qui rivenas plu ofte, konjektar lia senco, komparar kun la samepoka vivanta lingui dil sama o vicina landi, e kande lu sucesabos divinar ula nomi e certigar kelka literi e vokali, lu esforcos dechifrar la simila signi, literi e vokali en la sequanta vorti, til ke la dechifro sucesos tote. Tale facis anke la deskovrerri dil kuneiformi.

Dum la duesma mi-yarcento pos la verko da Rawlinson multa nov exploreri studiadis la Oriento, precipue Germani, Franci, Angli, ed Amerikani. On deskovris la ruinaji dil anciena metropoli di antiqua civilizado: monumenti, epi-grafi, tota urbi aparis! On eskartis la velo de dika sablo qua kovris l'anciena palaci renversita. On eniris la olima saloni dil reji, la chambri dil antiqua arkivi e tabelari, ube la historio di tri misterioza yarmili dormis til nun sepul-tita; on penetris aden la arkani dil templi, ed on apertis itere ad la surprizita moderni la trezori dil antiqua statal organizuri. La maxima parto de ta deskovraji esas nun en la „British-Museum” la kolekturo Kuyundjik: ol kontenas la gramatikal sistemi, e la docado-metodi dil Asyriana e mem di la Sumeriana lingui segun qui lernis olim la Babyloniani ipsa e qui divenis nun vera klefi por la studio di ta anciena lingui.

La kuneiformi skribesis plutarde per Arameana alfabeto: de to on havis la skribajo nomizita Pehlvia. Analoga transformon genitos en la balda tempi transkribo dil Japoniana e Chiniana signi per Europeana od analoga alfabeto.

Quale eventis la origino dil skribaji, to esas ya evidenta: se on pripensas e se on observas la fosila restaji del ritrovita prehomal kulturi, aparas ke pos developir la parolo la prim-homi ne sucesis inventar quik la skribaji. Mem ankore la societo di le Inka, prehistorial civilizeso dil Peruani dum nia ero ipsa, fondesis sur parolado sen skribaji. Ma erste la invento dil skribaji alfabetal esis la vera paso ad supera pensado e developado. Nura parolo povas ya esar preske senpensada kriado, quale on observas che la supera animali e che la simii antropoida. Ma skribar e lektar esas posibla erste pos reflektio e pripensado: per la skribajo do aparis la auroro dil vera homeso.

La unesma skribaji esis necese ne vera nomizo ma simpla pikturo dil kozi. Apud la pikturi ed ante li existis la nomi natural: nam expresar parole nomi di animali per imito di lia krio esas ya naturala: l'infanti trovas lo per su ipsa. Adapto di ta paroli o nomi ad la pikturi qui reprezentis la sama enti esis la sequanta pazo; vidante la desegnuri on memoris la nomi: to esis la primara lektajo. Nova etapo: on atribuis la sama nomi e paroli ad agi ordinara di ta animali e, per analogeso, ad simila agi di la homi. Ito esis anke la naturala e versimil kelkopa progreso. Transiro de ta simpla signi ad plu kompleksa indikis pose la voyo dil linguala developo.

Ni vidas fakte, ke preske omna antiqua skribaji esis ideogrami ed ofte irga desegno di la kozi: cirkletio signifika la suno; krecenteto per sua korni signifika la luno. On uzis sive ita elemental signi ipsa skribante, sive la korespondanta simpla vorti parolante, e juntante li por kompozar plursilaba vorti. Per isti on sucesis signifika tote nova kozi, sub mixuro de diversa silabi simpla quale ni procedas por la kunpozita vorti. Per adjunti diversa o per sequanta deformado dil silabi, signifika kategorial idei, quale sexu, nombro, tempo, on parvenis a la multoforma

flexioni di nia plu developita lingui richigita de omna nova nomi quin la civilizado adportis progresante.

La hieroglifi esas skribajo en qua la primitiva desegnuri per ideogrami restis kom alfabetala literi, ma developita mixe per adaptaji e per flexioni. Anke la Sumeriana, forsan ye la sepesma e sisesma yarmilo ante nia ero, mustas komencir per ideogrami. La skribaji di China e Japonia esas ankore nun en ideogrami, ma arbitre selektita e nule desegnuri di kozi. Multa hieroglifi esis sur la Egyptiana monumenti e povis observesar en omna tempi di nia ero. Malgre to on ne plus semblis savar ke li esis skribaji. Erste la deskovro di trilingua epigrafo (di Rosette) desvelizis itere lo. De la Kampanio di Napoleon en Egyptia ye la fino dil dek-e-okesma yarcento on adportis en Francia multa epigrafi, ed en 1830 Champollion en Francia povis dechifrar la hieroglifi. On recevis seque, rilektante la papiri e la epigrafi, la tota historio dil antiqua Egyptia ed olua anciena literaturo. Ke tala deskovri mustis nuligar preske la maxima parto del tilnuna historio pri la Antiqui, to esas klara.

La Babyloniani, habitanta en fertila ruri, esis necese grandaparte sedentara. En lia chefurbi an la rivi dil granda navigbla fluvii e proxim la maro, li developis anke naval arto. Navigado e komerco balde florifis intense, sive kun vicina sive kun fora landi, alonge la Aziana rivi, til India ube regnis Aryana rasi. To necesigis plu frequa skribado e seque duktis ad simpligo dil skribaji. Vice desegnar sorge me desfacila figuri per tenua stileto, on indikis nur lia plu grava linei per uniformigita konioforma grabaji sur mola argila tabeli, qui pose hardigesis per sikigo en forno. La ordinara letri ipsa skribesis sur mikra tabeleti argila: isti pose kovresis per dina strato de argilo kom envelopilo, sur qua on skribis la adreso, e quan la ricevonto ruptis por lekisar la mesajo.

Anke ista konioforma (kuneiforma) skribaji konsistas origine ek diversa quaze nepreciza desegnuri dil originala ideogrami, e singla signo esas sive tota vorto sive nur silabo. Anciena sistemo havas plu kam sisacent alfabetala signi. On komparez la signi multa di nia moderna stenografal sistemi ad nia alfabeti de 24 literi. La lekto dil antiqua sistemi esas do tante plu facila, quante plu simpla esas la alfabetal sistemo ipsa. Moderna China e Japonia, qui havas ideogramal lingui kun plu kam 40 000 arbitre selektita signi, ne mem ja atingis la relativa perfekteso dil Asyriana alfabeti. Analoge, lia Est-Aziana kulturi developesis nur lente ed havis preske nul influo sur la acensanta marchio dil mondal civilizeso en West-Azia ed en Europa, til ke li quaze vekis dum nia dek-e-nonesma yarcento.

LA ERO DIL SUMERIANI.

Segun obskura informi del antiqueso, e segun anke la hipotezi pri la diluviala sezoni, semblas ke la origino dil nuna kulturi naturale mustis komencir en la tropikal regioni di la tero: nam ibe ya retroiris la maxima parto dil prehomal hordi, kande la kosmal vintro retropulsis li de la nordal e sudal kontinenti. Nur tre poka indiki e restaji deskovresis til nun de ta pre-antiqua tempi. Erste venonta epoki forsan sucesos deskovrar plumulte kande la moderna verki di la tekniko parlaboros la interna parti di Afrika e di Azia por la moderna kulturo. Recenta exploradi ad-en la legendala lando di Antarktis, o mem en Sud-Amerika, furnisis richa

gani e permisas esperar sempre plu abundanta ed instruktiva deskovri. Tamen nur tre poke li chanjos la perspektivala vidpunti, quin plu sekura rezultaji del deskovri en plu temperata zoni di la tero ja furnisis a ni kun certeso. Nam dum la tempo en qua la prehomari ankore habitadis o vagadis tra la tropikala regioni, la stando dil kulturo ne ja esis tanta, ke ol adjuntez nova chefa fakti a ti quin ni ja posedas. A periodo suficante alta di vera homeso advenis la primhomi erste kande, atinginte la zoni temperata, li divenis sedentara e fondis statal organizuri e societi. Ultre, ne la hordi dil tropikala e varma regioni ma la rasi dil plu aspera landi havis suficanta energial instinti e bezoni, por developar progresiva rafineso dil kultural moyeni. Ankore nun la rasi Afrikana esas tote indolenta. E fakte nur la moderna Europeani enportis en ta regioni moderna vivo. Analoge, esis dum ta posdiluvial epoki versimile energioza e progresinta homi del regioni plu kolda qui invadis la zoni min aspera ed establis su en varma landi.

Hordi ek Aryana rasi invadabis de la Iran-plataji la fertila landi inter la fluvii dil regioni interkontinenta di West-Azia. De ube li venis? Nulu exakte savas lo til nun. Azia ed Europa esas kune la maxim vasta kontinento. Sur la rivi di lia mari e fluvii, interne la fertila vali ed en la foresti di lia monti mustis do multeskar la plu favorata rasi, Mongoli ed Aryani. Multeskinde li migradis ad vicina landi, direktante su naturale ad la landi sur qui brilis plu bela suno ed en qui kreskis plu bela plantari; nam ibe li trovis plu fertila sulo. Nova fluxi pos le plu anciena invadabis la monti di Iran, e pulsita adavan da nova fluxi, inundis la planaji del Halys al Nilo e del Mediteranea ad India, til la sunoza landi dil Sudo, pulsante avan li manjante o destruktante la hordi plu sovaja dil anciena habitanti, qui forsan primhomi min rezistiva desaparís o fugis ad-altrube. Anke la prehistorial invaderi di China ekiris de Nord-west-Azia.

La Sumeriani di Mezopotamia esis de mi-nigra rasi; li developabis grava civilizeso ja, kande nova fluxi de Semidi ek Arabia submisas Mezopotamia, ube li institucis la imperio di Babylonia, quan heredos Aryana rasi sub Asyriana imperio. Europeani Greka submisas pose la domeni dil Asyriani, e kun la Greki ni atingas ja la florifo di nia moderna kulturi.

Ye la epoko de qua ni havas nun la maxim anciena epigrafi autentika e datizebla, ito esas cirke 3000 yari ante nia ero ed unesma tempi dil ero di la Tauro, Mezopotamia disfalis en sistemo de mikra stati, simila a nia Europa dil mez-epoko (ero Kristiana). Quale ista disfalo sucedis a grandioza statala organizuro, ta dil Romana Imperio, same la Oriento disfalabis de precedinta serioza kulturo; ta di la Sumeriani, di qua analoge la sucedanta konservis la linguo e la civilizal institucuri. Omna detali di ta kulturo aparas quaze pozita sub la signo dil Jemeli: esas la ero dil Jemeli, o di Saturno segun la Romani. La chefa religiono esis segun rituo lunal, nam la chefa Deajo adoresis sub la simbolo dil satelito. La chef-urbi semblas esir Urü, olqua semblas havir en antiqua tempi preponderoza influo, analoga a ta dil plu tarda Babylon, ed Eridu o Nun-Ki an la boki dil Euphrato. Existis ja diversa stati ed afina nazioni, inter qui la landi di Martu (Syria), norde, Magan (Arabia) weste ed Elam este; anke urbi plu tarde famoza, Asur e Niniva, versimile kom santuarii: same Babel (Babylon), ankore sen politikal importo, ma religial centro di rituo Sunal, quale Sippar, Uruk; ed an la nordo di Mezopotamia Harran, famoza santuario dil rituo lunal, qua existas ankore til la dekesma yarcento di nia ero. An la rivi di Mediteranea multa urbi, inter qui Sidon e Tyrus; an Indus, sur la rivi dil Aziana mari, de Elam til India, altra stranjera urbi di qui ni ja ne savas la nomi, lerneskis la navigado e transportis de lando a lando la vari diversa dil diversa regi-

oni. Mezopotamia mustis esar la central punto dil anciena civilizeso e dil antiqua trafiko. Nam ne de richa regioni ek-migras la habitanti, ma inverse de min fertila regiono a pluricha landi. Ube natural richaji abundis la homi multes-kis e divenis industrioza, atraktante naturale la min favorita habitanti di plu povra landi.

Ita lando di Mezopotamia quan du fluvii aquizas en vasta planaji de la infro di lua monti til la rivo dil maro, esis quaze rendevuo e renkontral punto di omna migradi, e fakte divenis quaze naturala bĕrsilo di omna progreso e civilizeso. Nul altra lando di la mondo situesis tante favoroze, nam ol esas la nodopunto di tri kontinenti. Vers ol do mustis adfluar intense la invadi di la tempi prehistorial. Ne for Mezopotamia existis anke tri grandega popul-fonti: Azia, Arabia, Azia-Minora. De ta grandega nesti di homal rasi ekiris, sucedante ed alternante reguloze quaze fluxi de homal amasi, sempre nova invaderi.

Quale dum nia ero ankore, hordi sennombra de Mongoli ek Azia inundis Avan-Azia ed Europa, submisante la preirinta giganta Mohamedana invadi, tale ja ante la Semidal invadi ek Arabia di la ero dil Tauro ye 3000 ante nia ero, preirabis la Sumeriana kulturi, ek populi qui ne esis Semida, e qui forsan anke ekirabis de Aziana rasi. Ita Sumeriani mustis developir la arto skribar, e se ni konsideras quante longa mustis esar ta epoki en qua lente developesis la embrioni dil skribala probi, on vidas ke ja la Sumeriani mustas heredir la rezultaji di yarmila penoza esforcis di preirinta generacioni.

Ye la epoko di la ero dil Tauro, ita sumeriana kulturi atingabis mem ja delonge lia apogeo; e lore ta landi submisesis dal semida invaderi qui ekiris del Arabia peninsulo, ita invaderi ipsa quin on povas de nun sequar historiale sub la nomo dil unesma Babyloniani.

Semblas ke la religioza kulturi dil Sumeriani esis etapo inter la epoko dil dolmena sepulteyo-templi, e la sequanta epoko dil templi urbal. Dum ita epoko di transiro la loki dil kulto neplus esis simpla aranjo de granda stonegi en dezerta e misterioza region; nam la homari ja ne plus vivadis en kaverni e foresti. Apud la rivi dil grandega fluvii la homi mustis konstruktar urbi e domi. A la organizuri en hordi, tribui, sucedas nun la organizuri en stati en qui rejo sucedas a la chefi di hordo, quale la chefi di hordo sucedabis a la patro dil familio sub patriarkala rejimo. Lore anke la templi divenis altre. Preske sur omna somito dil montari di Arabia nova dispozuri erektesis ube la sacerdotari, maximparte vivanta sub tendaro, exekutis la preskripti dil diversa ritual festi e sakrifiki. On ne tardis ultre konstruktar vera sacerdotal domi apud la templi, tale en Egyptia, ube la templi ipsa adoptis l'aspekto di domi. Ma en Arabia la sakrifikal loki e templi konsistis ankore dum plu tarda tempi ek aperte-situata loki e dispozuri ofte marte-lagita en la rokaji ipsa cirkum qui esis plantacita densa arboraro. Ibe on iris reguloze sakrifikar a la deaji dil diversa region, sive frukti di la agri, sive bestiari dil pastureyi, sive mem homi, samlandani o stranjeri, quin on sakrifikis sur altari. Ita homal sakrifiki esis ankore en plu tarda tempi tante naturale uzita, ke che la Hebrei Abraham iris tote naturale sur monto sakrifikor al Deo sua filio ipsa, e ke che la Greki e la Romani on mencionas famoza exempli di sakrifiki en qui on ofris multa homi selektita inter la elito dil popolo. Restaji di ta mori existas ankore nun en Azia, ube la membri di ula familio brulesas sur la tombeyo di la spoza mortinta, od en Japonia, ube famoza chefi dil armeo su-ocidas por la honoro dil mortinta imperiestro. Ta erori ne impedas la Aziani desprizar la Europeani, e konsiderar kom nekomprenebla eroro la fantaziala dogmi dil religio Kristiana, nevera spekuladi mem min naturala kam lia filozofial sistemi.

Che la Sumeriani an la Maro Persa, raso de obskura pelo e de aglatra vizajo ek la Monti Zagros, regnabis kom chefi la Patezi, sacerdota-reji dil Sud-Babylonia, dum ke samtempe en Egyptia regnis la unesma Faraoni. (La nomo „Faraon” signifikas „la Granda Domo” e divenis do equivalentanta nomo di „rejal Palaco” quale nun on parolas pri la „Elysée” en Francia o la „Schloß” (Kastelo) en Germania por signifika la Guvernerio dil lando. Anke la vorto Babylon („Bab-ilu” o „Bab-el”) signifika la „Pordo dil Deo” quale nun la „Alta Pordo” signifika la Guvernerio Turka. An la boki dil Euphrat sub la Sumeriani fondebais la urbo chefa Nun-ki (ita nomo signifika „Sinioro di la tero”). Ol esis plutarde Eridu. Segun la deskovri di de Sarzec en Lagash-(Telo), existis ja 10 yarcenti ante Sargon (4000) civilizeso extraordinare perfekta, sub la rejo Ur-nina di Lagash. Arto ed industrio, arkitekturo e kanalizado dil lando, agrokultivo e trafiko atingabis tante progresinta stando ke on darfas komparar ta epoko a la famoza epoko di Hamurabi. Mem ta olima kulturstando obligas ni supozar longa preirinta yarmili de lenta developado. (v. Dr. Zehnpfund.) La esplorero Taylor deskovris (1854) la templo di Sin en Uru, patrio di Abraham, kun dokumenti de la rejo Ur-Gur (2700 ant. k.). Apud la chefurbi dil rituo lunal Uru, od Harran an la Nordo, existabis importanta centri, quale Singira (Sinear di la Biblo), di qua la plu tarda nomo Sumer donis nomo a la lando ipsa, e chefurbi dil rituo sunal, quale Sippar. Hike la Sun-deo nomizesis plutarde Malik (signifika rejo), plu konocata sub la nomo di Moloch.

En Thanis, en l'Egyptiana delto, ye la fino dil 5a yarmilo ante nia ero, Menes, la chefo dil unesma Egyptiana dinastio, fondis Memphis (en qua la triesma dinastio transferis pose sua rezideyo) ed institucis imperio, konstruktis ibe la templo dil deo Ftah, organizis la eklezio por la kulto di la Dei, konquestis landi e regulizis la kurso dil Nilo. To suficas por indikar, ke ja de la epoko dil maxim anciena epigrafi ni havas en Oriento tre progresinta ed organizita stando di civilizeso relativa, tote diferanta dil prehistoriala eri. Ir-gube on observas en diversa landi, ecepte forsan en China, la altra rasi semblas persistar en la kustumi dil preirita periodi. Ma de la lukti inter ta homari qui renkontris reciproke sur la distrikto di Mezopotamia naskis sempre plu perfekta kulturi. Nam de la militi qui mustis eventar inter la diversa konfliktanta rasi, naskis alternanta regni, e per ta mixadi, duranta od efemera, singla rasi adportis ad ibe la trezori di lia diferanta progresi. Dum ke ta adfluaji augmentis singlafoye la provizuro de savo quan uzis la habitanti di ta favorita landi, itere kreskadis la richesi dil kulturo e samtempe nova kapablesi dil homal talenti. De ta centro retrofluante la augmentita civilizeso disportesis ad omna distantia e min progresinta landi en periferio en la fertila vali (nundie formikumanta de antiqua ruinaji) dil monti Zagros, ad la Halubi, ad la rivi dil maro Kaspia til China, til Amerika mem (v. la Mexikana kalendarial sistemo!). Tale eventis, ke ta landi dil West-Azia developesis sempre ante altra landi e dissendis ad li la reflektio de sua kultural richesi, anke vers la Insuli di Mediteranea.

Ante Menes ed ante la reji di Nun-ki retroirante on havas advere nur legendo e mitologial rakonti, ma versimile li esas quaze reflektio de la prehistorio vera. Che la Euphratani e che la Egyptiani ta legendi rakontas la agi di la Dei o genioza primhomii qui superesis e divenabis famoza suvereni. Anke ye ta epoki, inter la 60a e la 30a yarcenti

ante n. ero, Aryani invadinta India submisabis la ibea indijeni qui divenis infra klaso, dum ke la konquesteri esis la supra klasi. En India la kulto dil mortinti duktis ad sakrifiki sur sepulteyi: de la chefi rezultis dei, de la mortinta preavi rezultis spiriti; e de ta kredi naskis la religial sistemo dil Indiani, qua elevebis plu tarde ad supera e profunda filozofio. Analoge, en China e Japonia la heroal kunmilitisti di la granda chefi mustis mortar sur lia sepulteyi: anke ta chefi divenis la dei o spiriti dil landi ipsa. Mencioni pri astronomial indiki de ta epoki indikas la 30a, altri la 50a yarcento ante n. ero. China ne havas religio analoga a la Europeana o West-Aziana. Ol havas nek sacerdoti, nek dogmi, nek sundio, ed esas advere ateista religiono, di qua la rituo agnoskas nur la kulto di la preavi e di la spiriti o viva forci dil naturo. Ita religio esas simpla morala doktrino, di qua la sancioni esas nur la naturo en sua legi. La unesma ciklo (o yarsisadeko) dil nuna kalendaro di China komencis en 2637a. K., e supozas naturale precedinta developita kulturi.

Ye la 27a yarcento aparis la famoza e potenta reji dil unesma semida invado. En Agade (Akkad) chefurbo di Mezopotamia, imperas Sargon de Nord-Babylonian dinastio e de semida linguo, e di qua la nomo restis dum preske 30 sequanta yarcenti quaze simbolo di potenteso e di rejal modelo. Segun epigrafo versimile kompozita da Sargon ipsa, ilu proklamas su quaze deajo: „Sargon, la potenta rejo, rejo di Agade, esas me. Mea matro habitis la monti. Mea urbo esas Azupirani qua situesas an la rivo di Euphrato; ibe mea matro sacerdotino sekrete parturis me. El iris depozar me en korbo ek junki sur la fluvio, ma la aquo ne penetris til me, e la fluvio adportis me ad Akki, la aquoherpisto: istu adoptis me kom filio ed edukadis me. Akki la aquoherpisto igis me gardenisto; mea agemeso kom gardenisto plezis ad Ishtar e me

divenis reĵo e me regnis 45 jaroj." Analoga legendo adaptesis antike ad omnia fonderi di imperio: Sargon, Mozes, Alexandro, Cyrus, Romulus, omni havas preske identa nasko-legendo. Cetere ta potenta e famoza konquesteri sentis su ipsa fakte quaze supleanti dil deo e realiganta sur la tero irga nova epoko dil mondo, quan la dei ipsa igis vera e markizis en la steli per korespondanta nova astronomiala eri. Ita reĵi sentis do su fakte deaj supleanta, nomizis su dei en epigrafi ed agadis quale dei vera. Ipsa Naram-Sin, filio di Sargon, nomizis su anke deo. Le Inka en Amerika „filii di la Suno“ opinionis su dea. Ed Alexandro igis adorar su kom deo en Babylon ipsa! Ita doktrino fixigesis en Syria ed en Egyptia dal Helenismo pri la Seleukidi e la Ptolemei. Kleopatra mortis per serpento, simbolizante su per to segun la sakra modelo di la deino Ishtar; e la Romana imperatori recevis la titolo di deo ed havis en la chefurbo templo e sacerdotaro. Ex. ni lektas en Velleius, historiano dil Roman imperio, pri ula ambasado dil Senoni (tribuo del Havel-teritorio) qua venis ad Tiberius kun Senona chefo: „Dum ke la yuna German militistaro en la brilo dil armi, stacis expektanta sur la dekstra rivo dil Elbo, la yuna chefo vehis en sua trunkbarko ad la Romana kampeyo e deziris vidar Cesar. Kande to eventis, il proklamis su felica vivir ita maxim splendida dio en sua vivo, e vidir la Roman „dei“ pri qui lu til nun saveskis nur per rakonto, ed precipue vidir persone la „deo-imperatoro“ ipsa. Ilu do timeme tushas la manuo dil potenta monarko, retroiras ad sua vehilo, ed ne cesante astonite regardar Cesar, il forvehis retro ad la Germana rivo!“

Ke ta sistemo povis esar tre idealigebla od, inverse, origino di terorifanta tiraneso, to esas evidenta. Ma ol duris de Menes (anke lu deo-reĵo) til la Romana imperatori, ed ol severe observesis per tante sincera kredo, ke kande uldie la Kristo itere volis destruktar la sklaviganta imperio dil

rejal dei, il ipsa mustis por yurizar sua misiono titulizar su ipsa anke deo!

Ante parkurar la sequanta fazi dil antiqua historio, esas do avantajoza regardar la origini dil diversa ritui e dil religio ipsa. Nam religio aparas ja de la unesma origini dil historio kom un ek la maxim grava faktori dil homal developado. Ja la reji di Sumer sakrifikis a la deo di Nippur ed en la olima santuarii, quale ad anciena e veneracita templi. Ne nur religio aparas kom ula inter la fundamentala instinti di la homal rasi, analoga ad arto, poezio, kanto, skultado, skribado; ma la religial questiono importas grave dum la tota historio, influadinte la homi sempre, mem ankore nun en preske omna moderna landi. Importas do eminente savar quale naskis la religioza fenomeni, ed en quo lia vera naturo konsistas. Nam lia til recente misterioza arkani anke desvelizesis tote, sive da la kuneiforma deskovri, sive da la kompariva studio dil nuna sovaja hordi.

Moderne la religio expresesas en dogmi e kulto. Origine ol expresesis en miti e kultural sakrifiki. De quo naskis la miti, la sakrifiki e la dogmi?

Ante omno religio naskis del naturala bezono dil homi expresar abstrakte ula idearo. Nam pos ke la homi inventis la parolado e la skribado, li balde bezonis vorti e signi, ne nur por singla e simpla nomi e kozi, ma anke por expresar tota doktrino, idearo, o serio de idei afina e kundependanta. Reflektante li parvenis a morala pensado, e filozofio naskis embrionale, ma naiva e konceptita sub formo di konkreta evento fingita. Ideari diversforma pri universo, societo, vivo, origino dil homal rasi, kompozesis olim arbitriale da injenioza penseri. Advere ne ciencale, ma, segun sistemo analoga al unesma parolo e skribo, on ideogramizis la doktrini en simpla alegorii. On pensis per imaji e metafori. Ed on expreis per figurizita desegnuri

e per fabli naiva. Tala esis la original filozofio. On observez la infanti: li lernas per mikra exemplal rakonteti!

Per epika rakonti en qui dei o heroi luktas kontre monstri on expreis la lukto dil kosmal forci en la kreado dil mondo. La kosmal forci abutas a rezultaji: de to on duktis existo di ula skopo e konseque di ula intelekto supera. Nam la homo pensis antropomorfe. La venkita monstro dil kreado pecigesas en du parti, de qui un divenas la cielo e la duesma esas la profundaji dil oceano e di la tero (Gilgamesh-epikajo). De argilo reda la deo fabrikas la homo, igas lu sangoza e vivanta, ed enduktas lu en paradizatra gardeno, qua signifikas la tero ipsa (Genesis). On observis balde, ke omna universal vivo derivas de la suno. La Suno esis do la supera deajo: lu naskis infanteto vintre (ye la solstico) o printempe, adulta lu mortis somere od autune, nam tal aparas la vivo dil naturo e la yaral vivo dil suno. Omnadie il parkuras la cielo sur faira charo (Apollo). Nokte il decensas ad la imperio dil ombri e dil mortinti: on rakontis epike ta voyajo, ed on deskriptis detaloze la statal organizo dil imperio di Nirgal e la vivo dil mortinti en la infroloki (inferni).

Plutarde kande la homi atingis supera kulturo, la deo ne plus aparis kom herou luktanta, ma prefere kom sajo docanta la etiko al homi (Budha), o chefo legifanta (Jahve-Mozes). Singla rakontero aranjis la epika sistemo ne nur segun diferanta talento o diferanta maniero, ma anke segun diferanta religial o politikal bezoni. La poezio da ita auctori nomizesis „revelado“ (Orpheus-Mozes), nam lia verki konsideresis kom inspirita dal deo ipsa. Singlu darfis tradukar ed expresar segun sua sistemo la misterioza e neexplikebla fenomenen di la naturo. Primitiva populi havis plu naiva miti. En plu civilizita stati on adoptis plu filozofiale meditata dogmi. Ne-rare mem la natural historio mustis signifkar irga alegorio, e rakontesis poeziale. On opinionis deskovrar

figuri en la stelari. On personigis ta figuri, ed on rakontis lia vivo e marveloza historio! Che omni ta idearo esis diverse perfekta segun la diversa stando dil progresanta vera savo. Nam la homi esis ofte astonive infanti: ili inventis marveloza legendi e ravisanta poezio por social normi di la vivo. Ma sub ta miti e legendi li velizis anke la maxim profunda sajeso e la ideali maxim sublima, quin lia heroal genio povis krear o deskovrar.

Dum ke on expredis serioze per ta rakonti alegorial la maxim serioza e grava interesi dil samtempani, ita epika literaturo direktis la generala mento ed opiniono. Segun la diverseso dil lingui un sama ideo expresesas per diversa vorti, parole e skribe. Analoge, segun la diverseso dil landi un sama moral doktrino expresesis per diversa idearo, diferanta miti, o diversa alegorial rakonti. Evidenta eroro esus do nur opinionar ke sive miti sive dogmi esas veraji per su ipsa: nam li esas do simpla expresuri, vera relative nur ed alegoriale, e naskinta de la elemental bezono extergar la penso sub poezial e literaturala formo religioza. On tradukis en miti la grandioza fenomeni dil universo, dil historio, di la vivo. Steli tradukesis en dei, anke la reji e ne-rare la animali ipsa, plu ofte la elementi, la suvereni, la ancestri. Oblivante pose ke la miti e legendi esis nur poezial tradukuri de la naturo, la populi kredis a la dei dil homal fantazio: la dei dil legendi neplus esis astral miti, ma divenis sincere kredata apari di ula vera eterna e supera deajo. La vereso e la rolo di omna religiono sequanta povis itere nur konsistar en to, ke li tradukez en sistemi nova ed en ideari plu moderna la nova ed itere tranzitala ideali dil posa futuro. Ma to esis nur un ek la multa motivi de qui naskis la religial organizuri. Tante grava esas ankore nun la importo di la religio, ke mem ti qui ne kredas, apene audacas parolar pri lia nekredo e timas ofensar sua samcivitani, dum ke potentia organizuri religial guvernas en

multa landi ankore nun, plu mem kam la vera suvereni ipsa! Ol mustas havir do ankore plu profunda motivi.

Apuda kauzo dil religioza miti naskis de la veneraco di la mortinta ancestri e suvereni. La prehomi ja lernis sepultar la mortinti. Ma on opinionis balde ke la morto, simila a la jornala jiro di la suno, esas nur ula transiro ad nova vivo sub irga nova formo, e ke la anmo duras vivar. De la sentimental supozo ke la protektinta chefi e la avi quin on komencis enterigar sub dolmeni, piramidi, o tombi, duras irge vivar pos lia morto, naskis la natural bezono honorizar li sur lia tombi. E la tombi divenis templi, pos esir nur sepulteyi. Altralatere: de la observado di la natural fenomeni dil universo e dil vivo on deduktis per instintiva supozo la kredo ad antropomorfa forci qui regulizis e regnis la naturo. Kad la reji ipsa qui guvernas la landi ne esas anke tala nevinkebla forci? La uni do opinionis ke la mortinta reji od ancestri duras amar e guvernar nevideble la landi ube li vivabis, efikante nun exemple per la suno ube li habitas pos morto. Altri inverse opinionis ke la reji esis ipsa la anmo di la suno, qua aparis sur la tero, regnis sub homal aparo, e pose desaparís. On kredis en Egiptia ke la falkona Sun-Deo enkarnigis su en la nova rejo. De il naskis la rejal filio. Omna reji esis do deaji ed adoresis, anke sub la statual signo ed emblemó dil falkono. Ma la reji mortinte retroiris en la suno, de ube li ankore efikas sur la tero. Ed itere, quale la suno omnajorne rinaskas, tale rinaskas la reji, se li nur deziros lo, en nova aparo.

De rejo do on havis deo, de ancestro on havis genio di la familio. La sacerdotari en la templi mestiere studiadis serioze la fenomeni dil mondo, dil astri, di la vivo, e dil regni. Li profesione tradukis en miti la splendida fenomeni dil naturo universal, e proklamis pose la rezultaji di lia „savo“, olqua divenis sub ta formo ula „kredo“ dil dependanta

landi. En la famoza templi di Eridu, di Kish, di Nippur, di Uru, di Agade, Lagash, Sippar, Uruk, sacerdotari ja frue hierarkiizita, studiadis la misterioza voyi di la steli. Nam forsan 20 o mem 30 yarcenti ante li, la fonderi di lia religio komencabis ja studiadar la misterioza movadi dil astri. Li dividabis ja la cielo en stelari, markizabis la signi dil Zodiako, observabis quale la stelari iradis omnadie segun la equatoro cirkum axo qua aparis fixa an la norda polo. Ye la norda polo, olqua regnas sur la universo, li determinabis do la sideyo di la supera deo Anu, El od Enlil, la deo dil dei. Segun la movadi dil steli la sacerdoti kalkulabis la statal kalendario, adaptante ol ad la specala liturgio di la templo e di lia deo. Anke la liturgio ipsa determinesis segun la atributi dil stelo-deo di singla religiano o templo. De chanji sur la cielo li inferis subversi sur la tero. Da subversi e revolucioni sur la tero ed en la stati li incitesis studiadar e determinar la nova stelara situesi, qui segun li influis la homal eventi.

Departinte del ideo dil deigita chefi e reji di qui la mento esis la efemera apari di ula supera mento, qua regnas la universal fenomeni, li konsideris la suno e la steli kom altraforma e potentia apari di la sama supera e deal Mento, e li adoris en la efiki di la Suno dea o dil astri la manifestado dil supera intelektuo, di qua la intelektuo homal esas nur efemera imajo. Kande la observita situeso dil stelari remplasesis da nova aparado, kande la Suno pasis ad nova zodiakal signo, kande nova monarko renversinta anciena stati fondis nova imperio, omna ta violenta o naturala subversi esis por li simpla manifesto nova dil supera ed infinita deajo, remplaso di steli en la servistaro dil cielal deo, remplaso dil supleanto sur la tero, di rejo per nova monarko, di nacional deo per nova imperial deo. A nova deo, nova imperiestro, nova stato e nova social organizuro, mustis dedikesar nova chefurbo, nova templi, nova chefi e

nova sacerdotari. La vinkita potenti divenis sekundara e subordinata potenti.

Segun ke la Signo zodiakal sub qua regnis la Suno o suverena deo dil universo esis la Tauro o la Arieto, on reprezentis simbole sub nova imaji sur la tero la chefa deo dil antiqua landi. Kande la Suno esis sub la Signo dil Tauro, on kredis ke lu manifestis su en la cielo sub la Taura stelaro, ke il enkarnigis su ad ula vivanta deo Taura (Apis), la raso dil bovi esis sakra, e statua Tauri havanta ora diski inter la korni expozesis en la templi. Kande la Suno regnis sub la Signo dil Arieto, stona Arieti kun la sama sunal atributi dekoris la altari avan qui la religiani di Amon- (Jupiter) adoris.

Sur la stradi dil santuaria urbo en Egyptia „on povis vidar procesioni pasar, en qui ula bestio, ex. Apis-bestio, akompanata da yunaro kantanta himni, esis la centro dil veneraco di la turbo dil kredanti, e kustoza funeri transirar per qui la mortinta dea-bestio duktesis solene ad la sepulteyo”. (Wiedeman.) Ito ne ekskluzis apuda deaji, nam la apuda Signi duris aparar sur la cielo, la Suno dum singla monato regnas sub nova Signo, e sub omna statuo o deajo reprezentesis ya diverse nur unika deo suverena.

La Deo manifestas su en la sep astri precipua: la sep astri do esis dei, li nomizesis per nomi deal: segun li on dividis la semano, di qua singla dio dedikesis ad singla deo. En Babylon, en Uru, en Nippur, an la templi esis grandioza turmi de sep etaji, simbolizante la sep chefa deaji, la supera deajo habitante sur la supera etajo. A diversa dei apartenis diversa ritual kolori: oro en la rituo dil Suno, arjento en la rituo di la Luno. Mixita kun analoga sep metali, singla koloro e metalo uzesis precipue en la rituo dil deo di qua la metalo esis signo.

En Babylon regnis Shamash la Sun-Deo. Same en Nippur, Sippar, ed altra urbi. Kande la franca Societo facis exkavi

(1897—1902) en Suza sub la direkto di So J. de Morgan, inter diversa epigrafi on deskovris un ek la maxim grava dokumenti di la homal historio: la kodexo dil reĵo Hamurabi di Babylon, ilqua regnis ye la fino dil triesma yarmilo (2250) ante nia ero. En la dediko di ta kodexo la reĵo mencionis omna templi di sua imperio ed inter oli la templi di Ishtar en Niniva, di Marduk en Babylon, e di Sin en Uru, di Shamash, e di la ceteri. De to rezultas evidente ke omna dei dil antiqui apartenis al sama religio. Mozes en Sinai, Hamurabi en Babylon, la adoranti en la himni ad Ishtar (Astarte), omni nomizis lia propra deo la „deo dil cielo e di la tero” e supera regnanto di la homi, Ilah (Allah) e suverena dī la dei (Mozes V, 3). La eklezio dil Sun-kulto en Babylon esas versimile plu recenta, dum ke la eklezio dil Lun-rituo en Arabia semblas esar plu anciena. Pos un ero dil mondo sub la Lun-Deo Sin, e sub la Signo dil Jemeli (ero di Saturno) e dil Dioskuri, sucedis la ero dil Sun-Deo Shamash sub la Signo dil Tauro, e pos ilu la deo Amon sub la Signo dil Arieto (v. la Agnelo dil Apokalipsi) simbolo dil Suno-Salvero. Pos ke do Uru, chefurbo dil plu anciena imperio dil Lun-Deo Sin e lua civilizeso en Sumeriana linguo regnabis en Oriento, Suno esante sub la signo dil Jemeli, nun dum la epoko dil konquestero Sargon la Suno pasis en la Signo dil Tauro.

Ista transiro dil Suno en la signo dil Tauro samtempa kam la subversi social quin efektigis la konquesti di Sargon, ilqua submisas tota West-Azia, apertis nova periodo di la mondo: la chanjo sur la cielo esis la signalo, ke la Deo apertis nova periodo por la universo tota. Sargon submisas fakte omna landi e pruvis per to ke la dei apertis vere anke periodo nova sur la tero. Nova stelaro en la cielo esis ya avizo, ke nova deo entraprezis nova regno. A nova regno deal on devis dedikar nova templi, nova sacerdotaro e nova religio, sen ke le anciena bezonis des-

aparar. A nova imperio oportis selektar nova chef-urbo. Sargon erektis do la muri di Babylon, la antea Dindar („Sideyo dil Vivo”) di la Sumeriani, e la nova Babylon divenis la chefurbo dil nova lando. En Babylon il dedikis templo nova (Sagil) a Marduk, filio dil supera Deo ed ipsa Sundeo dil printo, Salvero dil mondo e di qua la regno nun komencis. Ora (metalo di la suno) e marmora Tauro divenis la statua-imajo dil deo en la templi. Sargon adoptis la signo dil tauro sur sua siglilo. E vivanta Tauro (Apis) adoresis en la templi di Egyptia anke: nam nova ero apertesis en la tota mondo!

Tamen nur un supera deo dil cielo: Anu en Babylon, Nu en Egyptia, Ilah (El-Elohim dil Hebrei), esis sempre la cheipatro di omna dei. Supera dei esis anke la dei dil aero: en Babylon Bel, en Egyptia Shu, simbolizita per du leoni, signi dil Jemelo-stelaro. Nam remarkinde, inverse di nia tilnuna opiniono, la antiqui malgre la senfina nombro di deaji agnoskis fakte nur un deo, di qua omna dei esis nur nomi o figural supleanti. Astronomial texto indikas to klare: „Kande la stelo di Marduk (Jupiter-stelo) departas, ol esas Nebo (Merkur); kande ol stacas ye la meza horo ol esas Marduk: kande ol stacas ye la mezo di la cielo ol esas Nibiru. Omna planeto divenas to per sua kulmino.” Nomi esis do nur simboli diversa di unika ideo deal. Del observo dil universo interpretita kom sola manifestado dil deo rezultis do, ke origine splendida natural filozofio esis la religio dil antiqui: deo e naturo esis la samo. Ma la teologial sistemi di avida sacerdotari ed imperiestri falsigis reguloze en antropomorfal adaptadi la simboli arkana dil scienci e la revu dil zeloza reformeri.

Omna Deui havis analoga feminal figuri, elqui esis la deini: Anu havis kom spozino Anath, Ilah havis Ilath. (De Ilah devenis Allah dil Arabi.) Sub la imperio di Asarhaddon, de la Nov-Asyriana epoko, on festis en aprilo

(segun ritrovita letro dil sacerdote Arad-Nabu) simbole la mariajo dil Deo Nabu kun ilsa Deino Tashmet.

Analoge ad la homal familio segun qua on imaginis la deal genealogio, la dei havis anke filii. Marduk en Babylon esis filio dil Deo, ed ipsa deo dil printempo e dil dio. Nirgal esis lua enemika frato, la deo dil autuno e dil nokto. Simila dei en Egyptia esis Osiris (naskinta de la hipopotama Deino Apet) e Set. Ibe esis apud Marduk la deino Ishtar „Sini-orino dil Cielo e Deino dil armei”, ed hike apud Osiris esis la deino Isis, ed Nephtis apud Set. Altraloke spozo di Ishtar esis Tamuz, la „Dea Pastoro” (ja che la Sumeriani). A Marduk atribuesis anke filio: Nabu. En Egyptia Isis havis kom filio Horus. Segun mistika nombri e segun landi on havis multa dei o nur kelki. La supera dei esis ordinata en sistemi de non, de dek-e-du, (signi dil zodiako), o de nur tri. Segun ita triala sistemo on havis Patro, Matro, e Filio, la supera Triado o Triuneso: nam omna simboli reduktesis ad ula unika Deo, di qua la Triadi esis nur diversa apari o simbola koncepti, dum ke fakte ad singla deo on atribuis uneso ed universaleso, ed on nomizis lu kreinto dil mondo e supera regnanto. Al efiko di la „Vorto” dil deo atribuesis omna evento (v. Zimmern). Sub diferanta nomi on havis la sama idearo en omna lando. Anke la figuro di la Matro dil Deo esis nur feminal koncepto di la sama universala ideo, o matral koncepto dil supera ed unika deajo qua guvernas la universo, ma diversigita segun la landi e la politikal interesi. Tale eventis ke on adoris en Egyptia la deino Isis, ed en Mezopotamia la deino Ishtar. Ex. on pregis Ishtar tale en himno (Tamuz-Ishtar): „Tu potenta Ishtar, elqua kreas la homi”; ed on nomizis el la „filiino di Sin.”.

Diferanta ekonomial bezoni e vivo produktis anke diversa deo: la nomada Arabi, iradante tra dezerti nokte, agnoskis kom lia providenco la Luno, presorganta astro di la nokto,

qua lumizis la voyo por lia karavani. Li do selektabis ta astro en prehistorial tempi kom simbola aparo di lia deo, ed nomizis ilu Sin o Nannar. La urbo Uru (patrio dil Hebreo Abraham) en Sumer-Kaldeo havis famoza templo di Sin. Harran en Mezopotamia durigis en sa templo dum longa yarmili la sama religio til aden la dekesma yarcento di nia Kristiana ero. Simbolo dil deo esis Tauro kun disko o krecento lunar: ito explikas la origino dil Araba krecento di Mohamed. La templo di Sinai, ube Mozes recevis sua kodexo por la Israelidi, esas, segun olua nomo ipsa, templo di Sin. Ita monto Sinai autentike deskovresis en 1910 da la Austriana voyajero Alois Musil (v. „Im Nordlichen Hegaz"). Anke la deo Nabu (v. Santuario Nebo di Mozes) esis deo precipue di rituo lunar. Se on deziras ne miskomprenar la religial sistemi dil antiqui, on devas ultre konsiderar ke ne nur la steli, la suno, o la satelito sola esis deigita, ito esas, simbole nomizita deo, ma anke multa e tre diversa altra kozi: la imaji ipsa dil suno, la imajo dil krecento lunar en la templi, simpla stoni, quale ex. la nigra stono di Mekka che la Mohamedani, la fairo dil sakrifiko, diversa animali, anke sen-anma kozi, quale la hostio che la Kristiani o la imaji dil „Salvero", ne nur la imperatori, ma eminente la sacerdota-chefi dil santuario central. Nam esas fakto preske natural, ke omna sacerdoti esforcas identigar su a la deo di qua li nomizas su la reprezentanti: mem la nundia sacerdote dil Kristiani, parolante liturgiale dum la meso, identigas su kun sua deo en la paroli sakramental.

Maxim interesanta esas la statala ed urbala organizuri di la epoko di Sargon I, e la kultural progresi servanta en la trafiko.

Origine la homi ne bezonis moneto, nam la vari pagesis per kambio di altra vari samvalora. Ma kande la komerco developesis inter distanta landi e populoza urbi, on neplus

povis karear ol. La sacerdotari di la templi devis regular la sistemo monetar. Li selektis por ta skopo oro, arjento, bronzo, metali sakra e precoza. Pro ke oro esis la metalo sakra dil deo Suno, supera deo, on selektis oro kom supera monetar normo, arjento metalo dil deo lunal kom sekundara, e bronzo kom ordinara. La durado dil sunojiro esas de 360 dii, ta di la luno de nur 27 dii, = $13\frac{1}{2}$ -ople min multe. On preskriptis pro to ke oro valoras $13\frac{1}{2}$ -ople la sama quanto de arjento, e la bronzo valoris 60 foyi min kam arjento. Dum la tota antiqueso on monetifis segun ta proporcioni. Bronzo esis anke dum ta periodi la metalo uzata en omna bezoni. La uzo di la fero aparas erste ye la 10a yarcento ant. n. ero. On evaluis la moneti segun la pezo: talento valoris 60 mini e la mino valoris 60 sekel, la valoro di la pezi variante segun la landi.

Pri la kalendaro on havis analoga sistemo. Dum un sunal yaro de 360 dii la luno markizas jirante 12 monati de 30 dii. Omna dio recevis 12 kaspui od hori, omna horo 30 tempo-unaji o minuti. La dio komencis matine per aparo dil suno, (che la adepti dil rituo lunal vespere kun aparo dil disko lunal (quale ankore nun en Islam), la yaro per equinoxo dil printempo, segun la ero di Nippur e di Babylon, e la 72 semani dil yaro esis ibe de 5 dii (5 dea-planeti). La religiani dil templi dil deo Sin en Uru e di la templi di Arabia havis inverse 52 semani de 7 dii (suno, luno, e 5 planeti, qui donis al dii lia nomi), segun periodi de 7 dii quin ultre indikis la luno-deo per sua sep-dia fazi. De ta motivizo dil sep-dia semano naskis la ideo, ke la ordino dil sabato-dio esis de deal origino. Che la religiani dil rituo lunal la monato komencis kun la aparo dil nova luno, e la yaro, pro analogeso a la dio, en autuno. Che altri la dio komencis nokto-meze, la yaro vintro-meze (solstico), quale plu tarde che la Romani ed ankore nun che ni ipsa. La deino Ishtar adoresis en Uruk (stelo Venus)

kun Anu elua patro e spozo: che elua religiani la jiro di la stelo Venus determinis la kalendario, quale to eventis anke che la prehistorial Mexikani: pruvo ke ja dum la antiqueso la oriental sistemi disiris ad omna landi dil mondo. La mezuro dil marchio dum un horo esis la milio, la 30a parto esis la unajo di mezuro, analoga a ta quan la Greki plu tarde nomizis „stadion”: nam omno en la vivo e sur la tero devis esar imajo dil kosmal ed astral organizo di la mondo!

Sargon I e Naram-Sin lua filio e sucedanto markizas epoko grava en la historio di Babylon, anke per lia konquesto di vicina e distanta landi. Ja Sargon konquestis omna landi di West-Azia, inter qui Mezopotamia, Kaldea, Syria, la lando dil Pheniciani, Azia-Minora; de ibe il iris militar dum tri yari en fora landi, quin il pos konquestir mustis organizar. Norde lua imperio extensesis ad la monti di Armenia, este trans la lando Elam, lore Babylonian provinco, ad India; sude lua filio submisit Arabia ed atingis Egytia. Nultempe dum ta longa historial periodi ul imperio ek Babylon atingis tante granda extenso til erste ye la tempo di Kambyzes e plu tarde la imperio dil kalifi en Bagdad. Tamen esas ya versimil, ke ja dum la preirinta periodi de la 70a til la 30a yarcenti ant. n. ero, plu anciena konquesteri fondabis analoga imperii, stati, e civilizesi ye distanta intervali, quale ni vidas plu tarde la Romana imperio, ed en nia ero ipsa la Islamo, su extensar sur landi Mediteranea, en Azia, Europa ed Afrika. Ankore 24 yarcenti pos Sargon la Asyriana reji Assarhaddon ed Assurbanipal konsideris ita imperio di Sargon kom la ora epoko di Babylon. La uzado di la kuneiforma alfabeto extensesis ad omna landi dil imperio. Mem Egytia, qua esis lore en sua periodo dil „anciena imperio”, skribis lore sua linguo per kuneiformi por la relati kun stranjera landi. Isto pruvas suface la influo di ta olima imperio dil Babylonian kulturo.

Esas evidenta, ke de la konquesti di Sargon mustis naskar nova relati inter multa landi, quale ni anke devas supozar ke tala relati ja existabis en tempi preirinta, nam nur en ta supozo esas komprenebla, ke Sargon trovis la moyeni realigar tante vasta imperio. Ma sub il anke la komerco plu developesis, la industrio florifis, ed en la tranquilesa di granda e prosperanta regno la cienco progresis. Sargon ipsa igis serchar omna anciena skribaji, qui kontenis la tradicioni dil sacerdotari, ed igis pluse skribar nova verki en linguo semidana. Il kolektis en Uruk grandega biblioteko; e pro to on nomizis ta urbo la „urbo dil libri”. Inter altri un verko kontenis la reguli dil auguri e la observadi dil astronomi; altri indikis la gramatikala reguli dil lingui semidana ed nesemidana; on tradukis la traktati pri magio e legifado. Skribita sur tabeleti de argilo bakita, li existis ankore 24 yarcenti plu tarde, kande la Asyriana rejo Asurbanipal ekutis kopiuri, de qui la restaji, deskovrita en la ruinaji de Niniva, esas nun en la „British Museum”.

Ye la sama epoko Menes rejo di Thanis e fondero dil unesma dinastio Egytiana, fondis Memphis an Nilo, adube pose la 3a dinastio transportis sua sideyo. En Memphis il dedikis templo. Retropulsante nigra rasi qui restis de lore nur mercenarii, invadis ye anciena tempi Libyani norde, ye la „imperio moyena” Kushani ek lando Elam sude, la streta ma fertilega lando dil Nilo. Arto e tekniko dil Egyptiani atingabis ja sub Menes granda perfekteso; la sacerdotari dil Egyptiana templi di la sakra urbo Abydos e di Memphis ricevabis en plu anciena epoko la doktrino sakra del sacerdotari di Eridu en Kaldea. La linguo Egiptiana ja tote perfektigita sub la „anciena imperio” esas semidana ed havas multa Sumeriana radiki. E la reji dil anciena imperio kultivis tante la cienci, ke ja de la sisesma dinastio la kolektado di libri pri kroniko, medicino, astronomio, geometrio, religioza libri, la Libro dil Mortinti e mem romani

formacis ja biblioteko kun „chefe dil domo dil libri” kom direktero. Ye ta periodo, pro la marveloza progresi di lia tekniko, la Egyptiani fondis mineyi di kupro en la lando Sinai (sub la reĵo Snofru, ĉirke la 30a jarcento), e konstruktis la granda piramidi (Chufu, Chefre, e Menkaure). De la pilastro (uzita dum la eri preirinta) ek trunki de palmiero developesis, per artal imituro dil palmiera formi ed adaptado, la pilastro stona dil Egyptiana templi, de qua naskis plu tarde la Ioniana kolono dil Greki.

De omno to esas evidenta, ke la homi ja en ta periodi atingabis vere alta stando di civilizeso. Ma por atingar lo, serio de yarmili esabis do necesa. Quale on vidos, ke malgre la marveloza sekreti di la tekniko dum la epoko dil piramidi, la sequanta sisa-dek jarcenti ne adjuntis esencala modifiki en la metodi til la superba inventi di nia nuna moderna industrio, tale ni darfas supozar, ke tre longa yarmili ante la imperio anciena en la prehistorial epoki la progresado eventis mem plu lente. La ero dil rapida inventi e dil aer-navigado ne ja apertesis!

LA EPOKI KANANEANA DIL AMURITI.

A la rasi nomizita „Semidi” apartenas 4 granda grupi de populi: 1a, la Semidi de la epoko di Sargon I, od unesma historial Semida invado; 2a, la Amuriti, o Kananeana invado, qua superesis dum la du lasta triimi del 3a yarmilo, e di qua la famoza reĵo Hamurabi esis la chefa reprezentero; 3a, La Aramei, superesanta ye la fino dil 2a til meze dil 1a yarmilo ante n. ero; 4a, la Arabi, de

qui ekirabis ante la imperio dil Islam diversa plu anciena imperii: la rejolandi dil Himjari; ed ante li, dil Sabea-lando; ante la Sabeani, ta dil Mineani od imperio di Magan. Sucedante disiris diversa grupi de Mineani e de Sabeani, ed iris trans la Maro fondar Habesh (Abysinia) en Afrika. De Abysinia inverse ekiris plu tarde invaderi di la Arabian matrolando: sub la Kristiana imperatori di Byzanco la Aby-sinian invaderi helpesis dal Kristiana samreligiani, dum ke la „pagani” dil Yemen, nekonvertita al Kristianismo, turnis su a la Persi por helpo. Tale disputesis la posedo de ta landi til ke la grandega Mohamedana invado igis Arabia itere Arabiana, til nun.

Dum ke la epoko dil unesma Semida invado en Babylonia duris versimile de 3500 til 2500, la sequanta dil Amuriti komencis quik pos Sargon e Naram-Sin, e donis plutarde a Babylon un dinastio Kananeana de 11 reji, ma inter Naram-sin e la Babylonian dinastio interpozesis itere regni de Sumeriana marko. La dinastio di Sargon e Naram-sin duris forsan dum 200 yari. Ma tala periodi esas suficanta, quale aparas en omna epoki, por vidar la nasko e la morto di potentega imperii. Supereso dil Sumeriani pose rikomencis. Sargon, de Norda-Babylonian dinastio, titulizabis su rejo di Sumer e di Akkad. Anke la sequanta dinastio di Uru adoptis la sama nomizado, signo ke lua reji extensis lia imperio anke sur Norda Babylonia, e ne sur la Suda sole. On havas tri dinastii de ta epoko: Uru, Isin, e Larsa. Sub ta suvereni rikomencis la uzo de la linguo Sumeriana, ma en Norda Babylonia sur la teritorii di Akkad ta sama reji uzis semida linguo: la religio esas itere de rituo lunar sub Uru, ma de rituo sunal sub Isin e sub Larsa.

Omna ta imperii esis organizita segun sistemo feudala, quale preske omna West-Aziana stati, e quale anke en Est-Azia la distrikti di China en ta epoko. Do la prepondero ne sempre apartenis a reji di sama urbo. Nam

nova militi duktis sempre a nova preponderi. Altraparte on vidas, ke sive la dei dil urbi vinkita sive lia reji duras regnar kom vasala reji e kom sekundara santuarii. Ja dum ke norde rikomencis regnar la serio de 11 semida reji di dinastio Babyloniana, en sudo duris regnar samtempe la reji dil Sumeriana dinastii, til ke Hamurabi, la 6a rejo di sua dinastio, sucesis submisar la sudo a sua suzereneso e divenis „imperatoro” sur tota Babylonia. La chefi di Uru divenis lua vasali. Abraham, Hebrea chefo adheranto dil Sumerian partisi e religiano dil lun-deo Sin, livas Uru ed enmigras ad Harran, altra famoza santuario dil sama deo en la distanta norda Mezopotamia. Harran esis la nodo-punto dil komercal voyi de la Babylonia vers Mediteranea e vers Armenia. Arabia divenis vasala, e same la Insuli dil maro. La urbi ne bezonis en Oriento esar tre vasta, nam la klimato esas plu varma kam en norda regioni e multi del habitanti vivadis sub tendaro.

Anke Hamurabi kolektis la rezultaji dil antea legifadi ed ediktis famoza kodexo, di qua on ritrovis en Suza un texto preske integra, grabita sur steleo. Ta kodexo revelas a ni la stando dil olima Babyloniana civilizeso dum ta epoko. Hamurabi expozabis ol kom originalo en la templo dil Sun-deo en Sippar, ed Elamita konquestero Shutruk-Nahunte (1100 a. K.) transportis ol kom vinkal trofeo ad Suza, ube la Franca exploreri deskovris ol (1897—1902).

Observante la moderna historio on vidas, ke Espanioli, Angli o Germani developis grandega imperio tra la mondo erste pos ke pioniri di ta nazioni iris a distanta landi e ja predevelopis ibe komercal aferi. Por protektar ta aferi intervenas seque la politiko: lando qua ne povas developar mondal aferi nule povas influar mondal civilizeso. De to eventis ke China, Egyptia, quankam li esis tre fertila quale Mezopotamia, ne tante influadis la universal developado di la historio universal. Inkluzita da dezerti en sua

relative streta valo dil Nilo, Egyptia ne povis divenar transirvoyo dil internaciona komerco e ne extensis su exter sua frontiери. Inverse Mezopotamia esas naturala transirvoyo de central Azia ad Europa ed Afrika, de la Golfo Persa ad Mediteranea. Cirkumata da multa kulturlandi, Syria, Palestina, Armenia, Azia-Minora, Elam, Persia, ol povis dissendar sua pioniri ad la landi dil Faraoni e di Nord Afrika, ad la Insuli, til Hispania sudweste, til Europa nordweste, ad India til China este, e sude ad Arabia. La richaji adfluis de omna landi vicina o fora ad la merkato di Babylon. Nur kande la voyo tra Mezopotamia irgatempe klozesis, la trafiko adfluis en Egyptia, exemple sub la Ptolemei, kande la Parti baris la voyi dil Euphrat, ed en la moderna tempi kande la Turki nehabile entravis la trafiko e la Europeani mustis apertar la istmo di Suez.

Ja ye la regno dil rejo Gudea di Lagash (v. deskovri en Lagash-Telo), del Kananeana dinastio (2600), la Sud-Babyloniani enportabis de la monti dil Westo: cedri por konstruktajo de Phenicia; ligno, alabastro, stoni de Magan (Est-Arabia); metali, kupro ed oro de Melucha (West-Arabia); e parfumi del Sudo. Esas fakto preske nekredebla ma nerefutebla, ke la arto-statui di ta regno esas egale bela kam la greka maestro-verki dil 20a yarcento posa! E la tekniko dil metali esas tante perfekta, ke on astonesas, ke la mondo erste nun progresis a moderna inventuri! Sub Hamurabi, di qua la dinastio esis apogeo dil Kananeana invado, la trafiko augmentabis mem plu multe, e la statal organizo florifis en omna sinso. Semido-Babyloniana linguo kelkope remplasis la anciena Sumeriana, qua de longe ja esis nun linguo sakra, quale che ni la moderna lingui remplasis la linguo dil Romani. La alfabeto literi en 400 signi dil Sumeriana permanis.

Armeo permananta de profesionala soldati e mercenarii protektis la lando dum la periodi di paco. Armizo di popul-

milici furnisis la soldati por milito. Ja ante la 3a yarmilo ant. n. ero on posedis en West-Azia grandega fortifikuri, perfekte sekurigita per metri-dika ed ofte tria ring-muregi, flankizita per bastioni e turmi kun kreneli ed aperturi por lanseri, e di qui la infro protektesis per vasta ringotranchei o fosati plena de aquo. Interesanta por la historio dil arkitekturo esas la fakto, ke sub la ruinaji di Nippur on ritrovis strati di la tempi ante Sargon, en qui ja existis en vulti la arko ogivala. Ita sistemo di fortifikuri duris til nia mezepoko Europeana sen esencala modifikado. La famoza etajoturmi Zigurat apud la santuario di omna urbi, di qui la somiti atingis altesis de 100 metri, uzesis anke kom fortifikaji, e la tota Mezopotamia planajo esis reliefizita de tala turmi o citadeli sakra, prekurseri dil akropoli e dil kapitoli. On havis armi ek ligno ed ek bronzo: mazo, hakilo, poniardo, glavo, dardo, lanco, ston-lansilo, flechi e shildo, mem fairolansili. La Kananeana Hiksos enduktis en Egyptia la kavalo, di qua la famoza Salomo dil Hebrei plu tarde serchis monopoligar la trafiko. Milital chari ludis granda rolo che omna antiqua populi, anke ja che la habitanti dil Mezopotamia landi.

La oficiari recevis feudala tereni kom proprajo. Se ulu negliis kultivar sua tero ol deprenesis de lu e donacesis ad altru. Se irge tempesti ed uragani destruktis la rekoltaji, la sub-luganti dil agri ne bezonis pagar lugal taxo. Nam apud la grandega proprieteri, maximparte ekleziana, e la feudal posedaji di qui posedanti esis la nobelaro dil lando, existis anke la farmeri qui kultivis la posedajo po lokaco-taxi. La chefa produkturi de la lando esis cereali, sezamo, dateli. Existis multa bestiaro, ed industrio dil texado. La statala imposti pagesis per kontributi en naturala produkturi.

Richa fisharo vivis en la fluvii. On peskis li per reti ja dum tre anciena tempi: la herou antiqua Adapa, qua segun la Babylonian legendo, perdis quale Adam la nemortiveso originala, peskis sur maro apud la templo di Eridu. La

famoza sacerdota-chefo Gudea ed eminenta privati kultivis mem fishi en kanali e lageti. Sovaja bestiaro multa e diversa vivadis en la foresti di Mezopotamia. Singla reji, de Gilgamesh til Asurbanipal, chasis ibe la leoni. On chasis per reti, fosati, armi e mem falkono. Apud la leoni vivis la „barbaru“, famoza pro sua krueleso. Suvereni enkajigis ofte bestiari en zoologia gardeni od inkluzis li en parki, por amuzado dil urbani. La kavalo renkontresas che la Babyloniani ja ye la yaro 2000 ant. K. adminime, enportita ver-simile del Esto. Hundi multa, elefanti, simii esas pik-tita sur la monumenti. La kustumo di la chaso kontre sovaja bestiaro developis l'apteso ad milito.

Mariajo e divorco esis regulizita dal legaro. La mariajo esis monogama ed aranjesis da la patru, qua selektis ipsa la spozino por sua filio. Ma apud la spozino la viro darfis ha-var legitime sekundara *femni. „La situeso di la femno esis en Babylonia pasable libera, quon la ritrovita texti di kontrati pruvas: femni povis quale viri partoprenar la publi-ka vivo, kontratar aferi, atestar en procesi, posedar pro-prietaji” (v. Klauber). La servistini esis do en la menaji sekundara spozini di la viro, o patro dil familio, e la chef-spozino ipsa kunduktis ofte kontrate en mariajo sua ser-vistino por esar samtempe sekundara femno di la viro. Apud la templi vivadis multa sacerdotini. La sacerdotini di la templo-banko di Marduk (inter qui mem femni de princal origino), agis en omnaspeca aferi dil trafiko. Eli povis ultre sekurigar renti per arango kun la administrerio dil templi. Omna familio stacis sub la protekto dil fa-milial deajo, ed omna atento kontre la familial vivo esis peko kontre la deo ipsa, de quo nur la sacerdoti povis libe-rigar, quale li liberigis de omna diversa peki. La popolo kontenis la du klasi dil libernaskinti o dil liberigiti e di la sklavi, segun diversa rangi.

Anke la sacerdotari havis diversa klasi. Olla membri

esis en la templi sive sacerdoti por la sakrifiko, sive doceri por la skoli, sive bankeri por la kontori publika, sive judicari por la tribunali. Sublima himni a la dei, de qui ni havas ankore la teksti, indikas la sama poezial developado kam la famoza psalmi o la profetaji dil Israelidi, e supozigas perfekta organizo dil eklezial kanto, e dil religioza festi. La topografial plano di Babylon en la Muzeo di Berlin indikas 43 santuarii di granda dei en urbo Babylon ipsa, de qui on posedas la nomi di 12. Multa templi organizadis la servado dil dei, quale ta dil reji en lia rezideyi. A la dei on organizis konseque mem haremi, e la religiani devis partoprenar ita joyi dil dei en la religioza festi, inter la mistikal spozini dil dei.

La sacerdotari aquiris per la sakrifiki grandega trupi de bestii qui pasturis en la tereni e rurala distrikto dil templi. La filio heredis sacerdotese e funkcio dil patru. Per lia grandega richaji la templi povis helpar la komercisti. Oli prestis po intereso, e favoris la komercal entraprezi. Tero e kapitali esis maximparte en manui dil grand-komercisti e dil grand-proprietari, inter qui esis la sacerdotari ipsa. En manui dil reji e dil sacerdotari esis la maxim importanta posedaji dil lando, sive tereni, sive trupi de asni, mutoni, e bovi. Por la cereali e la dateli existis klozita merkato en Babylon, granda rejial depozeyi por stoki. Ye la fino di ta dinastio enduktesis magazini por tapisi e lano. Postal organizo rejial transmisitis la edikto e mesaji dil guvernanti e la letri dil habitanti.

La instruktado esis tote en la manui dil sacerdotari, qui preske eksklusive posedis la savo dil skribaji. La yunaro dil sacerdotara klasi lernis la texto dil Sumeriana linguo en lerno-metodi quin on ritrovis e posedas ankore ek la biblioteko dil Asyriana rejo Asurbanipal. Omno skribesis en Babylonia sur argila tabeleti. En Egyptia on skribis anke sur papiri.

La diversa profesional organizuri havis specala protektiva deaji. Inter la profesioni esis la mediki, qui cetere anke esis ek la sacerdotala klaso. Sistema parfinita pri empirikal e magial medicino existis ja de la epoko di Naram-Sin, e ver-simile venis de la mezo dil 4a yarmilo ant. n. ero. Ol en-duktesis en China, ube la maxim anciena libro pri medicino, la Nei-King olqua apartenas al sistemo, asertesas skribesir ye la 26a yarcento ant. n. ero. (v. Dr. von Oefele). On posedas ankore granit-soklo di monumento „ex-voto” quan la rejo Ptolemeo Filadelfos erektis al deo Chunsu, pro ke lu salvesis de grava maladeso. Adjuro di la dei, ed exorcizi esis anke reguloza medikala procedi di ta tempi. Se la sacerdote-mediki dil templi salvis la rejo, ilu devis gratitudoze favorar la santuarii. On rakontis multo pri mirakli da la dei. Mem ankore en plutarda tempi eventis mirakli en la famoza santuario di Isis en Egyptia, ed en la santuario di Asklepios en Grekia. Analoga fakti reproduktas su en la moderna Europeana ed Aziana santuarii, ex. di la „Matro di Deo”, o di Mekka. Li esas efekto di autosugestiva influi o di extera sugestadi moyene simboli di la mistikismo religial, tote similnatura a la sugestadi experimentalala dil hipnotizera mediki. Dum tota antiqueso la sama personi esis mediki e sacerdoti, quale la sama suvereni esis reji e dei, quale la vivo statala ne distingesis del vivo religiala: nula dualismo existis fakte en ta mondo-koncepto, segun qua la supera deo manifestesis nur en la universalala apari dil kosmo e dil universal od astral fenomeni di la naturo. La mitologio esis nur antropomorfa simbolismo expresanta l'arkana doktrini dil templi. La kirurgical operaci facesis per bronza kultelo.

La statani dividesis en tri precipua klasi: la nobeli, la ministeriali (administrerii diversa), e la sklavi. Apude existis profesioni libera en la urbi. To esas naturala en Babylon, urbo qua esis la central West-Azian staplo dil produkturi di la vicina landi: Arabia, Syria, Elam, e mem di la fora landi.

Chefa e quaze imperiala banko esis la templo ipsa di Mar-duk. Hamurabi fixigis salariotarifi sive por la mestieri sive por la jorno-labori. La femni qui ne mariajesis prenis irga profesiono. Multi ek eli divenis amoristini sive en templi por kulto dil deini sive private; ista profesiono olim ne esis senhonoriganta quale segun Europeana-moderna idearo. Inverse, senhonoriganta profesiono esis ta di la restoristini.

La jurisprudenco lernesis en la templi, olima universitati. Ke la judiciado esis vere developita, ton pruvas ya la kodexo ipsa di Hamurabi. Ol havas 282 paragrafi. Omna kontrato skribesis en duopla exemplero koram testi e kun la visto di notario. Quankam la judiciado facesis en nomo di la rejo, la tribunali esis „koram deo”, ito esas, nur en la templi ipsa. La sacerdoti esis judicieri, kun tribunal-employati ed asesori. Anke ordalio uzesis. Tamen religioza bazo mankas tote en ta yuro: nam nur homal motivizo cherpita ek la domajo ipsa esas legala motivi, quankam Hamurabi ya proklamas recevir sua kodexo del Sun-deo Shamash, quale plu tarde Mozes analoge recevos sua dekalogo del lun-deo Sin-Yahve dil Sinai-santuaro. Ita indiko pri la „revelado” da Shamash signifikas nur, ke lua kodexo esis verkita da la sacerdotaro di la templi dil rituo sunal.

Anke omna matematikal, astronomial ed astrologial savo esis en la manui dil sacerdoti sola. De la sacerdoti on recevis la kalendaro dil regno. Li fixigis anke la teologio dil regno, e segun la rituo a qua apartenis la dinastio chanjesis anke la nomo dil supera deo dil lando. Ja mem dum plu anciena epoko ula prehistorial sacerdote-rejo, Enmeduranki de Sippar (Evedorankos di Berosus), ricevabis del deo Shamash la revelado dil sekreti astronomial. De ta rejo rezultis anke legendale la figuro dil famoza Henoch di la Hebrei, qua evis 365 yari (la nombro dil yaro sunal!). Interesiva esas, ke che la antiqui ja on parolis pri universal-yari o mond-epoki, segun qui vivas la naturo. On supozis ta

epoki anke, quale en la ordinara yaro, dividita en 4 kosmal sezoni. La diluvio di la Sumeriana legendo eventis vintre di universal-yaro, e la kreado dil mondo eventis printempe. De to rezultis anke la expekto di la fino dil mondo per „fairo” (per la varmeso dil mond-sezono someral). Forsan hike ludis senkoncie ula obskura rimemori del prehistorial epoki posglacial! Ma, plu versimile to esas nura hazardala koincido, rezultanta de la epika traduko dil 12 signi dil zodiako, inter qui esas la signo korespondanta al vintro, en qua startas omnayare la rinovigo di la naturo.

Apud la sacerdoti studianta o legifanta esis la sacerdoti dil sakrifiki, e la sacerdoti profeti, qui nerare evokis profesione la spiriti dil mortinti, ed altri qui kom mediki kuracadis exorcizante la maladesi. Nam la olima idearo esis tote astrala, quale la tota mondo-koncepto ipsa. Dum la tota antiqueso on facis la sakrifikado di animali en la templi, olqua finis erste kande la doktrino nova di Zoroastro ediktis, ke la sakrifiko esas profanaco di la dea elemento fairo. Anke homi sakrifikesis ofte. En Egyptia multa homi sakrifikesis en la funeri dil reji o chefi, por servor a li kom servistaro en la vivo futura. Plu tarde, segun nova variajo dil idearo on komencis sakrifikar nur imaji di animali o di homi, ed on depozis sur la sepulteyi mikra imajeti ek argilo (to esis ya anke plu chipa!) od ek metali precoza, o mem on nur piktis la manjaji dil dei e la kozi quin la mortinti bezonis. Analoga kustumi existas ankore nun en China. Omna ta opinionis aparas a ni eminente stranja. Dum la sakrifiki on opinionis manjar kun la dei, ed igar li favorema. En Egyptia on manjis mem la dei ipsa, ito esas, on manjis mikra imajeti dil dei, opinionante ke on aquiras tale la povo ipsa deal. Inter la Faraoni ula rejo adoris mem sua imajo deal! Nam omna Faraoni esis deaji, e li mariajis su kun sua *svestri nam li ne darfis mariajar su kun simpla homino: analoga ideo al moderna mariaji dil suvereni, qui mariajas su nur

kun membri di suverena familio. Ankore la Ptolemei mariajis su kun lia svestri. On povis aquirar la deal povo di irga deo, anke se nur on sucesis lernar ilua sekreta nomo: tale Mozes demandis de la deo dil Sinai la konfidenco di lua nomo ed obtenis ol, la famoza „istu qua esas”, pri quo la skolastiko developis tota filozofio.

La Sumeriani kremacis la mortinti; la Mezopotamiani enterigis li en argila sarki, la Egyptiani enbalzamigis li. Segun la Egyptiani la mortinto duktesis koram Osiris aden la salonego dil judiciado, ube lu devis deklaras ne facir 42 peki, quin lu enumeris: ita morala idearo, mencionita en la „libro dil Mortinti” (texto ritrovia), aparas vera e serioza expreso dil olima etiko. Sur la imperio dil mortinti regnis en Mezopotamia la deo Nergal. La dei esis mortiva. Ma li povis riviveskar (Simbolismo sunal). Se la reji ne deigesis sempre da su-ipsa, to eventis pos lia morto. Hamurabi adoresis ja da sua nepoti.

La antiqua urbi di Mezopotamia aparas partigita en 3 distrikto: la distrikto dil reji e dil templi kun lia domari, ta dil urbana habitanti kun lia domari, e la distrikto dil mortinti o dil sepulteyi. Ke la arkitekti ed injeniori di ta epoki devis esar astonive habila, ito pruvasas ne nur dal ruinaji grandioza dil anciena templi, dil Cigurat o turmegi qui emersis sur la urbi en Mezopotamia, e di la piramidi e templi en Egyptia, ma anke da la splendida reto de kanali per qui la Mezopotamia e la distrikto di Babylon aquizesis: tra la kanali florifis prosperanta navigado e do anke navokonstrukterii.

Desaparinte la dinastio di Hamurabi, aparas en Babylonia nova dinastio dum tri yarcenti (1950—1650), olqua venis del „Lando dil Maro” to es. de sudo, ed havis 11 suvereni.

Dum la sequanta epoko superesas la invado dil Kashuani o Kasiti. Isti venis de Nord-Esto, e lia konquesto esas komparebla ed analoga al plu tarda invado dil Turki en Islam.

Ita nova dinastio fondis nova imperio ed havis 36 suvereni, qui regnis en Babylonia dum 576 yari, to esas de la 18a til en la 12a yarcento, epoko en qua aparos la Asyriani. Anke dum ta epoko existis potentia naciono en Norda-Babylonia: la Hetiti, di qui la linguo til nun ne ja povis dechifresar. Ekirinta de la Europeana nacionaro, la Hetiti esis la prekurseri dil Indo-Europeani. Azia-Minora ube li habitis esis, kun Mezopotamia ed Egyptia, potentia centro dil olima kulturo. Ja dum la 3a yarmilo li arivabis en Naharina o Nord-Mezopotamia. Un ek lia maxim anciena strati esas la Mitani, qui habitis ibe ye la 17a—16a yarcenti ed esis un ek la granda povi dil epoko. Analoga religio kam ta di la West-Aziania kulturi reprezentas lia etiko. Che li omnube en Azia-Minora ed en Nord-Syria regnis la religiono o rituo dil „Granda Matro”, o femina koncepto dil deo supera. Ita deino havis ne nur sacerdoti quale altrube, ma anke militala sacerdotini nomizita amazoni. Elu nomizesis „Ma”, elua simbolo sakra esis la kolombo. Che la Hetiti la industrio dil metali arjento e bronzo esis eminente developita.

La unesma vinki dil Asyriani kontre la reji dil Mitani eventis en la tempo nemediate pos la epoko dil letri de Tel-Amarna (15a yarcento). Segun la epigrafi existis en ta epoko 4 granda West-Aziana povi: la Hetiti en Nord-Mezopotamia e Syria, la Chati en Azia-Minora, la Kashuani en Sud-Babylonia, e la Egyptiani. Inter li, ankore mikra, naskas e kreskas Asyria, imperio qua submisos li omna.

Regnante la dinastio di Hamurabi en Babylonia, regnis en Egyptia la dinastio dil „meza-imperio”. Reji di la 11a dinastio transportabis la sideyo dil imperio a Thebais, ube de lore la rezideyana deo Amon (sub la signo zodiakal dil Arieto) esis la supera deo dil Egyptiana imperio. Ita periodo (12a dinastio. 1900 a. K.) esas quaze la klasika epoko dil Egyptiana literaturo, e l'arkitektural arti produktis inter altro la sfinxo di Gizeh. Ita esas en Nord-Mezopotamia la epoko dil

imperio di Naharina, olqua dum la sequanta yarcenti divenis la imperio dil Mitani.

Ye la fino dil Hamurabial dinastio en Mezopotamia, nova tribui, versimile altra ramo dil sama Kananeani invadis Egyptia: le Hiksos ye 1600 regnis en Egyptia. Manethon nomizas Salatis lia unesma rejo. Segun lia nomi li ekirabis de Arabia. Sub ta reji eventis anke la famoza migrado dil Israelidi aden Egyptia (1828 unesmafoye). Ancestru dil tribuo esis la Hebrea tribu-chefo Abraham de Uru en Sud-Mezopotamia. Il livabis Uru versimile kande Hamurabi vinkabis Iri-Aku di Larsa, rejo de dinastio Sumeriana. De Uru Abraham migrabis ad Harran en Norda-Mezopotamia.

Okazione di Abraham ni audas ye la unesma foyo pri la urbo Jerusalem e lua sacerdoto-rejo, urbo e rejo qui mencionesis pose en la kuneiformi di Tel-Amarna ye 1430. La nasko dil Israelida tribui falis do dum yena subversita e nequieta epoko kande la maxim. bela periodi dil Babyloniana ed Egyptiana civilizesi ja de longe parvivabis sua maxim alta stadio. La regno di Hamurabi esis la definitiva triumfo dil semida rasi de Arabia e la imperio di la Hiksos en Egyptia esis invado di la Semidi ad la Nilo-landi. En ta sama epoko naskas Asur e lua sacerdota-chefi, dum ke jermifas por plu tarde la Sud-Arabian imperio. Tale sur la oriento tota regnas la semida raso, qua dum mil yari ankore devis restor la portero dil universal kulturo e civilizeso. Dum ta epoko la Feniciani inventas lia alfabeto, quan li transmis a la Greki, e qua divenis la Europeana.

Ma la nova imperio en Babylon, en qua Kasiti (de Indo-Europeana rasi), sub lia unesma rejo Gandish, esis ankore forsan mi-barbara, disfalas, quankam la influo di la sacerdotari augmentas en ta epoko. On lektas, ke la 7a rejo dil dinastio iris rikonquestar de la Hetiti la statui di Marduk e di lua Deino, quin la Hetiti, antee invadinte Babylon, deportabis ad lia lando. Ito indikas, segun la doktrino dil Anti-

queso, ke la supera santuario di la revelado e dil guverno di la mondo esabis transportata en Hetita-lando. Ita evento havis do analoga importo a la mezepokala transportado dil papi ad Avignon. Nam ube la deo transportesis, ibe mustis anke rezidar la sacerdotaro chefa. Itere sub la Asyriani sama fakto eventis: Marduk mustis migrar en Elam. On vidas anke la Sacerdoti di Sion migrar en Babylon, kande la templo dil Israelidi destruktosis.

Anke le Hiksos retropulsesis de Egyptia, ed itere Egyptiana dinastio regnis. Ma ne omna Kananeani esabis ekspulsata del distrikto di Nilo. Inter la hordi restinta e sklava esis la Hebrea Israelidi. Dum ke li restas ibe kom infra klaso e sufragas en penoza labori, la sucesoza armi dil Egyptiana suvereni iris konquestar mem Syria ed atingis til Euphrato, an la frontieri dil Mitani (1493—1461). Sur la ruinaji dil templo di Karnak on ritrovis la naraco di ta vinki dil reĵo Dehutmose I.: il irabis til Megido chefurbo di Palestina, submisigis landi dil deo Yahve, ultre Damaskus, e recevis richa donaci de la reĵo di Asur, tributo de Fenicia, e riche ornizita metala vazoj de la Insulo Cypro. Oro abundis anke de la minejoj di Nubia.

Sub la sequanta reĵoj dil dinastio Egyptia tamen disfalis. En Syria la Hetiti estensis su gradope. La vasaloj de Palestina, inter kiuj Arad-Chiba, sacerdoto-ĉefo di Urusalim (Jerusalem) lamentis pri sencesa atako da la vicini. La regnantoj Kananeana en Egyptia ipsa komencis revoltar. Nul epoko di la tota historio di Egyptia forsan esas por ni tante vivoze lumizita kam tia ĉi la fino dil 15a jarcento ed komenco dil 14a. Nam recente (en 1887) oni deskovris en la Egyptiana vilaĝo di Tel-Amarna tota arkivo di la ŝtato Egyptiana sub la regnoj dil reĵoj Amenofis III. e IV. Tel-Amarna esis olima rezidejo di Amenofis IV. Tia arkivala dokumentoj (nun en la muzeo di Berlino) esas skribitaj kuneiforme. Ek tia arkivo oni vidas segun leteroj del Urusaliman

chefo, ke nova invadanti „Habiri” (Hebrei) establisu su en la vicinajo minacante mem la tota vasal lando dil Egyptiana stato: on esas en la epoko di la ekiro dil Hebrei de Egyptia sub la duktrado dil famoza Mozes.

On miskomprenis multo de ta evento tante grava en la historio dil universal kulturo, pro ke on ne savis til nun ke tri diversa nomi di landi, nome Musri, Asur, e Kush, quin la Biblio mencionalas, esas, ne, quale on opinionis til nun, Egyptia (en Hebrea: Misraim), Asyria ed Abysinia, ma tri altra landi situata meze di la mi-insulo Arabian ipsa. Musri esas mem la nomo di tri diversa landi: di Egyptia (Misraim), di lando en Midian (imperio di Magan) en Arabia, e di ula landeto en Nord-Asyria. Interna Arabia esas ankore nun preske tote neexplorita. Multo de la rakonti pri la patriarki Hebrea relatas ne ad Misraim-Egyptia ma ad Musri di Midian, e specale la tota rituo dil Mozeal religio relatas evidente a la rituo dil Mineani di Midian en Arabia, nun deskovrita en la epigrafi (v. Dit. Nielsen). Sub Tiglat-Pileser III, Sargon II, Asarhaddon, Musri submisesis ed esis Asyriana lando. Ante ta epoko ol apartenabis ad Magan, segun indiki ek epigrafi di 16 reji di Magan.

Arabia esis antique tante richa, ke ol nomizesis „Arabia-Felica”. Ibe esis la famoza imperio di Sabea (Saba). Ma la Ptolemei di Egyptia sucesis atraktar la komerco vers Alexandria, e tale disfalis la prosperado di Arabia. Plu tarde, pos la ruino di Jerusalem dal Romani sub Titus, multa Judi migris vers Arabia. Ibe nova imperio Judo-Sabea naskis, olqua finis 525, ero Kristiana. Lua lasta refo esis Dhu Nuwas.

DE MOZES TIL ASYRIA.

Inter la Habiri invadinta la distrikto de Arabia a la maro dil Pheniciani e pri qui lamentis ja la chefo di Urusalim, esis anke diversa beduina tribui, a qui restis historie la nomo di Hebrei, e qui kunfederabis su en la dezerti o dum la epoko sucedanta a la invado. De ula anciena chefo o patriarko li nomizis su la filii di Jakob o di Israel. Che la Pheniciani (segun Eusebius) existis religiani qui donis a Saturno la nomo Israel, ed a lua filio unika la nomo Yeud (Yuda). Esas do desfacila savar kad la legendi Hebreana rakontas pri simpla homo o pri simpla deo, nam ista du idei intermixesis intencite, sive en la miti, sive en la vivo reala ipsa dil Antiqui.

Ita epizodo di Moze interesas speciale l'Europeana civilizeso, nam ol esas la origino dil plu tarda Europeana mondkoncepto, nur sekundare modifikita dal Kristiana Evangelio, pri la ideo dil Mesio komuna a la Mozeana ed a la Kristiana religio.

Quale Hamurabi, Moze havas sua legendala nasko ed expozado a danjeri, quale Cyrus, Kristus, Romulus etc. Il semblas vivir en Egyptia e recevir ibe supera instruktado. Ocidinte ula Egyptiano, il mustis ekfugar del teritorio di la stato, ed iris refugar sub la protekto di ula Arabian santuario. Il mariajis su ibe kun la filiino dil sacerdota-chofo ipsa, Yethro-Reuel, en lando Midian. Moze employesis kom administrero di la bestiari dil santuario. Ma lua bopatro, chefo-deo dil santuario, sendis plu tarde la entraprezema Moze kun altra sacerdote dil Templo, Aharon, por irar en Egyptia e liberigar la Hebrea tribui, qui esis ankore ibe sufranta sub la regno di ne-Hiksosa reji.

Moze ed Aharon iris retroduktar en Arabia parto dil Egyptiana Hebrei ed arivis kun li a la santuario Sinai di Midian, ube Yetro vartis la suceso di la entraprezo. Kande Moze arivis, Yetro sakrifikis sur altaro koram la karavano, e komencis donar a Moze instruktado relate a la guvernado dil nova tribuo. Ma erste en la santuario ipsa Moze recevis la texto di la „revelado” o nova kodexo quan Yethro, en sua funkcio kom rejoy-deo dil Sinai, donis ad ilu, skribita da lu ipsa en la templo sur argila tabeli, quale esis kustumo lore en omna West-Aziana lando, e do versimile en kuneiformi. Forsan anke specala skribado uzesis ja dal Hebrei samtempe. Nam mencionesas ja, ke Moze skribis anke en „libri”.

Omna European alfabeti esas de origino Phenician-Araba. Segun Hommel e Winckler la nomi e la formi dil literi esas de origino astronomial, segun la imaji sideral, quin la antiqua Araba mitologio lokizabis en la cielo. Ma nomi ipsa di ta signi indikas inventero ne-Semida.

La Mineani, inter qui nun Moze habitas, semblas esir la maxim anciena Semida raso, e la religio di Midian e di Sinai esis religio de rituo lunar antiqua dil Mineani (v. O. Weber). On vidas ke anke la Israelidi havis la Tauro kom simbolo di la deo, nam Aharon gisis ora statuo dil Tauro en la dezerto, ed igis adorar ol, dicante: „Istu esas, ho Israel, la deo, qua liberigis tu de Egyptia!” Se to ne esabus konform al kredo di la tribuo, lo esus absurdajo nekomprenebla. Sinai havis la cetera simboli dil kulto lunar: la serpento (v. la imajo miraklifanta dil bronza serpento en la dezerto) simbolizis la serpentatra marchado dil satelito cirkum la tero dum la jiro cirkum la suno. La Tauro simbolizis anke la satelito per sua korni simila a la krecento deal. Simbolizante la flugo dil satelito-deo, la Tauro recevis ali di aglo (Kerubim), e por reprezantar la deal inteligenteso ol recevis homal vizajo. Tale aparas la sakra Tauro sur la monumenti di

Babylon. E la krecento adoresis en la templo, ube anke la chefa sacerdote ipsa nomizesis deo ed adoresis kom deo.

Moze servabis che sua bopatro dum longa yari, e lernabis che lu la arkani dil deo lunar e dil fenomenen astronomial quin la deo produktas sur la maro per la mareo. Savante la legi dil maral fluxo il salvis sua Hebrei de la ondi, deklarante ke sua deo di Sinai, Yahve, intervenis en ta miraklo, e to esis ya astronomiale vera. Ed il povis duktar li vespere „avan la vizajo dil deo Yahve”, ito esas avan la krecento sakra dil nova luno sinkanta sur la somiti di Sinai, dum ke la nokto falis. E dumjorne ilu duktis la chefi ed ancieni dil tribuo avan la sakra arjenta disko-deo sur la monto ipsa o templo, ube versimile ol expozesis sur altara soklo: ibe li darfis „vidar ol nur de fore” ma „li vidis Ilu, e sub Ilu esis bluajo quale la cielo kande ol esas serena”. (Exod. XXIV, 10.) Se la Hebrei esas malada, la serpental imajo dil deo salvos li: omna imaji dil antiqua dei esis miraklifanta. On vidas en maladeso la Egyptiana rejo Nimuria implorar la helpo di Ishtar. Il igis adportar en Egyptia la statuo miraklifanta di Ishtar de Niniva, quan sendis ad il la rejo dil Mitani. Sur la somito dil Sinai la sakra disko esis „deo” o Yahve, quale en Babylonia la sakra disko dil Suno esis deo-Marduk.

Nam la templo dil Sinai ne konsistis en domi. Ol esis simple la somito dil monto ipsa; ed en lua rokaji esis parlaborita la dispozuri dil santuario, versimile sub vasta tendaro dispozita apud la central ed apertita planaji, en mezo de qui on sakrifikadis. On darfas supozar ita dispozuro, nam mem en la kodexo da Moze, di qua advere la nuna texto skribesis erste cirke mil yari plu tarde (dal sacerdote Sionista retroveninta de la exilo en Babylonia), sempre riparas la rekomendo dispozar omno segun la modelo quan Moze vidis sur la monto ipsa. E la nomo di „monto” esis la sama kam la nomo di „templo”, quale on vidas en posa

epoko Moze irar en la dezerto „de monto a 'monto" (de santuario a santuario), inter qui esis anke la „monto" dil deo Nabu (en la Biblio: Nebo).

Se plu tarde la Sionisti di la restaurado, riskribinta la kodexo, neplus mencionis la deo-sacerdoto di Sinai, ma nur sempre la deo idealigita dil profeti segun monoteista idearo, ito esas nur miskompreno, o mem nova idearo, de qua naskis la erora koncepto dil plu tarda yarcenti: nam nultempe aparis sur la somiti dil Sinai ula deo en supernatura vizioni, ma nur la simpla deo dil templo antiqua, o chefa-sacerdoto, quale la analoga „deo" Shamash, de qua Hamurabi recevabis lua kodexo 700 yari antee, o quale la infalibla e „supernatura revelado" dil moderna Romana chef-sacerdoti papal, qui ediktas en encikliki a la mondo la dogmi dil kristiana revelado. Anke la adorado dil sakra disko lunar ne esis, ed olua adopto kom simbolo en qua habitis la deo, ne esas de diferanta naturo, kam la adorado dil altra antiqua simboli e statui dil templi, o mem dil Hostio sakramental. La simbolo dil Agnelo (Arieto) dil Nova Testamento ne esas de diferanta idearo kam la Tauro dil Babyloniani, e forsan la solena festi dil Mozeal religio en la dezerto esis plukonforma a la naturo e plu emociganta en ta splendida adaptado a la misterioza spektakli di la naturo, kam la moderna procesioni apud la disko dil Hostio en la ostensorio, quan adoras la recenta Kristiani. Se on egardas nur la simbolismo, la du simboli esas evidente sama ed identa sub omna aspekto: anke l'Antiqui kredis sincere.

Semblas ke ja Mozes ipsa esforcis igar sua rituo kelke monoteista. Ma to esis en la tendenci dil epoko. Anke en Egyptia Amenophis IV esforcis enduktar reformo monoteista dil rituo sunal en analoga sinso vers la sideral fenomeni di la naturo. De la rituo lunar dil Sinai-Midian, ni heredis la sep-dia semano.

Pos la misterioza morto di Mozes (1400) en un ek la templi o Monti dil dezerto, lua kunfederita tribui de Israel esforcis invadar la distrikto di Palestina, ube li habitas ja cirke 1360. Ma li mustis luktar e kombatar dum 4 yarcenti, ante ke li sucesis mem mantenar lia nedependendo kontre la vicina stati, e sen havar ul centrala organizuro statal. Erste en la 10a yarcento (1010) Saul, e pos il, David, chefo inter li ma vasalo dil Filistini, sucesis fondar Israelida rejio. Lua filio, la famoza richa e saja Salomon centraligis la kulto ad la templo di Urusalim, Sion. Tamen aparas ke ja nemediate pos il la nova imperio disfalis en du stati. La tribui Israelida qui esabis en Egyptia ed semblas havir ja del origino rituo „elohista” separis su del „yahvista” tribui de origino Palestiniana, qui kunfederis su ad Yuda. To versimile konfirmas ke la nomi di Yuda e di Israel esis forsan simpla nomi di du dei, o sekti religial.

On havis tale de lore reji di Yuda e reji di Israel, ta du landi esonte preske sencese vasala dil potenta imperii vicina. Kande la Hebrei invadis Palestina, Egyptia perdabis sempre plu multa tereno en Syria, atingante nur til Monto Karmel, dum ke la Hetiti progresis de-norde, vasaligante vicina tribui (Amuriti e Libanon). La imperio dil Mitani disfalis e desaparís, superesita dal Asyriani sub la regno di Salmanasar I (1300). La reji di Asyria kreskadis minacante Babylon ipsa, quan filio di Salmanasar, Tukulti-Ninib sucesis mem submisar en 1275, quankam ne durive. En Arabia komencis developesar la imperii di Minea e di Sabea. Mezopotamia Arameizesas per lenta invado dil beduina Arameani, dum ke la Kaldeani penetras de-sude.

En 1319 Ramses II di Egyptia ganis apud Kadesh granda kombato kontre la Hetiti qui havis inter lia kunfederiti Likyani, Dardani, Miziani, Ioniani, dum ke sub Ramses kombatis soldati (mercenaria) de Sardinia ultre Libyani e Nubiani. La frontiero inter Egyptia ed Hetitlando restis ye Libanon.

Ramses, nomizita la Granda, rezidis en Tanis (delto). La ruinaji di Karnak e di Abydos inter altri pruvas la luxó di lua regno pri kolosala konstruktaji. Sub il, inter lua Semida laboreri, papiral texti nomas la „Epriu” it. es. Hebrei restinta versimile en Egyptia lor la departo dil ancieni kun Moze. Lua sucedanto Menephta mustis retropulsar invadinta armeo veninta de la landi inter Grekia e Sardinia. Sama ataki dal insulana invadanti eventis anke sub Ramses III (1200). Inter li esis ne nur homi de Shaklush (Siciliani) e Greki de Argos, ma anke Philistini de Kreta. Ici lasta, pos konquestir la litoro di Syria, lore amiki ed helpéri, lore enemiki dil Hebrei e di David, restis en ta lando, olqua de to recevis lua nomo Palestina. La Philistini invadinte de la maro la litoro di Syria, la povo dil Hetiti norde mustis retroirar.

En Babylon (1175) la Kasiti destronizesis e nova dinastio regneskis. Samtempe kreskis la reji di Asur: inter li, ye la fino dil XIIa yarcento, granda suvereno, Tiglat-Pileser I, sub qua eventis la unesma adveno dil Asyriani ad la rango di granda povo. Ilua konquesti atingis la Mediteranea ed Armenia. Ye ta epoko aparas an Euphrat nova popolo: la Arameani. La rejo di Asyria repulsante lia invadi marodis ad-en lia lando Suchi, ube kultivesis „famoza vino e mielo del Abeli”. Rejo di Suchi nomizesas en la Biblo inter la quar amiki dil legendala Job. Tiglat-Pileser extensis sua regno til Babylon, di qua la rejo mustis agnoskar su vasala. La sequanta rejo di Asur, filio di Tiglat, transportis la rezideyo en Niniva, ube lua sucedanto konstruktis templo di Ishtar (1070).

Sub la regno di David, da la Israelidi submisesis la Philistini sudweste, la Moabiti e la Amoniti este, la Edomiti ed Amalekiti sude, retropulsesis la Arameani, dum ke Damas-kus, ube isti fondis la unika stato Arameana qua ultempe existis (10a—7a yarcenti ant. K.) devis pagar tributo a Israel.

La Arameani nultempe atingis influoza imperio. Ma li esis multa e, dispersita omnube, li donis nova linguo ad Asyria, Mezopotamia e mem Arabia por plura yarcenti. Un ek lia chefa dialekti nomizesis la linguo Syriaka. Pos l'aparo dil Islam, omna linguo aramean desaparib balde. Ita linguo skribesis plu facile kam le Asyriana, e la sacerdotari qui bezonis facila linguo por la developado di lia mondimperiala ideo, adoptabis ol e propagadis ol.

Cirke 1200 fondesabis anke Tyrus, ube en 969 regneskis Hiram. Ilu furnisis a Salomon laboristi e vari por la konstrukto dil templo di Sion (958). La imperio di Salomon, qua komencis regnar en 962, esis splendida ma ne duriva. Nam efemera politikal unigo dil Israelida tribui ne suficis por unigar definitive lia diferanta religiala ritui. Dum ke la partisans dil tribuo Yuda adoris segun la rituo di Yahve, la cetera tribui vere Israelida konservabis altra ritui e duris segun oli adorar sua anciena dei sur diversa somiti, templi, o monti dil teritorio. Ipsa Salomon mariajinte su kun la filiino di Egyptiana rejo dedikis altari ad Egyptiana dei ed a la dei dil stranjera femni di sua haremo. Interesanta fakto ek la olima kulturo esas la menciono di la Biblio, ke Salomon havis plu kam 700 femni en sua haremo.

Religiala diferi dividis la tribui e ja sub lua filio Rehabam la imperio dividesis: dum ke Rehabam restis rejo en Yuda, dek altra èk la kunfederita tribui, le Israelida, selektis nova rejo, Jeroboam, e de lore existis du hebrea stati: Judea ed Israel.

Profitonte la desuniono e la konflikti dil hebrea tribui, Egyptiana rejo invadis Palestina, spoliante omna urbi en Judea ed en Israel, anke Jerusalem, ma ne sucesis restaurar la Egyptiana dominaco sur Palestina, ube de lore regnis definitive la tribui dil Hebrei. En Judea la suvereni de la rejala dinastio sucedis sempre inter su legitime, la filio a

sua patro. En Israel preske omna reji renversesis dal nova, til Omri, la sisesma, ilqua transportis sua rezideyo a Samaria.

Ye ta epoko ante e dum la unesma Hebrea reji, florifis anke versimile la imperii di Minea e di Sabea en Arabia, qui prosperis e divenis famoza. Lia religio (dil deino Ashtar ed dil deo Wad) esis segun rituo lunar ed afina a la rituo dil templo di Midian, ube esabis Moze.

Quale „blazoni” por la nobeli esas materiala simboli dil familio, ula religio esis olim simboligo dil ideali di singla nova tribuo e naciono. De to eventis, ke quale omna familio deziris distingar su per specala „skudo”, tale omna tribuo deziris distingar su per specala deo-logio, miti, e rituo. Ibe quale hike on havas nura emblema produktaji. Omna religiono esas expreso di ul nacionala temperamento. E se plura nazioni havas ula sama religiono, li modifikas ol segun lia specala nacionaleso. To eventis en la moderna epoki en Europa, ube la religio Kristiana reprezentesas per adminime tri diversa teologial sistemi: ortodoxa, katolika, e protestanta. E singla ek li ultre prizentas sekundara diversesi. Ulo sama eventis naturale dum la antiqueso en Oriento. Konforme a la diverseso dil stati suverena on havis sunala o lunala rituo. E che la Hebrei, sekundara diferi transformis Yahve en la Samaritana rituo, segun qua on darfis adorar ilu omnube, ed en la Judeala rituo, segun qua on darfis adorar ilu nur en Yerusalem. Komence David e Salomon admisis stranjera dei, e preske singla urbo e distrikto havis sua rituo e templo. Apud Yahve on adoris anke lua deino che la Hebrei, same kam omna Dei vicina havis korespondanta deini. Segun la deskovri di Elephantina (v. E. Meyer), la deino di Yahve esis Anath. La nomo di la urbo Bethania apud Jerusalem signifikas „templo di Anath”. En Samaria on adoris la deino Ashimath apud Yahve, ed en Sion la profeto Jeremias plendas, ke la femni iras sakrifikar sub la portiki dil templo a la „rejino dil cielo”. Pheniciana

epigrafi nomas Anath egala ad Athene, e donas a la du deini analoga armizuro kun kasko, lanco, shildo, ed hakilo militala.

Erste plu tarde inverse la profeti dezirante nacionaligar ed unionar omna tribui sub la templo di Sion, predikis ekskluzive adorado dil Yahve sola. Sub la imperio dil Persa Darius la Judi di la militala garnizono de Elephantina an la suda frontiero di Egyptia, posedis ankore templo e sakrifiki en Elephantina ipsa: pruvo ke til lore la kulto ne ja esis de longe reformita e koncentrita ekskluzive en Sion. Sur la sama altari dil templo di Elephantina la Judi dil garnizono Persa adoris Yahve, ed apud ilu Anath.

Cetere omna religio evolucas. Anu desaparabis avan Mar-duk, ed Ishtar superesis en Niniva, quale che la moderna Kristiani la kulto dil Mesio de Nazareth reliefizas la rituo. Nulu adoras avan la imajo dil Deo-Patro. Ma omni proster-nas su avan la imajo dil „Sakra-Kordio” o di la „Matro di Deo”. Nulu demandas mirakli da la Deo supera dil Kristiana Triado, ma la mirakli mustas eventar en la santuario dil Virgino-Matro. Quale olim la sakra disko adoresis ves-pere en la dezerti ed esis santa aparato dil deo, tale nun on adoras la Hostio, nova disko e simbolo en qua Deo habitas, ed on triumfigas ol en solena procesioni. Dum ke la disko lunala povis adoresar exter la templi nur en varma landi ed en serena nokti, la disko-hostio esis advere plu mondala simbolo, ed apta adoresar anke en la regioni, ube nultempe la kulto eventas exter la templi.

La ritui di la deo mortinta seduktis sempre la kredanti. Che la antiqua West-Aziani „kun specala prefero on kantis la mizero di la morto en la ritui funerala por la deo dil printempo Tamuz. Ilu esas la deo dil Suno e di la vegetado, ilqua enkarnigas aparato di la sunchanjo e di la yarala trans-formo dil semino. Omnayare lu sinkas kun la velkanta na-turo aden la imperio dil mortinti. Printempe lu salutesas kun

entuziasmo kom riviveskanta." (A. Jeremias.) Lua morto deplorois rituale mem da la femni sub la portiki dil templo di Jerusalem, ube lua kulto anke observesis. Che la Pheniciani lu esis Adonis. Che la Egyptiani lu esis Osiris. Ma la ritui esis tote analoga.

La dei dil Inferni esis, quale Nergal en Mezopotamia, anke dei dil jermi e dil agrokultivo. La mito di Tamuz-Adonis-Osiris uzesis anke por expresar la espero di la nemortiveso. En la himni a Shamash ed a Nebu on laudas ta dei pro ke li longigas la vivo e rivivigas la mortinti. Marduk, Sundeo dil printempo, nomizesas la „Vekanto dil Mortinti". Nam on kredis ne nur a la nemortiveso, ma anke a la rivivesko dil mortinti. Sub la templi existis simbola fonto de „aquo di la vivo", quale on vidas en la deskovrita Isis-templo en Pompei. Altrube on parolis pri arboro produktanta „frukti di la vivo".

La publika tendenci qui duktis a la monoteismo che la Judi, indikas analoga evoluco anke en Babylon, ube Cyrus rikonstruktis la templo di Marduk, samtempe kam il imperis la rikonstrukto di la templo di Yahve en Sion. Erste kande la rituo di Sion enduktesis kun la Deuteronomal o sacerdotala kodexo per la edikto di Nehemia (621) desaparitis definitive de Jerusalem anke la kulto dil Sundeo til lore adorita en la templo di Sion ipsa. (v. Ezekhiel.)

Nam la templo di Salomon esabis ruinata. Sub Salmanasar II (859—825) la Asyriani developis lia imperio til la teritorio Parsu (Persia) ed Armenia; ed advokita por helpo dal reĵo di Babylon Marduk-Sum-Idina, Salmanasar dominacis til la „lando an la maro", qua de lore nomizesis Kaldea. Il vinkis armei kunfederita inter qui esis Akad la reĵo di Israel. On posedas de ta tempi ankore frontier-termini kun la simboloj dil zodiako. Esas ta Israelida reĵo Akad (885—858) filio di Omri en Samaria, qua mariajinte su kun la filiino dil reĵo Itoba-al de Sidon dedikis por el templo

a la Pheniciana deo Baal. Kontre to protestegis la famoza profeto Elias. En 842 Salmanasar invadis Damaskus ed anke la reĵo Jehu di Israel divenis tribut-pagero di Asyriani. Ye ta epoko (800) eventis versimile la regno dil Asyriana Semiramis, reĵino legendala.

Dum ta epoko nova nedependanta reĵio formacesis en Ethiopia, kun ĉefurbo Napata, de ube cirke 800 la Ethiopiani konquestis Thebais, e 25 jari plu tarde Memphis, ed en 714 la Delto sub Shabaku, qua komencis la 25a dinastio nomizita Ethiopiana.

Itatempe nova e potentega suvereno imperis en Asyria: Tiglat-Pileasar III, qua fondis fakte la universala imperio dil Asyriani. Grandega militadi dum longa jari en omna teritorii subversis omna landi, konfirmante reĵi, subversante stati, de Armenia til Media, de Persia til Syria ed Arabia, submisante omno sub Asyria. Interne di ta extensuro dil imperio la Babyloniana hierarkio itere riganis la anciena politikal influo. Ol influadis anke la komerco e la industrio, nam la templi esis sempre banki, e la sacerdotari, helpita dal experienco en la trafiko dil pekunio, igis su proprieteri di la plu granda parto del sulo, e per to sufris evidente la nobelaro egale kam la agrokultiveri.

Sucedis Salmanasar IV (726); il komencis sieĵar Samaria, quan sua filio Sargon II konquestis, finigante tale la reĵo di Israel: ilu transportis la Israelidi ad-en Media e stranjera koloniisti en Samaria (722). Il protektis itere la Hierarkio e konfirmis lua privileĵi.

Sub Sargon Asyria atingis la zenito di sua potenteso. Ilu konstruktis por su apud Niniva nova rezideyo qua deskovresis recente da franca esploreri ed ube on ritrovis maxim interesanta dokumenti, qui naracas detaloze la tota historio dil Sargonal regno. Sargon II nomizis su anke reĵo di Babylon, dil „imperio di Sumer ed Akkad”, vinkinte la reĵo

di Babylon, Marduk-pal-idina (709). Statuo di Sargon II trovata en Cypro e nun en la muzeo di Berlin pravas, ke la influo di ta monarko extensis su ne nur til Tarsus, ma anke til Cypro. Il mustis retropulsar la dominaco dil potentia reĵo Midas di Phrygia. Sude ĉefi sendis ad il tributo de Arabia, ube sur la falinta regno dil Mineani elevis su la Sabeani (750). Sargon mortis per asasino. Dum la regno di Sargon profetesis en Juda la famoza Isaia, eminenta politikero dil falinta Hebrea stato e revema adheranto dil ideo dil universal imperio. La povo dil Sargonala imperio apogis su sur armeo de salario-soldati quin on mustis pagar de la raptaji di la konquesto: nam la richa sacerdotari pagis nulo por la susteno di la stato.

Pos Sargon regnis en Asyria lua filio Senakerib (704—681), qua semblas su apogir sur la militala partiso di Asyria, kontre la klerikala partiso di la hierarkio influita da Babylonia. Anke lua regno esis plena de militi. Nam Babylon, incitata ver-simile dal partiso klerikala deskontenta, revoltis. Il mustis militar kontre ol, e kontre olua federiti di Kaldea, Aramea, Elam, e Media (Anzan). Nur norde la Ashkuzi (Skyti) esis amiki dil Asyriani. En 689 Babylon rikonquestesis, e Senakerib destruktis ol totale, subversis omnia edifici e domi ed igis la fluvio fluar sur la destruktita urbo, por nihiligar mem olua memoro. Ilu exekutis omnia ta mezuri en perfekta e koncianta adverseso kontre la dominacanta partiso klerikala de Babylon. En 701 il siejabis en Jerusalem la reĵo Hiskia di Judea, pos vinkir Araba kunfederado en qua Hiskia partoprenabis, ed Hiskia mustis liberigar su per grandega donaci, quin Senakerib enskribis en epigrafi nun ritrovita. Senakerib perisis en Babylon ipsa per asasino da sua filio, ver-simile an la templo di Marduk, quan il devis rikonstruktar.

Nam stranja eventoj koaktis ilu ja ankore ante lua morto itere rikonstruktar la Santa Urbo dil antiqueso e lua famoza templo di Marduk.

Se on deziras parkomprenar la tota senco dil olima subversadi, on mustas memorar, ke segun la olima opiniono publika dil West-Azian landi, la templo di Marduk en Babylon esis la santuario dil „revelado” universal, e la urbo ipsa Babylon, rezideyo dil chefa deo Marduk, esis la urbo chefa, quan la dei selektabis kom centro di la tota mondo e chefurbo dil universo. La agnosko da la sacerdotaro di Babylon esis do necesa ad omna reji, e kande Senakerib, apogante su fiere sur la nura forteso di sua armeo, refuzis submisar su a ta pretendi di la suverena eklezio di Babylon, la oficiala listo enskribas „vakado” dil trono imperial!

On observas hike grava fakto historial, qua iteresas plurfoye en diferanta kulturi ed epoki. La sacerdotaro e la deochefo di Babylon, perdinta la politikal prepondero, restis nura religial ma maxim influoza povo. Ol esis sub la formala protekto dil imperiestri, ed on vidas omna potentia monarki serchar agnosko dil suvereneso che la religial chefi di Babylon. Ulo sama iteresas plu tarde kande la Mohamedana sultani dil Islam e pose la Turka sultani, divenas „protekteri” dil Kalifo di Bagdad, ilqua restas nur religial chefo. Itere la samo aparas dum nia mez-epoko Kristiana, en qua la sacerdota-chefo di Roma ipse riestablisas la imperio di Ocidento e kronizas la imperatori qui demandas de ilu lia krono, dum ke reciproke li esas per glavo la protekteri dil papi. „Nulo nova sub la suno!” Kad forsan on ne vidos uldie en la futuro, se la West-Aziana landi itere prosperos, ula Kristiana papo en Sion, ed ula nova Kalifo en Bagdad? Ja li opresesas respektive en Roma ed en Stambul.

La povo dil religiala chefi, qui simbole enkarnigas la permananta ideo di la autoritato e dil eterna ordino naturala, superesas en omna lando la efemera e violentoza forco dil glavo. Mem la invadera suvereni esforcis sempre motivizar per irga federado kun la chefa sacerdotari la bezono nelegitima opresar la vinkiti. Nerare li deklaras su reprezenteri

di la deo, e mem su ipsa dei, dum ke omna chefa sacerdoti proklamas su infalibla organi di la supera deo!

Kande Nehemia expresis teokratiale en Sion la idearo dil mond-imperio Judean segun la profeti, il imitis nur analoga opiniononi e tendenci dil Asyriani.

De tala fenomeni naskis ideari universalala en diversa punti di la tero. Ma ita ideari esas kontredicanta. De to naskis la ridinda fakto, ke ankore dum moderna tempi la Europeani proklamas erori la opiniononi religial dil Aziani, e ke la Aziani inverse deklaras adminime falsa la religial sistemi dil Europeani: la du esas ya antiqua simbolari surnatinta trans la yarcenti ad mondo moderna, por qua oli havas nek vera valoro nek valoroza vereso. Unika fundamento dil stati e dil eklezii esas nedependanta loyaleso dil samstatani e dil samreligiani: ube loyaleso neplus existas, regnas nequieteso e subverso. Senakerib esis persekutero sincera dil olima religial hierarkio, ma lua tiraneso esis nejusta moyeno destruktar erori: ol duktis ilu a fatala morto. Il ritransportis Marduk en la urbo Asur, ed esforcis elevar Niniva a rango di splendida rezideyo por facar ek ol la unesma urbo dil West-Aziana imperio, ed ek Asur la chefa santuario dil revelado. Ma ilu missucesis avan la ferma e sincera superstico dil landi ed avan la prestijo dil Babyloniana sacerdotaro. Dum 8 yari il lasis Babylon sen titularia rejo. Vane! Quale recente Napoleon ilu mustis paktar kun la chefi di la Hierarkio e mortis per asasino en Babylon ipsa, misterioze, nam ni ne posedas epigrafi explikanta. Un ek lua filii, Asarhadon, prenomizita rejo da Senakerib, e lore komandanta en Armenia, adkuris, vinkis sua frato asasininto, e regnis 12 yari glorioze. Ma il mustis regnar en la sinso dil partiso klerikal dil Babylon: il ediktis quik la rikonstrukto dil templo di Sagil, quale Napoleon mustis restaurar la hierarkio di la eklezio en Francia. Mem pos ilu la reaktado semblas durar, nam en 626 rejo de Kaldean dinastio, Nabopolasar, povis igar su

rejo di Babylon, fondis la dinastio dil „Nova-Imperio” di Babylon, e Niniva konquestesis 21 yari pose da la Medi.

Advere Senakerib ne esis progresema rejo en moderna senco: nam il favoris Ishtar di Niniva e sorgis pri la santuario di Nirgal, la deo dil armei e dil milito.

Asarhadon havis granda imperio: il povis nomizar su rejo di Asyria, di Babylonia, e di Egyptia, quan il invadis, vinkis, ed ube il instalas vasala rejo, Neko, en Memphis. Ma hordi de nova enemiki, la Kimeriani, venis tra Kaukazo ed Armenia, ed kunfederis su kun la Skyti e la Medi; il ne sukcesis retropulsar li definitive, e li fondis mikra imperio en Persia, de qua naskos pose la imperio di Cyrus. Ankore dum la vivo di Asarhadon la Asyriana partiso itere riforteskis, e koaktis la imperiestro nominar kom kun-regnanto e futura rejo lua filio Asurbanipal; ma por la filio quan il predestinabis sucedor, Shamash shum-ukin, il povis salvar nur la trono di Babylon. Asarhadon mortis dum nova kampanio aden Egyptia, e lua filio Asurbanipal, lasta Sargonida rejo, sucedis ilu (668—626). Milito esis neevitebla inter istu e lua vasala frato di Babylon. Asurbanipal vinkis, e restis sola rejo.

Amiko dil arti e dil scienci, Asurbanipal establis granda biblioteko, di qua nun la dokumenti deskovrita en Niniva reposas en la Muzeo en London, ed esas quaze nia anali dil antiqua West-Azia. Interne di lua palaco en Niniva on ritrovis reliefizita skulturi de eminenta perfekteso qui apartenas a la maestro-verki dil arto di omna epoki e landi.

Asurbanipal mustis itere militar kontre Elam, ed en Egyptia, ube pos la morto di Neko, il facis rejo lua filio Psantik, qua komencis en Memphis e Sais la 26a dinastio Egyptiana. Sub ilu existis duriva relati inter la Greki ed Egyptia.

Ma la fino dil superba Niniva advenis. Sub lua despotal dominaco sufrabis omna vicina landi. Nun Egyptia revoltis, la Skyti minacis norde, la Medi este, ed isti, duktita da Sandashatra Kyaxares la fondinto di Ekbatana, kunfederitai kun

Nabopolasar di Babylon, siejis la Asyriana chefurbo e pos du yari destruktis ol por sempre per tala senegarda subverso, ke olua ruinaji erste nundie povis ridonar al exploreri la enterigita trezori dil palaco di Asurbanipal.

Dum multa yarcenti la veneracinda sacerdotaro dil anciena templi di Babylon mustabis saciesar per nura religial suvereneso e vidar, quankam ta suvereneso agnoskesis da omni en la grandega imperio, ke lia famoza urbo mustis esar nura vasala dil Asyriana reji. Lore advenis la dio dil venjo. Omna antiqua privileji restauresis, e, pos la morto di Nabopolasar, lua filio Nebukadnezar, qua jus vinkis Neko II di Egyptia, fondis la Imperio-Nova di Babylon, ero Kaldeana. La chefurbo itere florifis splendide. E ta epoko esis vere un ek la maxim bela epoki dil anciena West-Aziana kulturo, til ke sub Xerxes pro nova revoltado Marduk itere transportesis en Susa, Sagil klozesis, e la lando divenis simpla satrapio dil Persa imperio. Alexandro havis ya plu tarde la deziro rifondar imperio Greko-Babyloniana, ma lua morto tro frua impedis lua revo.

Nebukadnezar do regnis dum 44 yari (604—562). Sub lua regno la imperio Babyloniana riprenis la potenta extenseso quan havis Asyria, e Babylon divenis la maxim brilanta e splendida urbo dil antiqueso. La epigrafi qui restas de ta rejo parolas prefere pri la marveloza konstruktaji e monumenti quin il establisis. Anke il apogis sua regno sur armeo salariata e mercenarii.

Sub il revoltis itere la sude situita landi, instigita da Egyptia kontre Babylon. Ma Nebukadnezar vinkis omna stati, ecepte Tyrus, qua ne falis malgre 13 yari de siejo. Jerusalem destruktises pos du yari de siejo, olua rejo Zedekia blindigesis, e la Judi tranesis aden la famoza exilesio di Babylon, qua erste sub Cyrus trovis lua fino (587—537). Tale finis anke la Judeana regno dil Hebrei di Jerusalem, quale finabis la regno dil Israelidi di Samaria. Ma la Judi, privacita de lia

patrio, formacis partiso nova interlandal, sub ombro dil religio monoteizema di Yahve e de nun lia mondal importo komen-cas. Nam la difuzado dil Judaismo sub nepotenta revi di ta mond-imperio, quan Babylon sola realigabis olim por sua deo Marduk e sua grandega reji, extensesis ad la stranjera landi mem maxim distanta. Omna ta antiqua rasi revis ya universal suvereneso, ed opresado dil stranjera landi!

Ma precize ta motivo esas anke la kauzo pro qua la antiqua reji o rasi ne atingis vera e definitiva civilizeso. Omna nova imperio, expresita sempre per ul nova religiono, signifika sempre ekskluzo dil vinkita rasi o religiani, nam la teologio di singla lando esis diversa. Ulte omna religiono proklamis sua deajo unika deo dil universo, e konseque sua yuro submisar la universo tota: de to ipsa sequis nevink-ebla opozo ed interna antinomio inter la rasi de stranjera e diferanta ideologio. Quale do rasi regnis sur rasi, tale interne di omna raso, reji o kasti regnis sur reji e klasi dil sama raso. Richeso e proprieto ne mem agnoskesis ad omni, ma nur a la potenti. E dum ke nul altra lego kam forcoza povo regulizis la distributado dil universal richaji, agnoskesis a la klasi dil povri e dil submisiti nur la yuro servir la potenti e la richi.

Desesperado pri evidenta neposibleso di ula transformado en ta social ordino duktis la menti a profunda pesimismo. Ja Yesaia neplus esperas restaurado dil Israelida stato en sua tempo, ma transportas ol aden poeziala ed esperatra futuro. E kande plutarde la Kristianismo naskis, ol esis nur transformado dil Judal espero ad-en ul futura „Regno di Deo”, segun la profetal vizioni dil anciena profeti di Israel. Ma, fidela eko dil antiqua aspiri, anke lu egoiste ekskluzis de sua triumfo omnu qua ne esos Kristiana! Ne mem en la ideo dil universala „Patro” penetrabis la nobla ideo dil vera humana frateso di omna homi ed omna rasi. Intertempe altra religiana reformeri analoge predikis simila doktrini en Azia. E

tale povis eventar ke grandega regni facis preske nulo por universala homal civilizeso, pro ke li per religial opozi, dividis la homi e vanigis omna universala uniono dil homal esforci.

La historio dil antiqua imperii pruvis do, ke la homari e la rasi fakte submisesas a la destino di la forco, e ke la forco sola esas la vera origino dil yuro. Nam tam balde kam nova plu granda forco aparis, le pluanciena ruptesis da le plu recenta, anciena rasi submisesis da uli plu sovaja, ed anciena suvereni mustis servar sub vigoroza subverseri di lia troni. Anke la idei ipsa esas nura naturala forci, nerare falsa, ma potentia. Sekura sistemo di etiko ne existas. Sublima doktrini sukombas, se energioza homi ne predikas li kun fervoro, ed sensenca kontrenatura sistemi di social opiniononi difuzesas quale epidemio, se sana suvereni o rasi ne havas energio rezistar. Nultempe on deskovros irga sistemo supernatura di ordino social. Nam supernaturo esas sukontredicanta nocio e ne existas. Omnube la forci stacas en opozado. Od una vinkas e la opozita sukombas. O la du rezistas e luktas, e parvenas a kompromiso: ita kompromiso esas la fundamento di omna yuro homal. Kande Rousseau parolis pri sua famoza „kontrato social” il eroris, opinionante ke ta kontrato eventis en ula obskura prehistorial epoko di la homaro. Ma esas evidente vera, ke nula societo esas realigebla sen reciproka konsento, e konvenciono, e ke omna moderna mondal organizuro dil homal societo esas advere sencesa, implicita ed universala kontratado, la yuro homal internaciona esante nur la rezultajo de la multeso dil individuala pakti. Sur la bazo dil anciena yuro, segun qua la homi ne esas sendependa, ma mustas agnoskar la yuro stranjera developita del anciena yarcenti, on ne povas fondar universala civilizeso perfekta. Erste nia epoko deskovras la sekreto dil civilizesi universal per la doktrino di la solidareso sociala en universala interorganizado di omna

homal forci. Ma ita deskovro rezultis del agnosko ke nula deo, nek sur la cielo nek sur la tero, existas supera al homo ipsa. Nulu havas la yuro naturala opresar lu en nomo di irga exter-natura deajo, reĵo, o sacerdoto suverena; e konseque omna homo havas la ekskluziva yuro natural ed individuala selektar sua voĵo, organizari su kun omni sen restriktio, e do tute ne depende solidarigari omna homal relati ed organizuri segunvole. Dum la antiqueso ne mem la nura ideo dil vera solidareso existis! E la mondo bezonis naturale ĉefi, despoti bonfacanta qui duktis lu arbitrale.

Sub Nebukadnezar nova dinastio afina dil Meda rasi invadis Elam sudeste, ed establis su ibe sub la nomo di „ĉefi di Ansan” (559). De ta ĉefi ekiris Cyrus. Nomi nova, nova regno anuncas su. Longa prosperado febligas per felica civilizeso la militala e feroĉa qualesi dil landi: pro tio ube regnis la yuro dil pluforta, la vigoroza e nova rasi de Media e de Persia mustis vinkar. Egyptia prosperadis astonive sub Psamtik I e la 26a dinastio. On komencis konstruktari kanalo de la Nilo al la Maro Ruda. Navaro grandanombra existis, la komerco florifis, ed audacoza naval esplorero de Fenicia (inter 608 e 605) ĉirkumnavigis mem Afrika sude. En Babylon eventis post Nebukadnezar e sub lua nemediata suĉdanti la granda interna deskonkordi qui mustis febligari la imperio. La membri dil Asyrian militara partiso esis deskontenta e revoltis, dum ke altraparte la membri dil klerikala partiso e la influoza sacerdotoj ja turnis sia espero al la Medo Cyrus.

La sequanta reĵo Nabonaid kultivis scienco, arto, e literaturo, plu kam sia funkcio kom reĵo e suvereno. Il ri-konstruktis l’anciena templi en Sipar, en Uruk, ed en alia urbi, anke la veneracinda templo di Sin, destruktita da invadinta Manda-hordi (Skyti e Medi). Ma Cyrus vinkis ta Manda-hordi e lia ĉefo la Meda Astyages. Al imperio dil Medi apartenis anke Asyria deposed la falo di Ninivo. De lore

Cyrus, submisinte nova nazioni ed uniginte la sep chefi rejal elekteri dil suvereno di West-Iran, nomizis su rejo di Persia (550). En 547 lua grandeskanta imperio minacante sua vicini, Kroisos di Lydia, Amasis di Egyptia, Nabonaid di Babylon kunfederis su. Sparta refuzis adherar.

Ita kunfedero esis la signalo di nova subversado. En 547 apertesis la milito. Cyrus vinkis omni. Il submisis este anke la landi Baktriana e Margiana, ed organizis sua rejio til Indus. En 539 il eniris mem Babylon, qua apertis ad il sua pordi sen kombato nek siejo. La membri dil partisi klerikal omnube preparabis ad il la voyo. Yesaia anuncis il en Sion.

E tale Cyrus, unesma Indo-Europeana rejo en West-Azia regnis sur la tota West-Aziana imperio. Tamen lua dinastio Persa nesucesis konquestar Grekia, ube de lore kreskis nova regno e nova supera civilizeso. Ma en Babylon Cyrus agnoskesis da la sacerdotaro di Merodak (Marduk). Epigrafi naracas a ni, ke „Marduk sorgadis en omna landi por sua amiki. Ilu selektis rejo yusta segun la deziro di sua kordio, duktis Cyrus preninte ilu per la manuo, nominte ilu nome ed advokante ilu ad imperio sur omna landi.” On rakontas pose pri lua yuneso la historio, quan on raportas anke sur il, dil mikra infanteto salvita e dil sun-herou vinkero, pruvonte per to ke il destinesis fondar imperio universala. Anke la sacerdotaro dil Judi e la klerikal partisi di Jerusalem ja de longe vartabis ilu, nam li versimile entraprezabis sekreta relati ante o dum la kunfederado, same kam la sacerdotari di Babylon. Anke „Yahve prenis Cyrus per la manuo” (segun la famoza profeto Yesaia), it. es. la sacerdotaro di Sion adheris a la nova suvereno. E Cyrus imperis rikonstruktar la templo di Jerusalem. Ma la 42 360 Judi qui (en 537) retroiris kun lia familii e lia sklavi de Babylon en lia patrio konfliktis kun ti qui restabis ibe lor la exilado, e pro to la labori interruptesis.

Esas la tempo en qua che la Persi aparas la famoza pro-

feto Zarathushtra, qua predikis la religio dil fairo e la rituo dil Magi. Versimile ja Cyrus ipsa esis adheranto dil nova rituo, qua anke esas monoteisma doktrino. Fairo e lumo esis la simbolo di lo bona. Supera deo esas Ahura-mazd (Ormudz-Bel). Apud ilu regnis la deino Anahit (Ishtar-Astarte) de Elamita origino, e la Sun-Deo Mithra (Shamash) de Mezopotamian origino. Ahriman esas la mala deo, quale en Babylon Nirgal kontre Marduk. Ahura-mazda esis origine de rituo lunar.

De un kontrato inter la Hetita rejo e la suvereno di Mitani en la 14a yarcento ant. K., on vidas ke la religio di Mithra ja florifis en ta anciena epoko, la yarcento di Moze. Mithra esas la Genio dil Lumo di la cielo, qua aparas kun la emersanta Suno sur la somiti dil monti, e jorne vehas an la cielo sur charo quan tiras 4 blanka kavali (Apollo!). Ilu esas la deo dil vereso e dil yuro, dil fertileso e di la forco dil vivo, dil armeo e dil soldati" (v. T. Kluge). Ita rituo riflorifis sub la Persi, favoresis da la Diadoki pos Alexandro, finale che la Romani. Intertempe lua dogmatiko e liturgio parformesis. Segun Armenian legendo ita deo naskis de la deo Ahura e de lua Matro. De ta rituo venis anke la kulto di la „Magna Mater" dil Romani, di elqua l'unesma templo dedikesis en Italia en 204 ant. K.

Dum posa tempi la kulto di Mithra extensis su ad la Romana landi di Europa, ube ol esis la kulto precipua dil armeo e di la soldati. Existis multa templi di Mithra en Roma, de qui un existis mem ankore en la epoko di la Renesanco. En la urbo Ostia existis adminime 4 Mithra-templi ye la fino dil II yarcento pos. K. Altri existis en Firenze, Budapest, Lyon, en Germania, etc., quin on ritrovis recente. En Varna religiani di Mithra existis ankore en 576. Ita religio developesis en West-Azia samtempe kam la Kristianismo, superesis da ica pos Constantinus, e nun desaparís. La chefa deaji en ol esis la planeti, a singla de qui dedikesis un dio

dil semano, un specala metalo, ed un nombro sakra. Mithra esis la Suno (Sol Invictus). Mithra divenis ipsa kelkope central-punto dil religio. Il esis Mediatero inter la Deo e la homi, quale Kristus. Segun ta liturgio, de qua on ritrovis texto, la mondo esas plena de demoni. La religiani esforcis simbolatre rinaskar en nemortiva spirito-santa, e (segun Hieronimus) mustis acensar sep gradi de perfekteso. En la festi segun ta rituo o kulto on recevis pano e vino qui antee dedikesis dal sacerdote. Singla paneti markizesis per kruco, signo sakra dil Suno. En la kripto dil templo bruladis lampi. Segun Tertullianus la chefa sacerdote darfis mariajar su nur unfoye. On pregis trifoye dum la dio. La chefa festo esis 25a Decembro nasko-dio (Dies Natalis) dil Sun-Deo, e la admiso dil nova adheranti eventis printempe. La Societi di ta religiani posedis la yuro di proprieto. Pro ke la religio di Mithra tante similesis a la religio Kristiana, a multi la du ne semblis diferanta. Ma li ne povis apud-existar sen interluktar e la Kristiana vinkis. Pos nur kurta rivivo sub Julianus, ita religio desaparís definitive de Ocidentó, ube ankore en 371 multi de lua religiani martirigesís. En Oriento la Manikeismo sucedis ol. Augustinus de Hipona esis fervoroza Manikeano ante divenar episkopo Kristiana ed ortodoxa.

Altra importanta religiono naskis en la sama yarcento: Budha, la profeto dil Indian landi predikis (557—477) sua evangelio en Azia, e fondis un ek la religioni qui posedas maxim granda nombro de adheranti. Segun lua rituo, elefanto esis la animalo sakra dil dei. „De dea elefanto e de virgino naskis la Budha redemtero dil Azia.” Il predikis religiono qua divenis plu tarde en omno preske simil a la nuna Romana eklezio Europeana. La suverena sacerdote dil Budhisti esas la Dalai-Lama en Tibet.

Anke la famoza filozofi di China docis en ta epoko: Laoce (600), Kungfuce (551—478) la maxim importanta; Mengce (371).

Kungfuce establis religion nur etikala, sen sacerdoti e sen dei. En China la chefo dil familio sakrifikas a la Spiriti dil mortinta preavi e di la naturo. Kulture la Chinezi developabis longatempe ja ante ta epoko, sub lia unesma tri dinastii, grava civilizado, segun sistemo socialista, en qua la sulo esis en nacionala proprieto ed apartenis al imperio. Li enduktis ideala statal organizuri, simil a sistemo di administrado feudal sub imperiestro; la chefi establis biblioteki, igis redaktar anali dil imperio, e prizis lernar ek la libri dal filozofi. La homi dil populal klasi ipsa studiadis fervore, nam statal exameni apertis ja en ta epoko omna publika ofici di la stato. La imperiestro sempre agnoskis, ke omna suverena autoritato dependas yure nur de la voluto dil statani. Ici havis su-guvernado en astoniva grado. Ma intermitante grava subversi destruktis la progresi, e la profitema Mandarini sistematre explotis sempre la samstatani.

Cirke la epoko dil filozofi, desfavoroza eventi koaktis multi pro mizero vendar su kom sklavi, e de lore la sklaveso neplus desaparitis de China. La mariajo ibe esas poligama. On erektis templi a Kungfuce, en qui on sakrifikas, ma sen deigar lu, nam il semblas esir perfekte ateista.

Adverso dil Kungfuceismo esis (246—209) la imperiestro Shi-Hoang-ti, fondero dil dinastio Tsin. Sub il riestablisesis la individualista proprietes, il abolis la feudal sistemo, permisante la vendo dil sulo, centraligis la imperio, dividis ol en 26 provinci, ed organizis la mandarinaro. Ma dezirante nihiligar omna tradicioni adversa, il imperis per edikto bruligar omna libri en la imperio: e per ta ago de foleso, il destruktis la historio e la savo di plura yarmili. Tamen la Kungfuceismo restis la religion oficiala di China. Apud ol la Budhismo enduktis ye la Ila yarcento di nia ero, ed anke la Mohamedani admisesis pose; nam la Chinezi esas naturale tolerema. Nur la Kristiani sola nultempe rekoltis ibe duriva suceso.

La religio Judana anke dum ta epoko divenis monoteista, ma erste per la centraligo an la templo di Sion e la reformo quan enduktis 100 yari pos Cyrus la Judi Esra e Nehemia, sub la regno di Artaxerxe I, filio di Xerxe (465—424). La establiso dil Persa imperio koincidas do kun la origino dil universala religioni qui duras til nun.

Arto militala ed armi nur poke chanjis en ta epoki. Ma dum ke la imperio Asyriana anciena havis milico, la nova Asyriana imperio havis armeo permananta, qua esis bonege organizita. Ol ne konsistis ek plu kam 150 000 soldati, ma ol divenis la terorajo dil vicina landi ed ol konquestis li omna sucedante. La fortresi e la armi restis preske sama dum la epoko di la Asyriani til nia mez-epoko, dum qua inventesis la paf-armi: nam erste la invento dil pulvero igis modifikar la sistemo di la fortifikuri.

La standardi esis religioze veneracata, quale plu tarde la agli di la Romana legioni. Anke che la Asyriani motivi religiala ludis granda rolo en lia militi. Quale plu tarde che la Mohamedani, a la soldati kurajoza sugestesis espero a marveloza rekompensi trans la morto heroal. Li militis sub la inspiro di Asur, la deo nacional, e di Ishtar, la deino dil kombati. La Asyriani esis cetere terorigante e nedeskript-eble kruelega homi. Ma to esis lore mori normal, quale ni vidas ex. la profeto Samuel sakrifikar a Yahve per propria manuo la rejo Agad, ed quale Jehu de Israel igis la urbani di Samaria adportar en korbi sepa-dek kapi dil Omridi, quin il expozis en du amasi avan la pordo di la urbo!

Dum la somero di 530 Cyrus mortis, e lua filio Kambyzes heredis la „imperio dil landi”. Istu facabis kun sua patro la kampanio di Babylon, ed nominesabis en 539 rejo di ta urbo (v. Prasek). Ilu preparis lore la konquesto di Egyptia, quan il komencis en 526, e realigis en la sequanta yaro, prenante Memphis pos siejo. Il agnoskis la dei dil lando, specale la rituo di la Matro dil Dei en Sais. Kambyzes

federabis su kun la Pheniciani, qui helpis ilu per potenta floto konquestar Egyptia. Ma kande il deziris atakar la Karthaginezi, la Pheniciani refuzis, nam li esis de sama raso. La konquesto di tota Nord-Afrika ne povis do eventar. Il invadis konquestante Sud-Egyptia til Napata an Monto Barkal. Ma ilua retroveno eventis en dezastroza rapideso necesigita da revolti en sua imperio, ube il iris riestablisar sua aŭtoritato kun energioza e feroa kruelezo. Ma, deskontenta pri la Babyloniana tendenci dil regni di Cyrus ja e di Kambyzes, la nobelaro e la 7 chef-elekteri dil imperio selektis kom imperiestro Darius, la organizero vera dil imperio Persa. Kambyzes esis un ek la maxim granda suvereni dil antiqueso.

Dum ta epoko la floti di Tyrus e di Karthago deskovrabis ja la westa litori di Afrika til Senegambia. De Leptis e de la Mikra Syrto la Karthaginezi havis intensa trafiko til la oazisi dil Sahara ed la basino dil Lago Tshad.

ANCIEN-EUROPA E LA KRISTIANISMO.

Ma intertempe en la landi dil Mediteranea developesis la anciena Europeana kulturi: la epoko dil Greki e dil Romani, e la nasko di skribita literaturi, remplasanta la epigrafa monumenti dil ancien West-Aziana landi.

Quankam ni ja posedas nur tre skarsa indiki pri la migradi prehistoriala en landi Europeana, tamen esas evidenta, ke dum omna posdiluvial epoki komercisti plu audacoza departinta del distrikto di la kulturala regiono iris enduktar intermitante ad stranjera e fora landi la progresi dil armi e dil trafiko. Mercenarii ed aventureri retroiranta adheme venis rakontar

en sua patrio la marveli dil landi ube regnis la potentia suvereni e dei. Ne min vivoza kam dum historial epoki mustas esir la migradi en la mondi prehistorial. La sistemi dil skribita civilizeso esas nur un sistemo inter multi quin supozeble developis la prim-kulturi. La exemplo dil prehistorial kulturi dil Mexikani esas evidenta pruvo, ke la homi povas sen skribado developar tre perfekta standi di kulturo: la voyi quin ta Mexikani konstruktis esas mem plu solida kam ta di le anciena Romani!

On vidas anke dum la tota antiqueso la Misioneri dil diversa religianari trairar la mondo por facar prozeliti: li ekiris de Azia, nerare kun altra ekmigranti o mem kun exilita sampatriani, ed iris fondar nova skoli sur stranjera litori. La sacerdoti di Mithra e di Serapis iradis tra la mondo dissemante omnaloke fervoroza prozelitari.

Ye 1184 la Greki konquestabis Ilion, pos ke filio dil Troyana rejo raptabis la famoza Helena de Sparta. La Doriani konquestabis Sparta en Grekia ye la fino dil 12a yarcento (1104) sklavigante la indijeni kom „heloti”. De origino Aziana la Doriani recevis legaro de Likurgo (ye la komenco dil IXa yarcento: 880) qua studiabis la kodexo dil stato Kreta. Festal ludi en Olympia unionis la Greki ad naciono e developis sana raso. La dati dil ludi regulis anke la kalendario.

En 846 Pheniciani de Tyrus fondis Karthago. Lia deo esis Melkart. La Pheniciani antiqua esis del Amuritana rasi ed ekirabis de Arabia ante la Hebrea invado, dum ke altra strato dil Amuriti, la Mineani, migrabis vers la sudo.

De la epoko di Sargon II existis kunfederal suvereneso di la maro, quan la diversa populi dil Mediteranea e dil Insuli (Phrygia sub Midas, Egyptia, Atheniana kunfederado, etc.) posedis alternante (v. Diodor). Ita suvereneso esis sub protekto dil imperiestro suzerena di Asyria.

Che la insulani di Mediteranea naskis analoga sistemo di mitologio, quale ni vidis en West-Azia: nur la nomi chanjis:

Saturno, Jupiter, Apollo, Minerva, Venus, vice Anu, Marduk, od Ishtar.

En Athenae, quan la Doriani ne sucesis konquestar, pos ne-sucesoza e tro severa legi da Drakon, aparis en 594 la legifero Solon, qua dividis la populo en 4 klasi.

Ita du famoza urbi Athenae ed Sparta rivaletis pri arti e civilizeso. Nova formi di statal organizuro, de republikana sistemo, indikas eminenta progresado di la homal mentaleso. De la templi desaparitis la antiqua ritui dil festi kun sakrifiki di animali, e religial e statala mori idealeskis. Apud la festi pure religial aparas la teatri, en qui l'arto esis la chefa sorgo dil autori, e la skultado produktis la modeli klasika di omna sequanta yarcenti. Ma, en Sparta ekskluziva legi e la desprizo di la richi a komerco, sistematra izolado kontre la stranjera landi, homi, kozi, ed institucuri; en Athenae aristokratal ordino qua dividis la homi per diferanta interesi, separema tendenci en omna Greka urbi; omno to impedis fondar duriva imperio.

Cetere ita republiko, en qui nur la membri de la richa klasi darfis esar civitani, ne esis multe diferanta del Aziana statal institucuri, ube regnis absolutiste reji sur la troni e sacerdoto-dei en la templi. E tam balde kam ula stato plu forta atakis oli, li mustis faltar pro interna nesolideso. Ja Alexandro de Macedonia vinkos li. Ed en Italia, an la rivo dil Tibro naskis ye la mezo dil okesma yarcento (fondo di Roma 753) la stato qua submisos omna Mediteraneana landi en unika imperio. Tamen de la vidpunto dil universal civilizeso la Greka kulturi esis grandega progreso. La povo e la yuro neplus repozis sur unika chefo en la stato, quale en Oriento sur la chefreji dil landi o sur la chefsacerdotal deo dil templi, ma sive en la Greka sive anke balde en la Romana republikana stati, tota klasi de civitani revendikis legifala yuro e yurala direkto di la statal aferi. To manifestis, ke la homi di ta regioni atingis ja eminenta grado di responsiv-

eso ed inteligenteso. Inverse ke antee la homari ne povis karear violentoza ed arbitrala organizeri o chefi, lore la Europeani atingas la etapi, en qui li organizas su ed elektas ipse la chefi di stato. On vidas la samo che la Germani, la Celti Galli, quankam la Greki nomas li ankore „barbari”. Advere itere per la Kristianismo la despota idearo dil West-Aziana landi rivenis en Europa, ma la idearo dil Greki e dil Romani anciena neplus tote desaparís; ol destinesas fruktifar plu tarde sub la moderna formo dil monarkiana stati konstitucionala e dil recenta Europeana ed Amerikana republiki.

Karthago, la potenta republiko qua regnis Nord-Afrika, Sicilia, Sardinia, Hispania, havis konstituco analoga a la greka. Ma lua komercista civitani desprizis la milito, mustis pagar stranjera soldati por la defendo dil lando, ed anke li mustis uldie pos teroroza militadi submisar su a la plu forta Romani.

Ja le antiqua Orientani sendabis aden la Ocidentana landi lia pioniri, til la „Insuli dil Maro”, til Hispania, til Britania, ube li ja explotis la kupro e la metali. Nun la Pheniciani e pos li la Karthaginezi esplorante invadis la litori di Hispania, di Liguria, di Gallia. La potenta tribui Celta developabis grand-ega kulturi en extrema-Europa sur la teritorio di Anglia e di norda Gallia. Tra la yarcenti li ricevabis anke la progresinta rezultaji di la cienco e di la tekniko da orientana navigeri kun qui li kambiis metala e diversa vari; e sacerdoti veneracita o Druidi esis che li depozarii di profunda e bela filozofio dil religio. Nam on ne darfas konsiderar omna kulturo de nia recenta od Europeana vid-punto; ma inverse omna kulturo devas konsideresar de sua propra vid-punto: omna e singla yarcento havas valoro kultural en su ipsa parfinita e relative perfekta.

Norde de Europa Germani shovis lia hordi de bovi tra vasta planaji apud la rivi di fertila fluvii, e revante pri plu sunoza landi exercadis su en la manuago dil armi. Pos

chasir bestiari, li konquestos landi amansigante homi. En Helvetia sur la bordo di ravisanta lagi la indijena-chaseri e peskeri konstruktas ankore sur ligna fosti lagala e poezioza hemi. Omnaloke restis de ta epoki giganta dolmen, monumenti de stonegi dispozita en templa establisuri sub libera cielo, altari por sakrifiki a la dei dil foresti, o sepulteyi dil genioza chefi mortinta, e muta testi dil olima kustumi e dil devoteso a la chefi prehistorial.

De omnaloke parvenis til ni anke rudimenti de nacional historio, qua esas, analoge al preirinta mitologio dil Oriento, nur konfuza legendi pri dei od heroi. Dei militis por la Greki en Troya; legendala reji, la Tarquini, fondis la republikana Romana stato. La Germana tribui, plu amanta di vera libereso, elektis chefi nur kande li bezonis duktado en milito.

En la 5a yarcento la Persi atingis Europa. Konquestinte Trakia e Macedonia, li probis invadar anke Grekia, ma nesucesis. Nam la Atheniani sub Miltiades (490) en Marathon, e Themistokles en Salamis dek yari plu tarde, retropulsis li aden Azia. Athenae per navaro regnis lore sur la maro ed enportis richaji per komerco. La arti sub Perikles prosperadis per la admirinda monumenti dil Akropolis. Herodoto skribis la historio, Aeschylus, Sophokles, ed Euripides kreis la marveloza modeli dil venonta literaturi, til ke en 400 ol sukombis sub Sparta, doninte a la mondo quaze kom lasta floro, la filozofo Sokrates.

Febligita per interfrata militi, la Greki esis matura por plu potente konquestero. Macedonia prizentis su. La tota eloquenteso di Demosthenes, la maxim famoza parolero dil Antiqueso, sucesis ya itere heroigar Athenae. Ma nulo helpis. La Macedoniani invadis e submis Grekia, e, pos la morto neexpektita di Philipo, lua filio Alexandro (336) evanta nur 20 yari, acensis la trono, instruktita en la Greka civilizeso dal maxim famoza filozofo dil antiqueso: Aristoteles. Quale aglo ilu flugis de Europa ad Azia, duktis sua soldati de vinko a

vinko til la extrema frontieri dil Persa imperio, quan il konquestis, e divenis rejo en Babylon ipsa!

Ma ta Macedonian-persa mondimperio poke duris: quale ol elevabis su tale ol desaparís. Alexandro mortis en 323, lua imperio disfalis, sua olima oficiri, nomizita la Diadoki, dividis ol inter su, singlu divenis fondinto di nova dinastio: sur Syria regneskis la Seleukidi, sub qui la Makabei liberigis la Judi. Ma grandega transformado eventabis en la mondo per la konquesti da Alexandro: nam la Greka civilizeso, sub la nomo di Helenismo, difuzesis per ol de Grekia ad Oriento, del Euphrat al Nilo, e stampis la mondo per nova e plu delikata kulturo. La homo acensis nova grado sur sua voyo eterna dil sempre perfektiganta developado. La heredanti di ta fortune esis la Romani, di qui la influo parvenis nemediate til ni ipsa.

Qua fondis la Romana Imperio? Nulu savas. Nur legendala chefi mencionesas dum 2 yarcenti. Ed erste en la 5a yarcento, dum ke la Persi penetris en Europa, mencionesas la unesma triboni dil Romana Republiko. Olua linguo, diferanta, indikas ke la Romani ne venas de la Greki. Submisante vicina urbi, kunfederante vicina Italiana tribui, li kreskis, ma ne solitara: de la fertila planaji di Gallia fluxo de homi militera e forta invadis Italia, devastis Roma ipsa, e kande yena sucesis defensar su e repulsar la invadinti, isti direktis su ad Macedonia, e parvenis til Azia, omnaloke devastante od enmigrante la invadita landi. Ma sempre plu potente kreskis la fiera Romani. Pos submisir la Italiana populi li turnis su kontre Sicilia, e plu tarde per energioza militadi li vinkis mem Karthago, qua divenabis intertempe la rejino dil Mediteranea. La genio di Hannibal, qua de Afrika tra Hispania e la Alpi invadis Italia ipsa, ne povis chanjar la destino dil mondo, e la imperio di Karthago divenis Romana provinci (133). Samtempe la Romana armei pulsís lia legioni an Macedonia, Grekia, ed Azia, ube Mithridates ne povis

barar la nevinkebla marchio, quankam jaluza chefi kombatis reciproke en Roma e desunionis la Republiko per interna militi.

De la Karthaginezi on prenabis Hispania. Pompeius pos la vinko di Mithridates destronizis la Seleukidi, e Syria ipsa divenis Roman provinco. Sur Gallia, malgre la heroala defenso da Vercingetorix, vinkis la romana Agli di Julius Cesar, quan lua legioni pose igis vinkanto di lua patrio ipsa. De Roma Cesar iris submisar la revoltinta Oriento, quan Pompeius ja vinkabis; e kande Octavianus, sole regnonta, divenis Imperator-Augustus e fondis la Imperio, la Romana Republiko sub ilu ja regnis omna landi qui cirkumas la Mediteranea, de Persia ad Hispania, de la Rheno al Sahara. Tanta fortune repozis nur sur la forco dil armi! La universala sklaveso e desespere, qui rezultis de ta violentajo, genitis che la povri e la submisiti ula ne min violenta bezono di reakto e di salveso: de to la Kristianismo naskis, e la Romana Republiko komencis disfalar.

Sub la influo dil Zoroastrana sistemo, la sakrifiki antiqua desaparitis: e lore matureskis la tempo dil nova min materiala ritui.

Sub la nomo di JESUS DE NAZARETH aparas nova religiala sistemi, de qui dum la sequanta yarcenti naskis omna Europeana religial doktrini. Ilua „Evangelio”, simbolistala epiko en qua rakontesas lua vivo, indikas en anciena texto ritrovita en la Sinai-monakejo, ke ilu naskis de Joseph de Nazareth e de lua fiancitino Maria, plu recenta teksti igis ilu naskir de la Spirito-Santa. Necerta esas en qua urbo lu mortis: nam, dum ke la Evangelio indikas Jerusalem, la Apokalipso supozas explicate, ke lu mortis en Cesarea de Palestina, ube la romana guvernoro havis sua rezideyo. On povas tirar kun sekureso nula historiala indiko ek ta expozala rakonti: nam mem la maxim fervoroza misionero dil nova sistemo, Paulus de Tarsa, ex-Romana oficiro e civitano im-

perial, asertas ke ilu nultempe vidis persone la „Salvero” di la mondo, ma ke il vidis lu nur en viziono e „revelado”. Malgre la sincera opinioni opozita dil Kristiani ipsa, on havas do hike itere simpla fenomeno nova dil anciena West-Aziana „reveladi”: singla „evangelio” esas nur olima ed aparta maniero expozar la ideala figuro dil „Mesio”, maniero diversa segun la diverseso dil autori o di lia temperamenti, ma sempre konceptita segun astral motivi. Anke Jesus de Nazareth esas koncepturo religial fingita por expresar en arkana simboli la fenomeni sideral e la social aspiraji. Omna evangelista autori riprenas do la mito dil Suno, deo-infanto, qua naskas de virgino ed expozesas a danjeri. Nam, quale en la tempi di Sargon, anke Jesus de Nazareth, (nura mito o persono historial, ne importas irge), esas la simbolo di nova epoko dil mondo. Ilu naskante, nova ero di la mondo apertesas: ilu devas do esar Filio dil Arieto, quale omna ero nova esas filio dil precedinta; la simbolo dil Agnelo esos konseque la simbolo sakra di la Salvero dil mondo; ilu nomizesos Agnelo! E vizioni dil Apokalipsi montras Agnelo sakrifikata sur Altaro dil cielal Sion: imajo di la Suno inter la Steli. Il apertas la ero dil Fishi: fakte omnu savas ke la prim-adepti dil Kristianismo adoptis la Signo dil Fisho (nomo greka IKTUS: Jesus Kristos, Filio dil Deo, Salvero), kom Signo misteriala per qua li rikonoceskis reciproke.

Quale la Suno parkuras sua voyo akompanata dal 12 Signi o deaji dil Zodiako, e simbole la sun-yaro havas 12 monati, tale la Salvero mustis naskar vintre (solstico) e nokto-meze (riveno dil Suno omnadie), recevar 12 Apostoli o misioneri chefa; e del antiqua yaro de 72 semani on recevis la 72 sekundara dicipuli dissendita por predikar la Evangelio.

La Mesio-Salvero naskas en urbo situata sude de Jerusalelem, ed ekiras baptita de la aqui dil Jordano: nam la suno emersas sude an Sion, del aqui dil Oceano. Ilu ekiras koram la guvernoro e la naciono akuzanta lu ja de la 3a horo matene

(sisesma horo segun ni, ed horo dil sun-levo — nam la Romani, quale la West-Aziani, havis hori duopla); ye la 6a kloko il elevesas sur la instrumento dil morto (quale la suno parvenas ad la zenito e pose mustas dekadar), e ye la 9a kloko il expiras (la suno desaparas). Dum la nokto dil morto lu decensas en la inferno, quale la suno vintre o nokte; ma lu riaparas riviveskante itere e triumfas. Ita Kristiana evangelio di la morto dil Salvero esas nova e fervoroza adaptado dil rituo di Adonis, Tamuz, ed Osiris, e semblas simbolizir la rinasko dil Israelida imperio segun la revu dil profeti, (ex. di Yesaia), imperio quan Jesus de Nazareth, a qua ita mito dil Salvero adaptesis, ipsa indikis kom skopo di sua esforci e senco di sua misiono sub la imajo dil „Regno di Deo”.

Eminenta e nekomparebla grandeso aparas unesmafoye en lua Evangelio, kande ilu nomizas „patro” la nova deo quan il predikas, e kande il asertas, ke omna homi esas la filii dil Deo. Nam to esas la jermo dil vera interna salveso dil homari futura. Il rigretinde eroris kande il esperis ed anuncis la proxima arivo dil Regno, dum ke vivis ankore lua generaciono; e multa ek lua ideari, (ex. la ideo dil deo venjero, quan il prenis del profeti di Yahve, deo qua kun hororoza krueleso martirigas eterne sua febla kreuri en inferno de fairo, de ube nulu darfas esperar ekiro, anke la admiso di la sklaveso kom ordino volita dal supera deo) igas evidente kontredicanta lua doktrino. Ma ne importas multe. Nam religial sistemo esas nur simbolismo. Ol esas Signo di ula nova sociala movado, e quaze nura Standardo di ula nova salveso, en qua ne importas multo, de qua stofa e koloro la standardo esas. Nur la senco ipsa di la simbolo importas. De to eventis ya, ke dum preske 20 yarcenti nulu astonesis sive kande lua apostoli reprezentesas inkluzita en la Cenaklo di Jerusalem, vartanta ke la Spirito-Santa arivez, ed anke pro ke li timis la venjo dil Judi,

dum ke tamen la sama evangelio rakontas, ke ta apostoli ipsa peskas nur la splendida lagi, ube la Salvero, aparas avan li e marchas sur la aqui; sive kande il en Apokalipso mortigesas en diferanta urbo kam en la Evangelio, quankam la Apokalipso riskribesis ya plu tarde! Nam vere omno esas nur simboli.

La Evangelio segun Johannes modifikas mem ja kelke ta simboli, ed esforcas adaptar la idearo dil nova sistemo a la filozofio neo-platonista (Gnosis). Anke por la ritual liturgio on adoptis samtempa kustumi: nam kande la Kristiani organizis la unesma unioni di lia samreligiani, li balde bezonis sistemo di kulto. Segun mencioni en la evangelio ipsa pri la simbolismo dil pano e dil vino on vidas ke li selektis la sistemi rituala dil kulto di Mithra, kun sakrifiko simbola dil chefa nutrivi. Anke lia hierarkion tota li prenis de la religiono publika dil Romani, e plutarde lia templi ipsa, lia emblemi dil rituo sunal, ex. la kruco, antiqua Egyptiana signo sakra dil suno, sur qua li komencis piktar la imajo dil Salvero de Sion. (La krucifixo enduktesis erste en nia mez-epoko. Nam dum la antea yarcenti, por omna Kristiani la Salvero esis nur la deo triumfanta e riviveskanta, ne mort-anta.) Quale Mithra, ilu recevis omna atributi dil Sun-Deo. On havis anke lua Nasko-Dio en la sama vintral dio, o „Dies Natalis” di la Romani.

Kande la Kristiani obtenis la publika agnosko dal imperatori (sub Constantinus) la eklezii dil nova Deo balde adoptis extere mem la tota liturgio dil rituo di la religiani di Mithra, to es. di la religiono ipsa dil Imperiala sacerdotaro di Roma, kun olua episkopi, lua Summus Pontifex e lua diakoni. De la rituo di la „Granda Matro” on evolucis a la kulto dil „Matro di Deo”, sen tamen donar ad el formale irga deala atributi. Erste dum moderna e plu recenta epoki el rikomencis produktar mirakli. Anke la supera sacerdoti od episkopi di Roma rikomencis erste plu tarde atribuar a su

irga nova deal atributi, ex. la infalibleso, e la yuro guvernar la tota mondo, inkluzive omna reji, imperiestri e suvereni. Ma nultempe on admisis en la doktrino, ke la chefa sacerdoti esez dei: nam on mustis mem kombatar kontre la pretendi dil imperatori ankore deigata. Kande on ne plus agnoskis la deeso dil imperatori, esis evidente necesa ne-plus donar la deeso a la sacerdoti, nam la imperatori opozus su a tala dogmi. La chefa sacerdote dil Kristiani restis do simpla ma unika reprezentero dil suverena deo, qua lore definitive divenis unika deo. Kande Constantinus transportis la imperial rezideyo en Constantinoplo, ilu vehis en triumfo sur la charo dil Sun-Deo, e cirkumita dal grandi dil imperio, portanta en la manui acensita kandel: ilu agnoskesis do ankore rituale kom deo imperial, ed imperial aparo dil Sun-Deo. Ma balde anke la deo-monarki desaparís, e dum la tota mez-epoko Kristiana la reji anke dekadis a simpla reprezenteri dil deo. Itere tamen la chefsacerdoti Romana rikonstruktis la idearo anciena: la urbo „eterna” divenis la urbo di la revelado, e la maxim recenta manuali di Kristiana teologio docas kom ortodoxa doktrino, ke la chefa sacerdote dil Kristiani esas la supera reprezentero dil deo sur la tero, e ke ad il omna naciono ed omna suvereno esas submisata!

Vana esforcí! Se nun ankore kelka suvereni asertas posedar sua autoritato del yuro deal, li nomizas su nur „reji per la graco di deo”, nam omna moderna homo nun savas, ke existas nula autoritato exter la autoritato quan grantas la samstatani ipsa; e la eventi del tempi moderna pravas to suficante, nam omna stati agnoskas a su ipsa la yuro sive selektar sua suvereni, sive konfirmar, en agnosko dil historiala fakti, la monarki heredala, sive ediktar simple adopto di republikana formo di governo segunvole.

Agnosko dil samstatani igas do la monarki legitima, quale agnosko o „kredo” di ula sistemo dogmatikal igas religio vera.

Se nulu agnoskas ula suvereno, ita suvereno havas suvereneso nula; e se nulu agnoskas kom simbolo e standardo ula doktrino propozita, ita doktrino restos ya vakua vorto, ed irga sistemo di religio esos nevera. Omna religiono esas do vera en landi ube ol agnoskesas.

Ne mem agnosko dil existo di irga deo esas necesa bazo di ula religio. Ye la fino dil VIa yarcento ante la Kristo, Budha fondis sua religio en India, negante la existado di irga deo. Budhismo esas la maxim grava Aziana religiono, ed olua adheranti esas un quarimo del homaro. La religiani dil anciena deo di India, Brahma, ekpulsis la Budhisti de India, restaurante la plu anciena religio. Ma ipsa Budha inter sua samreligiani divenis deo, quankam ilu esis ateista! Nam to esas ya remarkinda traito di preske omna religiono til Kristo, ke olua fondero deigesis. Jesus de Nazareth renversonta la regnanta rejoy-dei di Roma, mustis yurizar su ipsa avan sua adheranti, e nomizis do su filio di deo, quale facis omna olima reformeri. Ilu esis filio dil deo dum sua vivo, nam pos morto anke ilu balde divenis deo ed un ek la 3 personi dil supera kristiana Triado. Ita terminologio esas evidenta nekomprenita restaĵo dil antiqua idearo deal, segun qua la supera Triado havis Deopatro-Matro-e-Filio. Ita miskompreno duktis a la neklara idearo segun qua la Mesio naskis de sua eterna Patro e de la Spirito-Santa, di qua la kolombo, antea emblema dil „Matro” dea e simbolo dil amoro, esas la Signo sakra!

Erste Mohamed, qua fondis Islam ye la komenco dil 7a yarcento dil ero Kristiana, ne deigesis. Il nomizesis nur „la Profeto”.

Analoga fenomeno che omna universal religio esas anke la multeso di la sekti inter qui, kontre lia komuna doktrino pri unika e sama pacema deo, militas akre l’uni kontre l’altri, nomizante la adversi reciproke demoni, o Satan la deo dil sekto adversa. Singla eklezio asertas, ke ol sola

posedas la veraĵo. Omna religioni havis la skopo reprezentar la maxim sublima ideali dil homi. Ma pro ke li disfalas en sekti, li esas la maxim subversiva povo en la homal societi: nam li ne nur dividas la homi en nazioni, quale la stati facas per ekonomial frontieri, ma li pluse desunionas la familio, la societi homal omnaspeca. Nulo esas ex. tam reciproke netolerema kam Romana Kristiano, Rusa ortodoxo, o fanatika Mohamedano.

Pri la religial militi di la mez-epoko, qui jetis Azia kontre Europa ed Europa kontre Azia, suficas mencionar lia olima funesta efekti, ne obliviende la dizastroza recenta kombati di la Balkan-Landi. La Europeana misioneri masakresas en Azia. E kande doktrini de Azia parvenis ad Europa, lia adheranti masakresis en Europa sub nomo di hereziani!

La maxim funesta efekto dil religial doktrini konsistas en to, ke li akaparas omna etikal idearo, ed identigas ol kun la sistemo religial ipsa, ne distingante la vino de la vazo frajila e perisema en qua ol varsesis. Se do ulu ekiras del sistemo religial en qua ilu edukesis, ilu regretinde nerare ignoras tote ke religial sistemo esas nur simbolismo e nur relativa ekspresuro dil homana etika idearo. Ilu ekiras do en mis-ago nekoncia anke de omna etika idearo, ed esas quaze morale perdita homo; nam religio destruktis en ilu la elementi dil natural etiko e la natural fundamenti di la moraleso, rikonstruktinte oli false sur nura fantaziala e simbola koncepti e sistemi. Supera humana kulturo bezonas do restaurar la natural elementi dil moraleso sur naturala bazo, e sekurigiar talmaniere la progresado di la civilizeso kontre omna regresinta impulsi dil religial sistemi.

On ne darfas tamen asertar, ke la religiala doktrini absolute esas deplorenda erori dil pasinta yarcenti. Nam to esus nova eroro. La religiala sistemi esis la olima formo dil progresado homala, ed esis suatempe la supera formi relative vera dil progreso kultural, do admirinda impulsi dil anciena

epoki e dil anciena heroi. Anke en la sistemi religiala eventis progresado. Dum ke la sistemi antiqua esis tote absolutista e despota, (ex. Yahve!), le sequanta, e preske omna moderna religio specale, esis origine movado de revolto kontre la sklaveso e la despotismo. La doktrini esas do maximparte demokratal, se la chefi ne koruptas li. De la sentenci dil Evangelio on lernis la egaleso di omna homi mem plu kam del republikana sistemi di Sparta ed Athenae. Ed anke la moderna impulso e transformo dil statala formi ad sistemi konstitucionala esas realigado dil evangelial idearo evolucinta preske senkoncie. Del evangelia ideo dil deal filieso di omna homi deduktesis la ideo, ke la homi devas guvernesar ne sub la rejimo di la forco e di la despota violento, ma sub la rejimo di la yuro, bazo agnoskita da omna moderna stati civilizita. La yuro naskas de la nedependanta voli dil samstatani. On ne konfundeز olu kun la efemera e nacionala formi dil yuro tra la yarcenti, ediktita ya da e por altra homi e situesi: anke la yuro inkluzesis en sistemi, quale religio, ed omna idearo homal. Ma la homo havas la yuro naturala modifikar sempre la formi di sua ideari e di sua legi, segun la nova fenomeni di la vivo social; e ni ne povas obligesar per yuro da homi mortinta, sen nia voluto e konsento.

On ne darfas asertar, ke Europa recevis olim favoroza efekti del nova religiono dil Kristiani. Nam idearo veninta de West-Azia semblas kontredicir sencese la Europeana temperamento. Europa miskomprenis la sublima simbolismo, sub qua la West-Aziani kustumas envelopar lia misterioza ideali. De ta funesta miskompreno rezultis konflikto, e nulo esas plu dizastroza e plu deplorinda kam la stando di religiala dualismo en qua mustis vivar Europa dum preske 2 mil-yari, e de quo lu sufras ankore nun.

La dei di Grekia e di Roma mortis, e lia lasta adoreri la senkultura habitanti dil „p a g i” o rurana vilaji, nomizesis desprizeme „p a g a n i”. Departinte del ideo, ke la sola ad-

hero a Kristo ed a lua eklezio donas la salveso e la kulturo, la Kristiani opinionis, ke mem violenta e nevolita adhero salvas la homi, e ke esas do verko di Kristiana amo salvar la homi mem kontre lia volo ipsa. On vidis en Afrika sektani stranja vartar la pasanti e la voyajeri sur la stradi ed ocidar li por sendar li plu rapide en paradizo. Kontre ta feroa religiani la imperatori mustis mem sendar legioni de soldati, ed extirpar la sekto en sango. Nam kande on vidis, ke la „Regno” anuncita dal Salvero di Nazareth ne arivis, on supozis balde, ke ta regno realigesos erste en la „cielo”: ed on konsideris do kom bonfacado sendar la homi quik en la cielo. On renunciis la plezuri di la vivo, nam on opinionis ke esus plu bona expektar la plezuri dil nova regno futura. On negliis do sistematre omna kulturo. Multi exilis su en la dezerti. Legioni de monaki e di femni, elqui mistike nomizis su „spozini di la Kristo” renunciis omna utila laboro, inkluzis su en monakeyi, e docis ke kontemplado esus la supera formo di vivo! Se li irge laboris, laboro esis segun li, ne fier a gemeso dil homo progresema, ma nur puniso e penitenco. Sub la influo di ta doktrini koincidanta kun la migradi dil nova populi del Nordo en la landi dil imperio Roman, Europa disfalis en longa yarcenti de dekada.

On konsideris omna ne-Kristiani kom nefideli e rebeli, quin on devis submisar: on destruktis masakrante en severa militadi populi tota qui havis irge diferanta opinionis (v. la historio dil Albigezi). Un inter la maxim fervoroza konverteri per glavo esis la famoza Karlo-Magna, quan la papo rekompensis nominante lu nova imperatoro dil Ocidento. Europa divenis nesto de nazioni sempre en reciproka milit-stando e de sacerdotari akre disputanta pri vana questioni koncerne vorti sen senco. Religio Kristiana tote faliis unionar Europa. Nur en Byzanco forsan parduris kelke la tradicioni dil antiqua kulturo.

Intertempe aparis del dezerti dil Arabia nova religial e

politikala povo, qua subversis la mondo. Mohamed (en 610) organizis mikra hordo de „Moslim”, e fondis la „Islam”. Segun lua doktrino omna kredanti a la unika Deo ed a Mohamed lua profeto, esas membri dil Islam. Omna membri dil Islam esas solidara e diciplinoza. Ma che la Araba tribui existabis solidareso nur inter la membri di singla tribuo. Do exter tribuani omni esis enemiki, e raptar che li esis regnanta yuro. Ita esis lia normala yuro agnoskita da omni inter li.

Mohamed, pos sucesir rapti che la vicina tribui, vidis augmentar la nombro di sua partiani. Nam tota tribui preferis divenar Moslim e solidara. Nu lore che nula vicino on darfis ankore raptar. On mustis do unionar reciproke ed on iris serchar nova plu fora enemiki.

Tale eventis ke de konquesteti a konquestegi la mikra hordo dil Moslim kreskis ad grandega imperio. Dum ke ilu havis ye komenco (620) nur kelka mili de homi, Mohamed havis ja en 630 dek mil soldati kande il konquestis Mekka. Kun la Kristiani e la Judi di Arabia il facis kontrato segun qua li esos la protektati dal Islam, po pago dil imposto. Kande Mohamed en 632 mortis, Arabia esis submisita a lua volo ed armi. Ol revoltis pos lu, ma lua sucedanti submisitis ol itere, e lore komencis la konquesto di la mondo.

La unesma armeo invadis la landi dil Euphrat, vinkis en 638 la armeo di Persia, e penetris en 634 en lua chefurbo. Damaskus falis en 635, e pos vinkir la trupi di Byzanco mem, Jerusalem ipsa falinte (639), la Moslimi atingis la rivi dil Mediteranea. En 637 definitiva konquesto dil Mezopotamia, persequado dil Persiana armeo til Media (642) ed extensado dil imperio di la lore regnanta Osmar til an la rivero Oxus. La imperio dil Sasanidi finis existir.

De Syria armei irabis aden Egyptia, ube Alexandria falis en 642. Barka e Tripolis en 644. De Syria altra armei prenis Armenia; Cypro falis en 653; e la audacoza probo atakar ipsa Byzanco eventis unesmafoye! 30 yari pos la morto di

Mohamed, ilua Moslemi posedis imperio plu granda kam duimo de Europa. La Moslimi nule obligis la stranjera religiani adherar al Islam; ne mem la Persi obligesis; nam on deziris nur submisar landi, de qui on povez ricevor imposti, ma nule igar la stranieri egala al Arabi per adhero ad Islam!

Osmar enduktis balde reguloza administrado dil raptita richaji segun la Byzantina financial sistemo di governo, e la Moslima imperio religial kelkope transiris a civila rejio. De nova standi e situesi naskis nova bezoni; de richeso naskis civilizeso e kulturala progresi. La Arabi prenis de la vinkiti la sistemi di guvernado, la arti, la cienci, e mem la templi. Ma li donis al nova imperio nova linguo, la Araba, qua sucedis a la latina en la universala uzo quale la latina sucedabis a la greka.

Inter richeso e luxu developesis en Mekka ipsa ed en Medina admirinda amoral poezio en qua admiro a la beleso dil femno kantesis ja de lore plu eloquente kam en la kanti dil plutarda Sud-Franca trubaduri, quankam la poezio dil trubaduri fekundeskis de la trafiko di la sudlandani di Europa kun la Arabi. Regretinde ja ye la fino di la Omayada dinastio, qua luxoze rezidis en Damaskus, enduktesis la kustumacho dil haremi; Byzantini facis la komerco dil eunuki.

Dum ke la tota Oriento uneskis tale sub la religial doktrino di Mohamed, ulo sama eventis anke en Europa, ube Italia, Francia, e Germania unionesis dal papi sub unesal religiala sistemo. La invado ipsa dil Moslemi qui de Espania penetris til Francia ed erste ibe haltigesis da Karlo-Martel (732) esis la kauzo vera di ta Europeana unesko sub la papi, e dil prepondero di la franka rejio, qua duktis mem la papo a kronizar la franka rejo Karlo-Magna kom imperatoro dil Occidento. Karlo iris kombatar la Arabi en Espania, submisitis en Germania la vicina populi ankore „pagana” (Saxoni), e fondis grandega imperio, qua pos ilu quik disfalis, e divenis origino di moderna nazioni.

Dum ta epoki eventis en Est-Azia ne min grava subversi. Ma situita for de la westal regioni dil kultur-landi, ol nek influis la Ocidento nek influesis de lu. Izolita mem materiale per la Granda Muro, quan komencis la fondero dil dinastio Tsin (213 a. K.), China restis mondo aparta: ol separis su ne senkoncie del resto dil mondo, nam ol opinionis parvenir a tante supera stando di civilizeso, ke lu evitis expozar ol a perdo per relati kun la westala landi. La imperio di China esforcis ultre extensar su: Tonkin, Anam, Cochinchina anexesis (111 ant. K.): On vidis Chiniana armeo parvenar (95 pos K.) til Maro Kaspia. Romana komercisti iris serchar la silko de Tonkin. Sub imperatoro M. Aurelius Antonius, Ambasadado Romana sendesis ad China. Plu tarde l'imperio disfalis: En 221 ol aparas en tri parti, qui militas inter su. En 674 Korea anexesis, e sub l'imperiestro Taitsung (627—650) anke Tibet. Ye ta epoko misioneri dil Kristiani Nestoriana arivas en China e predikas ibe la Evangelio.

Anke Japonia esis origine feudala stato. Ye la 7a yarcento pos K. ol recevis Kulturo de China, e, per to, centraligado di la stato segun Chiniana sistemo. Lua religio esas la Shintoismo (Kulto dil preavi).

Intertempe famoza Kalifi regnis en Bagdad, qua divenabis la splendida chefurbo dil Arabian imperio, en qua prosperadis marveloze arto, industrio, e civilizeso. La chefpunto dil universal kulturo esis itere transportita en West-Azia, en la centro dil antiqua Mezopotamia! Dum kelka yarcenti sequanta la filozofi di Arabia divenis la maestri dil Kristiana doceri ipsa: Thomas de Aquino prizis la doktrini di Avicena, di qua il uzis la filozofial opinionis por adaptar al evoluco dil kulturo la sistemo skolastika dil Kristiana dogmi, ed inverse.

Ma omna to ne impedis la esencala opozo dil du mondi. Militado nultempe interruptesis inter li. De Ocidento la milito retrofluos ad Avan-Azia. La imperio dil Franki, sen irga

egardo a la bezoni vera di la statani, dispartigesis quale vulgara patrimonio inter la sucedanti di Karlo-Magna, e disfalis en sekundara nazioni itere militanta reciproke. Balde nova fluxi de germana rasi dil nordo invadis Nord-Francia, de ube li konquestos Anglia definitive (1066).

Inter 1096 e 1270 intermitante ekiras de West-Europa amasi de micivilizita hordi ed armei, qui su precipitis sur Oriento e probis per la ok militi nomizita „kruco-militi” retro-pulsar la Araba invaderi de Palestina, ube la Kristiani „kredis” havar la sepulteyo di sua „Salvero”. Ita militi esis la chefa eventi dil Europeana landi de la XIa a la XIIa yarcenti.

Preske samtempe elevas su en Azia la imperio dil Mongoli. Isti invadis tota Azia e mem Europa (sub Djinjis-Khan), e fondis plu tarde (Tamerlan) nova stati, en Central Azia ed en India, ma repulsesis de China da la Mandchui e de Europa dal Nord-Europeani. De la XVIa yarcento Mongolia desaparas de la historio universal, e restas sekundara lando. De Mandchuria ekiris la invaderi qui konquestis China en 1644, ube li fondis la recenta Mandchua dinastio di China.

Ye la unesma kruco-militi la Europeani fondis en rikonquestita Jerusalem franka rejio, qua duris preske un yarcento. Dum la duesma milito on iris mem, ma sensucese, siejar Damaskus. Dum la 4a kampanio la West-Europeana militeri stranje misuzis lia forci kontre la Kristiani di Byzanco, quan li ruinis, e qua per ta interna militi komencis febleskar. La Franci regnis sur Byzanco dum 57 yari (1204—1261). Franca rejo Louis IX militinte aden Egyptia vinkesis e mem falis en la manui dil Mohamedani. De ta militi rezultis developado dil trafiko inter Azia ed Europa, ma anke feblesko dil Europeana avanposti an Byzanco: e kande la Turki, ankore mi-barbara hordi veninta de Azia, pos konquestir la Bagdad-Imperio dil Arabi e fondir nova Mohamedana imperio sur la ruinaji dil regno dil Abasidi, invadis la Europeana litori, By-

zanco febligita mustis falar (1453), e la imperio Romana di Oriento finis.

Tale eventis, ke la mondo en yena funesta ero itere rifalis en mi-civilizeso en Oriento sub la Turki, en Ocidento sub la nova nekulturita rasi del Nordo. Dum kelka yarcenti regnis sur la mondo nur deplorebla regreso. En West-Azia la Turka temperamento impedis la developo sive industrial sive rurala dil landi, en Europa la rigida dogmatismo dil sacerdotaro impedis irga developado dil cienco: la Biblo e la Korano pezis kune sur la mondo!

La reakto ne povis tamen mankar. Nam la homal mento pulsesas ad sencesa progresado. Del famoza Egyptiana skoli on salvabis la manuskripti dil anciena Greki dil tempi klasika, e de konquestita Byzanco fugis ad Europa altra ciencisti, qui forportis kun su la trezori dil Romana ed antiqua autori. Balde ta autori tradukesis aden la linguo latina dil eklezio e dil universitati e mem aden nacionala lingui dil Europeani: e malgre la violentoza opozo dil eklezial povi, nova savo vekigis che la Europeani nova impulsi di intelektuala vivo. On darfas regretar, ke la desfelica diverseso dil nova e multa nacionala lingui igis plu lenta la progreso, sakrifikante sen irga utileso grandega sumo de energio en superflua tradukadi. Malgre to la Renesanco, quaze rinasko dil antiqua penso, balde extensis su en omna landi dil kontinento. Nova literaturi aparas, nova filozofio komencas florifar, inter la religial penseri ipsa multi liberigis su parte de la dogmatista tutelato dil eklezio: inter li Luther sucesis desligar de la Romana hierarkioza sacerdotaro landi tota di Nord-Europa. Anglia separis su ad min rigida religio. La progreso ne esis ya definitiva, ma ol riadportis la antiqua nedependo di la pensado, e to esis splendida konquesto. Astronomio deskovris la vera organizuro dil universo. L'ancien Asyriani, e segun li la tota revelado Israelida e Kristiana, malgre la famoza antiqua kulturi, kredis la cielo solida ed admisis super

ol oceano; per la teleskopi la infinita stelal intervali deskovresis, e la marveli dil universo apertesis a la moderna riguardo. Naturale la hierarkial sacerdoto-chefi di Roma kondamnas la deskovri di Galilei; famoza Jezuiti iris dum ta epoko ankore docar astronomio en China, ma segun la sistemo di Ptolemeo, e ne segun la sistemo di Kopernikus e di Kepler. Anke to ya impedis China progresar en moderna sinso!

Malgre la rezisto dil eklezio la nova deskovri difuzesas intense. On neplus admisas, ke sub nia sulo existas nur ula inferno, ma ingenioza sercheri emisis la hipotezo, ke la tero esas ronda, e ke nekonocata landi habitesas ye l'antipodi da nekonocata homaro. Vera esas ya ke dum ta epoko omna loyala ed audacoza pensero riskis sempre brulesar kom hereziano, se nur il expresis publike sua penso. Ma kurajoza prekursori dil nova kulturo luktis por la verajo kontre la obstakli dil eklezio. E li triumfis balde, nam la nova deskovri igis nerezistebla la difuzo dil ne-eklezial opiniononi. 40 yari pos la falo di Constantinoplo, en 1492 Colombo deskovris Amerika: ita du eventi apertas la ero dil tempi moderna. Dum ke la mento sana di Luther komencas desfidar pri la vereso dil eklezial doktrini, deskovro di nova fonti de richeso igas la homi atencar la interesi materiala di la vivo, e neplus tante revar neversimila transvivado. Lore apertesas la ero dil Nov-Europa.

Se ula vorto esus suficanta por indikar la Signo dil tempi moderna, on darfus dicar ke la nova ero esas nun nasko di nova mondo.

Quik kande ula sana mento esas kapabla dubar pri la kredo blinda, quan lu recevis herede, anke la veraĵo balde aparas sempre plu klara. Quik pos ke Luther entraprezis submisar a la personal exameno omna ekleziala kredo, altra penseri plu audacoza e min sklava del mentala medio elevis su a somiti mem plu alta. Advere nulu deskovris la dokumenti pruvanta evidente, quale nun, ke omna religial sistemi dil yarcenti esas nur simbolismo e vera nur relative o simbole. Ma li suspektis ja ke to esis la sekreto dil enigmi historial. E kande la statani neplus mustis admisar nediskuteble, ke omna reĵi posedas deala misiono guvernar, balde li arivis al penso, questionar su, de ube esas la origino di omna autoritato. Religiala sercheri abutis al Reformo od a naturalismo mem; e la statani exploranta la doktrini politikala abutis al deskovro, ke nur agnosko dal statani esas la unika bazo dil autoritato: nam ne suficas ulu qua imperas, necesa esas anke qui konsentas imperesar. Omna abdiko ed elekto signifikas, ke omna autoritato esas simple sociala hipotezo praktikal e simbolo konvencionita, de qua dependas la sekureso dil statal ordino.

Ma forsan la homi havas sempre ed en omna epoki nur la suvereni e la institucuri quin li meritas. Se ula homo opresas, il ne plendez opresesar.

Sur la kontinenti Amerikana vivis diversa rasi de homi, quin la unesma exploreri, opinioninta arivir en India, nomizis

Indiani. Apene la deskovro eventabis, ja la konquesto komen-
cis! Ed on vidis la Europeani, Kristiani ja de plu kam mil-yari,
senshame chasar la indijeni dil nova kontinento e destruktar
ita simpla ma inteligenta rasi, qui nun pos mi-yarmilo de
vana rezistado, kelkope desapararas. Ita fakto sola suficas por
pruvar ke la Kristianismo „salvero” fakte salvis nulo: nam
lua adheranti esis pos un mil-yaro ne min sovaja kam la
sovaji ipsa: on ne destruktis por civilizar, on masakris por
raptar oro stranjera.

Erste dum la 18a e 19a yarcenti, la enmigrinti ipsa, re-
voltante kontre opreso da lia matro-lando Europeana, igis su
nedependanta, ed ediktis samtempe la emancipo dil indijeni.
Intertempe la Espanioli e la Portugezi juis la richaji enportita
de Amerika, en persuado ke oro facas la richeso dil nazioni.
Ma richeso dil nazioni esas nur l'energio dil habitanti. Ista
du potentia imperii, qui segun l'edikto di ula papi, dividis
inter su la mondo, perdis ol balde en rapida disfalado,
sen mem furnisar irga duriva frukto di kulturo por la
sequanta yarcenti. Nova povi kreskis, exter la tutelato dil
skolastika doktrini, sub cieli plu libera. Persekutati en Es-
pania ed en Italia la richa Judi qui exercadis lia trafiko en
Venezia, Genova ed en la portui prosperoza di Espania,
mustis enmigrar ad-norde, e li igis ekmigrar kun li la sistemi
moderna dil trafiko komercal, quin li ipsa developadis. Chefa
punkti dil plu recenta kulturi esas nun Francia, Anglia, la
landi di la Maro dil Nordo, e Nord-Amerika.

En Francia la impulsi entravita dil moderna progresi ex-
plozis en terorifanta revoluciono. Ibe la dinastio dil Bourbona
reji, specale sub Louis XIVa, sucesabis strangular la unesma
movadi dil moderna religiala e statala ideari. Ma dum ke la
norda landi, en qui plu liberala chefari ne entravis la de-
velopado dil nova forci, evitis tro violenta subversi, en
Francia la nerezistebila impulso ad nova formi sociala pro-
duktis konvulsatra horori, apene deskriptebila, e la revolucio-

neri igis a su la voyo libera per iterita fluxi de sango. Quaze rigidigata organizuri statala pezis senyure sur Europa: nam la populi postuladis nova sistemi, ma nula suvereno konsentis grantar spontane la necesa reformi. Lore on vidis la revoltinta impulsi dil amasi elevar sur la imperio di Francia, simile a tempestoza genio dil subversado, la maxim stranja militero dil moderna tempi: Napoleon. Ilu esis salvero e despoto samtempe, uzis amasi de homi quale elementi por giganta milita entraprezi ed experimenti, erektis o destruktis la troni e la altari; ilu igis chasar la chefa-sacerdoti de Roma; e la suvereni di Europa, quaze hordo de chefi senkapa, inklinis su avan lua grandeso sovaja e genioza. Tota Europa subversesis sub lua armi. E kande la horo di lua destino arivis, ilu sinkis en nihilo. Europa astonita ritrovis su quale ol esis ante la tempesto, e devis pose reparar la dizastri. Ma la tempesto ne pasabis vane.

Esas la epoko dil konstitucion. La suvereni, sentinta ke lia suvereneso esas necerta e neseкура, se la statani ne submisas su loyale, rinovigis la implicita pakto inter la chefi e la statani, la guvernanti e la guvernati. Ita pakto adoptis la formo dil moderna konstitucion, diversa segun la diverseso dil landi e dil temperamenti. Ita transformo esis nur la nova edituro, en la domeno statal, di la Reformo ja realigita da la protestanta landi en la domeno religiala. Nova evoluco, e versimile nova transformo, anuncas su itere dum la lasta yardeki dil 19a yarcento: esas la transformo en la domeno ekonomiala. Quale homal savo olim monopoligita dal eklezio e dal sacerdotari mustis divenar mutuala havajo dil samreligiani, e quale la statala autoritato olim monopoligita dal suvereni, mustis per la konstitucion dil moderna stati divenar mutuala bonajo dil samstatani, tale anke acensas lente nova movado dil amasi, exprese indikante su ipsa kom revolucionema, e qua tendencas igar solidarema e mutual la ekonomiala posedaji dil societo: la socialismo.

Ni ja vidis ke socialismo esis la organizita stando dil antiqua imperio di China. Ibe ol riestablisesas en la XIa yarcento di nia ero, ma itere desaparís, forsan pro ke omna chefi nominesis, ne elektesis.

Esas desfacila parolar pri movadi quin on ipsa mustas travivar. Ma angoroza questioni asaltas nia menti de omna parti. La sulo tremas sub la pedi di omni. Desfidoza la samreligiani, la samstatani, la samcivitani regardas reciproke kom enemiki sekreta di qui la interesti semblas omnaparte konfliktar sen remedio.

Ma la historiano ne hezitas. Lu regardas de-super la fluktanta movadi dil homala destini, la elevo e la sinko dil imperii e dil rasi tra la yarcenti. Lu savas, ke omna nova subverso esas sempre la nasko di ula nova mondo, e del docadi dil pasinta experienci, lu indikas quale profeto la versimila voyo dil nova acensanta forci e dil nova kulturi. Splendida esas la voyi! E splendida esas la auroro di nova mondi! On darfas do nek desesperar nek desfidar.

Se on darfas skisar la nuna stando e la nuna devi, aparas ke la nova mondo diferas de le anciena per to ke olu divenas vere e fakte kulturo universalá. La teknikala progresi esis tante granda dum la recenta yardeki, ke la bezoni nova dil trafiko e dil internaciona relati igas necesa sempre plu ampla internaciona federuri dil komuna homal interesi. Impediva aparas la olima nacionala frontiéri, origino di omna militala konflikti. Impediva aparas la diverseso dil religial ideari interkontredicanta. Impediva aparas la individuala monopoligado dil nacionala ed internacionala richaji, nam omna kunlaboranto en la moderna kompleksa organizuro dil ekonomial aferi perfekte koncias, ke singla entraprezo esas nun solidara kun omna entraprezi. Se banki en London akumulas multa pekunio en gani grandega, ico ne povus eventar se en Germania, en Azia, en Amerika ed altrube, modesta employati ne igus funcionar exakte en penoza

atenco la delikata instrumenti dil moderna telegrafi e posti. E se mem la minim habila mashinifisto posedas profesiono e vendas sua produkturi en fora landi, lu savas ke omna trafiko esus neposibla, se inteligenta e richa samstatani ne organizus la vasta entraprezi dil internaciona trafiko.

Ma on vidas anke evidente, ke dum ke la penoza laboro esas la sama e solidara omnube, la rekolto dil gani ne aparas ja mutuala, ma inverse, legale monopoligita dal entraprezeri sola. De ta evidenta neyusteso naskis la movado dil socialismo. Ma ica movado esas nur etapo. Mem lua ideali esas nur etapo, ed evidente mem nejusta en multa nuna transirema od efemera manifestadi: ol koaktesas organizar su partisale, dum ke la skopo ipsa esas nerealigebla se existas ankore partisi. Nam socialismo signifikas organizo sub ne-individuala formo dil ekonomiala entraprezi. Ma anke to esas neposibla. Nam omnu sentas, ke internaciona ed ekskluziva organizado statal di omna entraprezi esus nur internaciona rejimo di sklaveso ekonomial. Ne min evidente necesa esas la devo siciar individuala spontanesi. Nam ni omni vivas fakte nur por ni ipsa e ne por stranjeri, anke se ta stranjeri esus la futura generacioni. La futuro, se ol ne atingas me irge, interesas me nule. Etiko ekskluzive sociala esus danjeroza iluziono e morto morala di omna individuala spontaneso e joyo di vivo: mem en China la devo a la patri ed a la familio superesas la devo a la stato ed a la patrio.

La solvo dil angoroza questioni ne do esas en la socialismo sola od en irga sistemo specala di organizado internaciona, ma ol esas en internaciona solidarigado di omna interesi, sen destrukto di irga individuala spontaneso: solidareso universala sub organizado internaciona. Ma no nevariebla organizado. La mondo esas vivo. Omna organizado mustas vivadar en perpetua adaptado a la nova kondicioni, qui variadas omna-hore ed omna-epoke. Se irgaloke la solidariso desaparas, se mutualista organizado destruktetas, se

irga spontaneso nuligesas o irga homo sentas, ke ulo esas neyusta, la questiono emersas itere, angoroza, ed itere mustas solvesar.

Multa esas la devi. Multa esas la problemi. Multa esas la neyusta opozi a la transformo dil vivo. Se nun on questionas do, quala rolon havas la sacerdotari en la mondo nova, ne esas defacila responder: se la sacerdotari komprenas, ke lia devo esas, ne opozar, ma helpar la nasko dil nova societal organizuri, se vice revar pri enigmoza simboli, li spontane sakrifikos su a la nova devi ed helpos „salvar” la mondo naskanta nun, la sacerdotari vivos. Nova eminenta misioni apertesas a la agemeso dil ekleziala organizuri. Se la sacerdotari en irga lando ne komprenas to, o ne voluntas agnoskar justatempe, ke li eroris kun la tota mondo en la sublima ma falsa iluzioni dil pasinta yarcenti, lore la sacerdotari mortos, quale mortis la multa antea eklezial sacerdotari dil yarmili pasinta. Tale desaparís la suverena monarki, kande li ne vidis arivadar la signi di la tempi, en qui la populi mustas rinovigar la pakto eterna inter la guvernanti e la guvernati: nam la institucuri transiras, dum ke homi ya restas, nova.

On perdas ya nulo perdante la „kredo” a simboli. Nam „kredo” esas nura stando di mentaleso ed ol esas nevera, se extere nulo existas. A nova ideali on selektos itere nova e plu vera simboli.

On vidas en la historio, ke omna imperio universaligema serchis sempre enduktar linguo imperiala. Ista fakto esas quaze la kronizo nekareebila di omna universalista imperio dil pasinto. Nia epoko nun efikas inverse: neplus imperio mondala darfas enduktar irga linguo universal. Ma inverse endukto di linguo internacional esas la voyo e la moyeno enduktar universalala ed internaciona kulturo: eminenta verko por la sacerdotari! On vidas ke dum la tota West-Aziana epoki

sempre la sacerdotari mantenis su kom pioniri di la cienco e dil kulturo. Ube li miskomprenis lia misiono konstanta, li desaparís, Vané esus nun esforçar salvar vakua reví e simbolismi mortinta. A nova mondo nova standardi e nova ideari: on havos do nova sacerdotari, od on bezonos nula. Ma splendida esas la misiono di ti, qui inteligente komprenos la „signi dil tempi” ed helpos la mondo evolucionar a la stando di organizita solidareso: nam nulo haltigos la perpetua acensado dil homal menti ad etapi sempre plu perfekta.

Solidareso dil internaciona organizuri e di omna stati aparas kom neevitebla skopo dil universala civilizeso. Aer-vehado nuligas la materiala frontieri. La komercial intereso ipsa dil Europeani koaktas li vendar omna deskovri dil kulturo ad la stranjera landi. Ye la mezo dil XIXa yarcento Est-Azia fine apertesis al Europeana kulturo. Azia tota nun vekas de lua longa stagnado. Forsan itere la fokal punti dil mondo-trafiko chanjos, e migrados ad altra landi. Ja imperii grandioza organizis su en Amerika, en Azia, en Afrika. Militi ankore eventos, nam multa konflikti e motivi di konflikti esas latentá omnube. Konflikti mustas esar, ube vivo aparas. Nultempe harmonioza tranquilesó esas supozebla. Perpetua paco esas nur revo. Ma milito ne esas necesa. Nam la kulturo savas moyeni solvar la konflikti sen milito. Isto ipsa ya esas kulturo! La naturala forci dil populi necese konfliktas, nam la forci opozesas.

Omna yarcento adportos itere sua nova kauzi neevitebla di konflikti. Barbaresó existas, ube la konflikti solvesas nur per la lego di la forco. Civilizeso aparas, ube la konflikti solvesas per pakto. On mustas serchar la exakta punto, en qua la solvo per ula pakto esas por la konfliktanti plu profitoza kam la solvo per la forco: ita sercho esas kulturo. Invento dil moyeni solvar la konflikto ye la punto exakta dil maxim granda intereso, ito esas civilizala verko. Stando yurizita, en qua la transiro-punto dil interesi de lia konflikt-

oza stadio a la stadio dil pakto sempre deskovresos, ed en qua sempre la konflikti solvesos segun pakto, ito esos stando di civilizeso. Barbareso do existas tam longe kam on abandonas la marchio e la solvo dil konflikti a lia naturala spontaneso. Se on solvas li artificiale ad plu granda avantajo dil konfliktanti, ito esas la granda sekreto di la kulturo. En omna yarcento ita tasko variadas. Stagnanta stando esus morto.

Serchar e deskovrar la frontiero e la punto en qua la individuala skopi atingas plu granda developo ed extensado per to ke li transformesas ad skopi societal, ita esas la enigmo dil vera kulturo, per qua omni saciesos.

Ma la tasko esas splendida e sublima. Ita esas la esencala difero inter la kulturi dil pasinto e la kulturi dil futuro, ke la pasinta kulturi repozis tote sur iluziona hipotezo pri ula supera deo-providenco en la mondo e pri antropomorfa hipotezala suvereno dea guvernanta quale monarki regnas. Inverse la homo dil futura yarcenti savas, ke lu ipsa esas la deo vera dil mondo. Lu sola esas la providenco di sua destino. Lu neplus revos pri vana esperado ad eterna vivo e necerta hipotezi. La chefpunto di lua vivo neplus esos en la transvivo ed en irga venonta stando. Ma lu vivos en la prezento, savante ke se irga nova vivo existos, quale la nuna dio suficas a su ipsa e vivesas en su ipsa, tale la vivo nuna ne bezonas sorgar e revar pri vivo nova: omna printempo sorgas ya nur por un sola somero, un yaro nule por venonta yari, e nia suno ne por altra suni. La chefpunto di la vivo esas do nun hike sur la tero quan ni habitas. Hike ni devas erektar nia tendaro di un dio, ma maxim agreable e splendide. Hike la homo duras sua acenso de perfekteso ad nova perfekteso. Hike lu vivos ankore plu bela marveli, kam ti quin lu vivis en la pasinto. Ma quale la prehomi ne sorgis pri la yarcenti di nia moderna kulturo, ni ne bezonas sorgar pri la tasko dil yarcenti futura: li

naskos naturale de le precedinta. Omna epoko sorgez pri sua tasko. Ni do parsorgez fiere pri la nia. Avan la historiano, qua darfas previdar la revelado dil yarcenti e la nova horizonti dil homal progresi ed acensi, la viziono esas sat bela: ol suficas advere por saciar omna dursto di sublima vizioni!

ASPEKTI DIL NOVA SOCIALISTIKO — AFORISMI.

Moderna socialistiko apene naskas. Sub nomo di socialistiko ni enuncas nek socialismo, olqua esas nur specala sistemo di organizado societal, nek sociologio, olqua esas la historial e teoria studio dil fenomeni sociala. Socialistiko esas la cienco ed arto praktikalai dil universal organizado dil homal societo.

Socialistiko esas do specala aspekto dil sociologio. Ol vizas la sistemala developo dil futuro, vice sistemale studiar la pasinto. Ol extensas su ad omna specala domeni dil organizado entraprezenda: organizado dil sociala cienci, dil biologio, dil perfektigado dil homal rasi, dil arto, linguo, religio, dil nacionala ed internacionala ekonomio ed statistiko, di la politiko od arto dil governo, dil organizo en familii, tribui, nazioni, klasi o profesioni, societi omnaspeca e stati, dil internaciona mutualeso, di la yuro e dil etiko o moraleso.

On darfas asertar, ke internacionala relati ed organizado en mutualeso supozas internacionala linguo, quale nacionala organizuri supozis o necesigis nacionala lingui. Quale nacionala lingui impozesis sempre dal nacionalesi plu forta, tale la internacionala linguo impozesas dal internacioneso

plu forta dil singla vort-radiki ek diversa nacionala lingui, segun ke isti per trafika influo internacionaligis fakte sua vorti nacional. Ma nacionala lingui sempre utilesis egale a la chefi dil nacionala stati ed a la dialektani a qui la linguo impozesis. Analoge la internaciona linguo utilesos ad omni: nule ol bezonas similesar vel ne similesar ad singla nacionala linguo sive Europeana sive Aziana. Nam dum ke la nazioni, di qui la lingui furnisas la radiki per aquirita internacioneso, havas per to ipsa evidenta preavanco en lernar ol, le altra nazioni recevas inverse preavantaji en uzar ol: yeni lernas ol ya kun min-desfacilesio, ma isti uzante ol recevas plu-facilesio en atingo dil skopi ekonomial. Isti esas en stando komprenar per ol, e sen lernir exter-nacionala lingui, preske omna Latinida lingui, dum ke inverse a la homi del romana landi e lingui mine parfaciligesos la trafiko ekonomial pro la plu granda nekomprendo di ta lingui de qui on ne deprenis radiki. Nulu do havas rezono plendar, nam omni recevas de ol sekura avantaji.

Religio esas spontana e naturala instinto per qua la homi sentas ke li „religesas” ad la universo ed a la naturo universal, e submisesas a nesuperebla evolucioni. Omna religioni esas specala sistemi di organizar ista naturala instinto per simbola idearo e ritui. Ma omna vera cienco esas do anke religioza savo, ed omna arto esas irge religio. Multi, deskovrante ke ista o yena religiono quan li lernis de la eklezio di sua lando, ne esas vera reale ma nur simbolike, opinionas nerare ke ta deskovro desesperizas omna skopo ideala dil vivo homal. Quante falsa opiniono! Isto esas lo sama, kam se on asertus ke la deskovro dil universo e dil stelara mondi olim destruktis irga cielo, nihiligante la koncepto quan la homi havis pri la cielo e la steli! Omnu darfas do vel restar en sua religiono vel ekirar de ol, sen desperar nek sentar su irge en nevereso: inverse, se ulu deskovras, ke omna religiono esas simbolismo e se ulu

studias la diversa apliki di la simboliko en la diferanta religiono, lu lernas deskovrar, en ipsa ta simboliko, arto nova expresar la plu deala instinti dil anmo; e lerninte vivar segun la senco simbolista di sua religiono, lu ritrovos en ol nova motivi di vivo e di espero: lu lernas simboligar sua ideali en standardo religiala, quale omna statano lernas simboligo di sua patrio en diversa standardo. Omna fonto dil dualista interna konflikto desapararas, anke se on preferas pro irga grava ed oportunesala motivi observar ankore ma simboliste, la ritui di sua lando.

Versimile, en sua acensi la homal inteligenteso deskovros sempre plu splendida arkani di la naturo e dil universo; e religiala ideari anke atingos nova formi. Ma nesuficanta o desformita e neapta simboli del ancestrala tempi desapararas. Se ulu restas vel ekiras de sua eklezio, ne multo importas: ma importas advere multe ke la ekleziestri ipsa ya ekirez del anciena simboliki ed adoptez loyale moderna doktrini o taski sociala e ciencal. Admirinda sacerdote dil venonta yarcenti esas nur omnu qua loyale devotesas a la sociala perfektigado dil rasi homal.

Moraleso esas nur rezultajo dil sociala pakto. Meliora moraleso esas ta per qua „salvesas” plu granda nombro de homi. Salveso esas nur endukto en nova stando plu perfekta di realigeso dil ideali homana. La ento homal developesas per acensiva evolucioni. Anke omna moraleso do evolucionas e varias segun la yarcenti. Ol ekspresesas speciale en yuro social ed universal.

Anke la yuro esas evolucionema. Anke ol evolucas per etapi, o evolucioni. Yuro rezultas del pakti individuala, societala od internaciona. Ma on ne darfas predikar irga sistemo statal kom nechanjebla, od ekskluzive admisenda: morge forsan neplus valoros to, quo da ni hodie ekskluzive aklamesas! Nam irga nova inventuri versimile subversos itere la precedinta organizadi, quin on erektis sur anciena

bazi. A singla epoko sufficez do lua tasko. Repulsenda eroro esas la opiniono, ke omna homi esas egala od egalyura. Esas evidenta, ke la homi esas tote neegala de naturo. Multi superesas per energio plu richa sive dil anmo sive dil korpo. Diversa esas la energiala forci dil individui e diferanta la bezoni segun la diverseso di sexuo, evo, atavista entalesi o rezultaji del edukado, per qua singla individuo melioreskas diverse. De to konsequas ke do anke la bezoni e la yuri mustas esar diferanta, nam diferanta homi havas mem por la societo o la mutual interesi anke diferanta valoro. Ad omna e singla individuo devus sekuresar, de elementara yuro social, suficanta bazo materiala di existado, apud la devo a kunlaborado per irga profesiono. Ma nur hipotezala egaleso di energiala forco e di simila bezoni devus supozigar mutuala egaleso di yuri; e de egaleso di yuri supozesos egaleso di devi. Same, egaleso de utila kunlaborado mustas sekurigar egaleso di participado en la mutuala richesi societal. Ed anke inverse. Moderna stati submisesas al pakto social segun e per expreso dal majoritati, ciencale kalkulebla.

Yena esos do la maxim perfekta societo, en qua ordinate sekurigesas la social egaleso dil devi e dil yuri omnube existas naturala o paktala egaleso dil bezoni, ed en qua omna valori societal esas mutuala. Yena esas la maxim perfekta sistemo di guvernado, per qua ista ordino garantias e sekurigesas. Nomi dil sistemi indikas nur simbolismo diversa: monarkio, republiko, esas vakua vorto-nomizado, se serioza valoro ne existas en la sistemo. Supera suportero hipotezal dil yuro universalas esas nur serchenda en universalas societal organizuro dil homi, ed en la simbolismi ed organismo internaciona quan olu rezultas kom expresuro dil supera ed universal autoritato. Omna religioni expresis lo per la nomo „Deo”, ed ista nomo od ula equivalanta esis nur la expresuro sive dil organizuro universalas supera dil

societo homal, sive dil universal evolucionala energio dil naturo ipsa. De ta mixita expresuro rezultis e derivesis la ideo hipotezala o „Deo” universal, supera fonto di omna moraleso e di omna yuro. Nomi chanjas, ma sub nova vel anciena simbolo ista necesa hipotezo, en qua abutas omna universala pakto homal, restas e valoros sempre, reportenda sur nova idearo.

Ma mem la religioni, supera expresuri di ta maxim eminenta autoritato perdas omna yuro, se oli ne memoras, ke omna „deo” manifestas su en evolucioni naturala, e ke la homi sempre laceras irga standardi, olqui evolucionas a Signi di sklaveso, vice salvar. Omno esos do religio vera, quo religos la homi per amo en mutualeso. Odio desaparez de la mondo! Yen la nova evangelio moderna di omna homi loyala qui deziras la vera „salveso” dil mondo.

Notenda:

Ni uzis „femno” vice „virino”, e „svestro” vice fratino. (E. sister, R. sestra, D. Schwester).

Apud „ica — ita” ni uzis probe la vorti „istu, ista, isto — yenu, yena, yeno, plu internaciona nam existanta en diversa lingui nacionala ed ultre afina a la formi en Ido.

Por indikar la sexueso che enti maskla, femina, o sensexua, on havas tri genri gramatikala: maskulino, feminino, o neutro. Ex.: „femno” esas la femino dil viro ed esas do feminala nomo, ma ol ne havas feminina finalo di genro, nam, quale amazono, matrono, ol ne bezonas signo di genral finalo. Por formi indikiva di sexuo ni uzis la finali: -o, -i por neutra, -u -ui por maskulina, -ino -ini por feminala senco. Adjunto dil signo -i di la pluralo en nomi sive substantiva sive adjektiva nule influas la acentizo dil vorto. Ex.: manui, in-folioi, profundai, siorui, edc.

Ni admisis „religiono” apud „religio”: religiono signiflikus prefere institucuro dogmala, apud eklezio institucuro societala, dum ke „religio” esus la ideala instinto ipsa religial; quale ex. Schiller enuncas:

„Quan religiono me konfesas? . . Nula de omnai

Quin tu nomas a me. — E pro quo nulan? . .

Pro religio!”

o segun la vorti da H. Spencer:

„La religioni subversis fo quon religio voluntis realigar!”

Dal sama autoro:
(editerio G. Gornitzka, Buchhandlung, Berlin).

KALENDARIO UNIVERSAL
en linguo internaciona.

M. 1.00

Che omna librerio, o recevebla direkte del autoro:
J. Barral, Berlin-Wilm., Moßstraße 49 (Germania)